

清代历史资料丛刊

熙朝新语

清·余金著

清代历史资料丛刊

清·余金辑

康熙朝新程

熙朝新語 白文全書

定價 一元·市

上海古籍書店影印

上海福州路四一四號

上海印刷七厂印刷

一九八三年十一月

## 影印說明

《歷朝新話》十八卷，徐錫麟、錢承同輯。本書早期刊行時，曾取徐、錢兩人姓氏編次，在各二余全二纂輯。書中亦最清創並採以各朝史事，廣泛涉及當時的政治、經濟、軍事、文化，以及水利、衣冠、人物故事等各方面，可供清史研究者和一般愛好文史的讀者參考閱讀。

原書刊行于道光四年。影印前曾用舊版鈔本和其他本子校訂了不少錯誤，并加了商標。

上海古籍書店 一九八二年十一月

余自少至老。以衣食奔走。嘗七上京師。側  
聞名公卿緒論。仰見

國家聲明文物之盛。上自

朝章掌故。下逮嘉頌。謹謠。揚厲無前。新奇  
可喜。日有所聞。難以悉數。每擬筆之於書。  
往往記憶不真。歲乙亥。自滇南歸里。道出  
武昌。於市肆中得歛人余德水所輯

熙朝新語一書。展卷讀之。與余曩昔傳聞  
異辭。俱足互相印證。其書多采諸前人著  
述。中無一臆撰訛傳之語。且又旁蒐軼事。  
發潛闡幽。凡登臨耳目所經。巷議街談所  
及。自

國初至今二百年來。有關於政事文章人  
心風俗者。靡不具載。亟令生徒鈔錄成帙。

略加編次釐爲十六卷。付諸梓以公同好。書名撰人俱從其舊。示不敢掠美也。我朝重熙累洽。久道化成。自今億萬斯年。詞林佳話。藝苑名言。日積月累。不可殫述。續輯之作。以俟將來。

嘉慶戊寅春三月吳郡守銜老人翁子敬  
履莊氏書



10

11

12

13



14

15

16

17

18

19

20

21

22

23

24

25

26

27

28



熙朝新語卷一

古歌 余金 德水 輯

盛京長白山爲我

朝發祥之地。高二百餘里。縣亘千里。山上有潭曰闕門。周八十里。鴨綠混同愛寧三江出焉。明中葉有孽氣者言其地將生聖人。統諸國。山之東有布庫里山。山下有池曰布爾湖甲。相傳有天女名佛庫倫浴於池。浴竟有神鵲銜朱果置穴上。女吞之。遂有身。產一男。生而能言。體貌奇異。及長。母告之故。且命之

曰。天生汝以定亂國。其以愛新覺羅爲姓。語畢。母凌  
空去。子乘小船順流至河。步登岸。折柳及野蒿爲坐  
具。端跌其上。適其地有三姓構兵不解。有取水者奇  
其貌。歸告衆。走問所來。具以實告。衆驚曰。天生聖人  
也。昇歸奉爲王。居長白山東俄漢惠之野。俄朵里城。  
國號滿洲。十數傳至。

太祖高皇帝。英明神武。滅哈達輝發烏喇葉赫諸國。  
開拓疆土。建元天命。再傳至。

世祖章皇帝。拯民水火。統一天下。我

國家億萬年無疆之福。肇基於此。考諸往古。元鳥降祥。姜嫄履武。後先同揆。信有真也。

范文肅公文程爲

本朝開國元勳。文臣第一人。天命二年。文程見

太祖高皇帝於撫順。偉其貌。詢知家世。謂諸貝勒曰。此名臣後也。天聰三年。從征有功。時官文館。尙未有大學士職銜。而文肅所領皆樞密事。崇德元年。改六館爲內三院。授秘書院大學士。每議大政。必資籌畫。八年。撥隸正黃旗。是歲

世祖章皇帝卽位。明年爲順治元年。四月闖賊陷明北京。明山海關總兵吳三桂來乞師。遂

召文肅於湯泉。決策進兵。時抱病力疾趨

朝。建議曰。自闖寇猖狂。中原塗炭。近且傾覆京師。賊厥君后。此必討之賊也。雖擁衆百萬。橫行無憚。揆其敗道有三。逼殞其主。天怒矣。刑辱縉紳。拷劫財貨。士忿矣。掠民貨。淫人婦。火人廬舍。民恨矣。備此三敗。行之以驕。可以一戰破也。我

國家上下同心。兵甲選練。誠聲罪以臨之。恤其士夫。

拯厥黎庶。兵以義動。何功不成。復言好生者天之德也。兵者聖人不得已而用之。自古未有嗜殺而得天下者。

國家欲統一區夏。非又安百姓不可。於是大軍遂發。扶病隨征。申嚴紀律。妄殺者有罪。二十二日敗流賊兵二十萬於山海關。我兵長驅而西。民多逃匿。爲艸檄宣諭。言義兵之來。爲爾等復君父仇。非殺百姓也。今所誅者惟闖賊。官來歸者復其官。民來歸者復其業。必不汝害。民心遂安。師入燕京。文肅建議首先爲

明帝發喪。易梓宮。備儀衛。文肅親紀其事。

國初有內三院。一國史院。二祕書院。三宏文院。各設大學士一員。學士一員。順治十五年九月。改內三院爲殿閣。一中和殿。二保和殿。三文華殿。四武英殿。五文淵閣。六內閣。十六年初。以覺羅巴納哈爲中和殿大學士。額色赫爲保和殿大學士。蔣赫德爲文華殿大學士。洪承疇爲武英殿大學士。文淵內閣未補人。裁三院學士官。另設翰林院。掌院學士一員。以折庫納爲之。十八年七月。復改殿閣爲內三院。康熙九年。

復改內三院爲殿閣。復設翰林院。

天聰八年四月。

太宗文皇帝命禮部考取通滿洲蒙古漢書文義者爲舉人。取中滿洲習滿書者剛林。較多惠。滿洲習漢書者察不害。恩國。秦漢人習滿書者宜成格。漢人習漢書者齊國儒。朱燦然。羅繡錦。梁正大。雷興。馬國柱。金柱。王來用。蒙古習蒙古書者俄博特。石岱。蘇魯木。共十六人。俱賜爲舉人。并

賜衣一襲免四丁。宴於禮部。崇德三年八月。

賜新中式舉人羅碩、常蒲、胡邱、阿濟格、舉禮克圖、王文奎、蘇宏祖、楊方興、曹京、張大任、于變龍等十名朝衣各一領。授牛箇、牛永章京品級。免四丁。六年七月。賜新中式舉人滿洲鄂貌圖、赫德、蒙古杜當、漢人崔光前、卞三元、章于天、卞爲鳳、緞朝衣各一領。是時取士之額雖少。名臣多出其中。

太宗文皇帝用范文程議。特選士於盛京。沈文奎登第一名。字清遠。浙江會稽人。世居曹娥村。客遊遵化。



大兵破城。挈之行。受知登第。充秘書院纂修官。順治元年。道從入關。累官至兵部尙書。人皆知

本朝開科進士第一人爲傅以漸。不知實自沈文奎始也。

順治二年丙戌科狀元傅以漸。山東聊城人。授修撰。官至大學士。榜眼呂纘祖。直隸滄州人。授編修。官至侍講學士。探花李奭棠。順天大興人。授編修。官至侍郎。是科會試首題百姓足君孰與不足。百姓不足君孰與足。次題見而民莫不敬。言而民莫不信。行而民

莫不說三題王道之始也。會元卽李爽棠。三藝渾穆。蔚然開國氣象。二甲七十七人。三甲二百九十三人。國初諸大老皆出此科。大學士四人。傅以漸。李蔚。魏裔介。馮溥。尙書八人。沙澄。高景傳。維鱗。冀如錫。朱之弼。艾元徵。魏象樞。劉捷。督撫三人。袁懋功。朱之錫。林起龍。左都御史一人。劉鴻儒。侍郎十五人。李爽棠。石闕。張爾素。陳協。王天眷。胡兆龍。梁清寬。梁清遠。田六善。楊時薦。于嗣登。朱斐。李棠馥。楊運昌。王度。左副都御史一人。董篤行。右副都御史一人。張汧。通政使二

人晉淑載劉士蘭大理卿一人王景祥內院學士二人夏敷九。

宛平王文靖公熙順治四年進士時年甫二十改庶吉士習滿書拔前列。

世祖召見宏文院命以滿語奏對大加褒賞尋陞國子監司業累官至大學士。

先時廷對策俱用四六順治己丑科

世祖臨軒策士命不用四六舊套劉子壯對策稱

旨親定一甲一名與榜眼熊伯龍齊名熊典試浙江

一榜得三狀元。乙未史大成。甲辰嚴我斯。庚戌蔡啟傅。士林榮之。

山陰孟月心。永光。工寫真。明季薄遊遼東。後歸

本朝。以畫祇候

內廷。爲

世祖所知。

命內侍張篤行受其筆法。

合肥龔尙書鼎孳。歸

本朝。後顧與涿州相國齟齬。嘗時兩非之。後顧黃公

弔尚書有云。天壽還陵寢。龍輻葬大行。義聲歸御史。  
疏稿出先生。浮議干秋白。餘生七尺軀。當年溝瀆死。  
苦志竟誰明。文人之筆能爲人文過如此。

順治己丑探花張次修。天植。由編修至太常轉通政。  
端午

世祖召入龍舟賜宴。人稱異數。

順治七年。織造龍衣機上有異光。三日不止。欽天監  
占以爲一統天下。政治文明之瑞。

順治壬辰會試。分滿漢爲二榜。蒙古入滿洲榜。漢軍

入漢人榜。是科滿榜中式五十人。殿試一甲一名麻勒吉。二名折庫納。三名巴海。乙未科滿榜亦取五十人。殿試一甲一名圖爾辰。二名賈勤。三名索泰。自此兩科以後仍停滿榜。與蒙古漢榜合而爲一。

無錫鄒忠倚字子度。幼遊錢塘。祈夢于忠肅祠。見忠請倚其身。授以瓜子一握。數之得五十四粒。因名忠倚。後聞居。其夫人戲以瓜子排作狀元二字。壬辰會試中式五十四名。殿試果一甲一名。與夢俱合。

順治乙未冬。

召日講官五人進講。王熙講尚書孝典稱

旨。並

命嗣後講官不必立講。遂侍坐。其後講官因得侍坐。自王熙始。

徐元燾字道力。順治乙未進士。

廷試時爲文敏捷。

上顧見起草。竒之。及

召對便殿。例舉少年習清書者中選。元燾列最後。

上問其年。對曰。臣年五十二。

上曰。不欺翰林居清要。須用不欺之臣。遂用爲庶吉士。

陳澤州相國初名敬。殿試榜有通州同姓名者。

上命加廷字以別之。官學士時奉

命進所作詩。

上覽其詠石榴子云。風霜歷後含苞實。只有丹心老不迷。誦之至再。官至大學士。仍兼經筵。故事大臣入閣不復侍經筵。兼之者桐城澤州二相。蓋曠典也。

涿州馮文敏公銓歸



本朝官中和殿大學士。順治十年。銓母范太夫人壽八十有七。

世祖特命畫史繪銓母像。加寶璽以寵之。

馮文敏公次子源濟。年十九成進士。改庶吉士。授編修。遷至秘書院侍讀學士。緣事降東城兵馬司指揮。遷淮安府山清同知。丁憂起。復授翰林院侍講官。至國子監祭酒。宦迹亦奇。

無錫秦松齡。順治乙未進士。改庶吉士。授檢討。召試詠鶴詩。有高鳴常向月。善舞不迎人之句。

上大加稱賞。以爲有品。

蔚州魏敏果。公象樞。順治丙戌進士。由庶吉士。改刑科給事中。時

世祖初親政。象樞上言宜慎起居。盡啟沃。責備時宰。人皆危之。

上深嘉納。在諫垣時。疏凡三十餘上。尋因事牽涉。左遷。康熙初

召授貴州道御史。具疏言科臣余司仁欺罔不法。湖南布政使劉顯貴侵公帑。不當內陞。數年聞官至左

都御史劾最貪知州曹廷俞。薦舉清廉知縣陸隴其。又舉學道公明者二人。去貪墨者二人。吏治肅然。遷刑部尚書。上言臣忝司風紀。職多未盡。敢援漢臣汲黯自請爲郎故事。乞辭新命。而領現職。

上鑒其無欺。從之。仍加刑部尚書銜。嘗曰。法自天子。寬之則爲施仁。自刑官。寬之則爲骯法。以病乞歸。

御書寒松堂額

賜之。以寵其行。

順治己亥會元朱錦。上海人。由庶吉士授編修。先是

同邑潘尚書有家人朱錦。其子遊庠。入謝潘。潘曰。汝子係

朝廷士子。可以門生禮見。勿再論主僕也。因還其券。朱感泣。矢報潘。潘曰。我富且貴。安賴汝報。朱籲請不已。乃曰。現今文廟圯壞。汝能修葺。賢於報我遠矣。朱欣然營繕。棟宇一新。此百餘年前事。至康熙壬子。會元公歿。同日文廟正梁朽壞。下折。刻有建造人姓名與會元同。始知卽其後身也。

順治己亥狀元徐元文。康熙庚戌探花徐乾學。癸丑

探花徐秉義。同胞三及第。前明三百年來所未有。  
馬章民世俊。性朴素。釋褐時貧。不能具軒策蹇。鬻老  
蒼頭。攜宮袍隨之。傳爲士林佳話。

張文貞公玉書。文春容典雅。灑灑乎

盛世之音。其推諾仙狼居胥山二碑敘述

聖武神功。尤爲詳贍。足以昭示萬世。紀平定江南事。  
紀滅閩獻二賊事。紀三路進師下雲南事。皆瀚緒詳  
明。足以彰閩國之鴻烈。紀順治間樂章及錢糧戶口  
三篇。皆資掌故。紀陝西殉難官事一篇。足與史傳相

參他若遊玉泉山記。遊化育溝苑後苑記。遊喀喇河屯後苑記。遊熱河後苑記。皆足掄揚太平愜樂之象。其餘碑誌亦多。

國初將相事迹。可備考。

益都馮相國溥。二十一歲鄉舉。報到。酣眠不醒。大夫人大驚。以水噴面。乃張目曰。夢登泰山。雲氣擁身。而行至一殿上。碧霞元君迎之。置錦幔。張樂飲酒未終。見海日如車輪。大驚而醒。醒時猶帶酒氣。

順治癸巳正月十八日夜大風。山東恩縣郝村。陝中

冰卓立成山。廣四丈。高二丈許。峯巒秀拔。鉛壑迴環。一磴委蛇相通。觀者雲集。造物之巧。有不可思議。如此者。

卽墨藍見者潤。順治丙戌進士。官翰林。性廉介不異。情素。故事直隸江南。皆以臺員視學。

世祖特簡詞臣。以潤爲安薇學使。諱別積弊。

上謂廷臣曰。居官如藍潤可法也。會南省監司各不稱。

上以翰林官習法度。以潤品行端方。出爲福建參政。

此詞臣爲監司之始。

嘉善曹子願爾其。順治壬辰進士。改庶吉士。授職經修。

召試瀛臺南院。

上霽顏顧問久之。嘗與吳學士偉業等同注唐詩。書成稱

旨。特被

褒嘉。儒林以爲佳話。

順治十四年二月。給事中張文光言。晉哀公諱孔子。



曰尼父。漢平帝元始元年加謚曰宣尼父。後魏太和十六年改謚文聖尼父。唐太宗貞觀十二年尊爲宣聖尼父。明皇開元二十一年始進謚文宣王。元武宗至大元年加謚大成至聖文宣王。明嘉靖九年改爲至聖先師孔子神位。前祭酒李若琳不加攷訂。請易爲大成至聖文宣先師孔子。不過仍元武宗舊謚。而不稱王耳。臣謂大成文宣四字豈足以盡孔子。請仍改至聖先師孔子神位。

上從之。

徐立齋元文爲諸生時。赴試金陵。船家一啞子見之。怒迎笑曰。狀元來矣。後果如其言。這一船與之。俾溫飽終身。

立齋官修撰時。嘗從

幸南苑。

賜乘御馬。

命學士折庫納執鞚。乃元文館師也。遜謝不敢。乃改命侍衛。又嘗晚對便殿。夜分

賜饌。

世祖又問從者得毋饑乎。

命侍衛與之食。皆破。

命進半齋說一篇。半齋。

世祖讀書所也。

上賜覽稱善。爲刊行之。

順治戊子順天鄉試。第四名張永祺。壬辰榜眼。第五名戴王綸。乙未榜眼。第八名熊伯龍。己丑榜眼。同榜三榜眼。亦奇。

鎮國公敬一主人。

世祖章皇帝之庶兄也。居瀋陽。性淡泊。如枯禪。老衲。好讀書。善彈琴。工詩畫。精曲理。樂與文士遊。以康熙九年七月薨。著有恭壽堂詩。

法黃石若真。母夢應真人室而生。故名若真。學問淹博。順治乙酉以五經中式。丙戌成進士。由編修再遷祕書院侍讀。與時相不合。外用浙江道。調福建禦鄭寇有功。遷浙江按察使。平反王式誣告案。浙人詫爲神明。

新城傅麗農。展修軀偉貌。鬚眉如戟。博學強記。嘗過

一友家其女爲狐所祟。聞傅至曰。傅公正人。將來必貴。吾去矣。果不復來。傅中順治乙未進士。官至江西道御史。

國初時山東有李神仙者。游行京邸。庚子北闈鄉試前。有兩生密詢試題。曰。公等皆道德仁藝中人。無庸卜題。出乃志於道全章。辛丑會試。又有以場題問者。李曰。五後四可。場中首題乃知止而後有定一節。次題乃夫子之文章一章。三題乃易其田疇二節。果五後字四可字。

吳縣黃端本向堅。父孔昭作宰滇中。姚江道梗不得歸。向堅於順治八年十二月徒步出門。涉歷艱險。周徧於猿獠之地。趼足黧面。至白鹽井始遇二親。以十年六月歸里。承歡二十年。父母歿。負土營葬。不再期。得疾以歿。世稱完孝。好事者爲譜三溪記傳奇。至今世多演之。

趙恒夫吉士。讀書靈隱。偶憩冷泉亭。見文宗屏去。竊從。攜一小童入寺。良久步行去。寺僧告趙云。黃公以尊名問僧。遂具文宗云。寺中有一士子。未識其面。夜

過午書聲不輟。寤培植之文宗。唯唯而去。僧來報喜也。趙詢之方知所處。居之旁。有黃中丞鳴俊者。係文宗房部。避靜寺中。絕無人知。前輩之斂跡韜光而不憚提獎後進如此。

句容篋重光未第時。夢其父曰。汝功名在朝天宮某道士身上。覺而異之。訪其人與訂交焉。旣而辛卯金陵填榜。卽某道士也。折卷到篋。官欲易之。道士已聞。唱直書。官呵曰。爾知篋字如何寫。道士曰。竹下加且字。官曰。數也。

國初時浙江用兵諸暨陳氏女年十六被地匪所掠  
逼之不從杭人郭宗臣朱瞻生尙御公者方報義縣  
余贖難民間女之貞亟贖之方至家忽友人贖一童  
子至問之卽其夫也翌日贖兩嫗卽其母與姑也正  
驚喜問訊間有兩翁踉蹌至覓其妻蓋卽女之父與  
翁也兩家骨肉一時完聚人皆以爲貞節所感三人  
爲之治酒肴具衣帨合盃而歸之高義亦足多也  
五岳皆祭於山獨恒岳祭於出陽自漢宣帝神爵元  
年始而恒山實在渾源州相傳殊望於山川北至大



茂山。大雪不能前。有石飛墮。遂祀焉。卽今曲陽廟。石長不滿丈。濶僅四尺餘。濮陽蘇侍郎毅。疑石晉後燕雲陷遼。宋遂遙祀於此。然史漢唐書之文甚明。不始宋也。沈存中筆談云。北岳謂之大茂山。半屬契丹。以大茂脊爲界。岳祠舊在山下。石晉之後。稍遷近內。今祠乃在曲陽。蘇說本此也。明宏治中。馬端肅公會請改祠於山。事下禮部。竟格於倪文毅公。按南園漫錄云。倪公父謙。奉命祀曲陽。禱於神。神指夢侍一人與之生公。因名岳。以是固執不肯改祀云。順治十七年。

上允刑科給事中粘本盛之請。罷曲陽廟祀。改祀渾源。十年因循之誤。至是始釐正焉。

順治甲午。四明金良於鄉試前。夢見天榜解元乃金良也。寤而喜甚。及揭曉。解元乃鍾朗。夢中僅見其半耳。又己亥八月再行會試。朱若臣士綬夢看榜。會元朱姓。單名金字。偏傍左邊不甚了了。因其呈禮部。更名鏐。榜發會元則朱錦也。二事相類。豈神或戲之與不然。何其巧也。

養圖字麟閣。滿洲科目。解元。幼貧。嘗執馬通讀書。尤

好爲詩。滿洲文學之開。實自賽公始。而滿洲文字則創於達海公。故諡曰文成。

金壇蔣虎臣超。順治丁亥探花。以編修督學瀕天。東竣卽告歸。不遇里門。沂巴峽至峩眉。寓伏虎寺。至癸丑正月。端坐說偈而逝。初生時其祖母夢裝眉老僧至其家。故幼不茹葷。至是果驗。

劉貞猷字壯少穎慧。讀書一目數行。屬文奇肆。中崇禎庚午舉人。領薦後夢神告之曰。爾須未之賜作房考。方中春榜。及至京。偶出寓散步。見數童子攜書包。

經其門一童特秀出執手與談見其書上寫學名朱之麟也大驚隨至其家見其父乃閩柴廩者贈軍硯數事珍重而別後遭流寇之亂屢次不赴春官及本朝順治己丑會試之歲已為分校得首卷即劉也本朝最重易名之典京朝官惟閣臣尚書總憲得賜諡侍郎以下不得與如葉文敏方濬疏文恪荃以久在侍從宋端慤文運以廉介受知加太子太保皆予諡蓋異數也

順治乙未進士李贊元原名立由翰林遷御史奉

命拔湖北。收漢陽大猗段世昌。杖斃之。世昌謂家人曰。少時遇道士。叩以終身言。他日遇非桃非杏非坐非行。卽祿盡時也。

長洲宋維新懋禧。順治癸巳補博士弟子員。秋闈報罷。卽絕意進取。多智略。三遇暴客。俱以計脫。晚耽禪悅。受戒。退翁和尚常作八悔警言。曰。幼不習學。老時悔。富不惜福。貧時悔。酒不節飲。醒時悔。賭不戒貪。輸時悔。健不養生。臥病悔。忿不顧身。傾家悔。善事因循。臨回悔。惡念纏綿。墮落悔。眞見道人之言也。

崑山王聖開。室畢氏。名著。字翰文。歙縣人。

國初時著父勦流賊陣亡。尸為賊所得。衆議請兵復仇。著謂請兵則曠日。賊知備。即於是夜率精銳入賊營。賊方飲酒。驚駭。聞者手刃其渠。衆潰。以兵追之。多自相踐踏死者。輿父尸還。葬於金陵。子歸後。裙布釵荆。無往時義勇氣矣。其詩集序中有云。梨花槍萬人無敵。鐵胎弓五石能關。又云。入軍營而殺賊。虎穴深探。奪父尸以還山。龍潭安葬。又云。室中推髻。何殊孺仲之妻。隴上攜鋤。可並龐公之耦。其自紀殺賊奪尸。

事有云。相期智勇士。慨焉賊同仇。蛾賊一時淨。萬年固金甌。忠孝義勇兼而有之。可謂奇女子矣。

新編 蘇州府志

卷一

一



熙朝新語卷二

古敘 余金 德水 輯

康熙初孫苞瞻在豐爲侍講學上時嘗言。

聖祖勤學前古所無坐處環列皆書籍尤好性理五經四書所坐室中顏曰敬天左日以愛己之心愛人右日以責人之心責己皆

御筆自書書法直道歐顏見章奏有德邁二帝功過三王等語謂二帝三王豈朕所能過戒羣臣以後不許如此陸清獻公隴其嘗謹述其事。

靜海宮夢仁初名宏宗。久困場屋。一夕夢鄉前輩林會元春以一冊予之。春字子仁。因更名夢仁。康熙庚戌果中會元。

崑山徐司寇乾學爲禮部侍郎。時朝鮮使者鄭載嵩訴其國王受枉。語頗悖妄。乾學上疏劾其不敬。

上喜曰。此文有關國體。遂陞左都御史。已而王果上表請罪。

吳人張姓。以星卜游公卿間。嘗許繆念齋彬狀元。康熙丁未果第一人及第。吳中驚以爲神。門外車馬不

絕。張亦自高聲價。累致千金。韓宗伯歿時。教授陋巷。託友代問。張厲聲曰。此人來歲當死。還問功名乎。及韓中會狀。張遁去。

廬陵張貞生。少入塾受經。卽有志聖賢之學。官侍講。學士時言事激切。

命下考功議革職。

上愛其才。止鐫二級。出都時。王阮亭司寇等賦詩餞行。張留別詩云。秋風送客復乘船。江遠帆孤一夢懸。焚草燈前期報。

國披肝殿上願回天

聖明豈是誠難格。臣愚還慙荷未全。賴有宗工交勸  
勉。臨岐申贈繞朝鞭。歸二年

詔以原官起用。至京卒嘗書至。危是人禽之界。喫緊  
在義利之間。二語於座右以自警

湖州沈閣學涵於康熙辛未閏端午

御試紫禁朱櫻出上闌詩。

上闌至末句云。結根幸荷滋培久。長抱丹心對紫微。  
嘉歎久之。曰。沈涵故自不凡。

康熙四年十二月兩江總督卽廷佐奏報溧陽縣民  
獲玉璽篆文人心惟危道心惟微惟精惟一允執厥  
中十六字。

命貯寶庫。實獲璽人顧起龍等各銀五十兩。

山東邱縣孝子王祚昌。封肝療父。父病立起。奉

特旨給旌。後不爲例。

本朝高文良公其倬。詩爲勲業所掩。實一代作手也。  
嘗賦

恩賞花翎黃馬褂。詩云。冠飄孔翠。天風細。衣染鷲黃。

御氣激莊雅獨絕。

湯文正公既官參議。康熙己未舉鴻博。

召試授侍講。命錄平日詩文進覽。首篇係

親耕藉田頌。

上肅然改容曰。此

世祖章皇帝時事。又閱詩至末首。有年老才將盡。憂  
多道轉親之句。

上作思久之。曰。何謂憂多道轉親。對曰。臣幼遭亂離。  
半生在憂患中。常隨事體認。於道轉覺親切。詩辭朴

拙。不勝惶恐。

天顏和霽。從容顧問甚詳。一時咸歎優禮。儒臣爲  
國家盛事。

范忠貞公承謨。大學士文程子。初充侍衛。復舉壬辰  
進士。改庶吉士。授宏文院編修。官至浙閩總督。死耿  
逆之難。有畫壁詩傳於世。擣李董漢策。尙書份元孫  
博聞宏覽。忠貞特薦以科道用。旋被臺參放歸。忠貞  
殉難後。浙人建祠於孤山。董往謁。詩云。浪灑西臺夢  
欲迷。怒濤風急拍長堤。天涯渺渺無知己。埋劍金庭

伴鶴棲。握機密。啟意躊躇。篋有陰符。返五湖。却悔囊  
錐猶未試。女牆望見夜啼烏。

康熙庚戌一甲一名德清蔡官贊。敬傳二名德清孫  
司空在豐。三名長洲徐司寇乾學。卽於是年十二月  
召對宏德殿賦詩。卽日被

命同直南書房。又同主順天鄉試。爲鼎甲盛事。

孫司空在豐充講官時扈

駕南苑。園內有廣突出。

上以



御用弓矢。授在豐。射得之。

上大喜。顧大臣曰。孫在豐。文武材也。

丹陵人楊鼎。幼失怙。母子熒熒相守。茅屋一椽。僅蔽風雨。鼎力耕養母。暇則釣於溪。得魚以爲母日用。言笑起居。不敢有違。偶與人爭。母呼之立解。雖曲直勿論也。年近三十卒。其母悲痛。目爲之昏。所居荒棘中。心多怖。一夕夢鼎語曰。母勿怖。兒爲母伴。驚覺。足底有物。晨起視之。則大蛇蟠屈其上。母駭甚。恍悟夢中語曰。得非兒所化耶。果爾。當首肯。蛇昂首若頷之者。

母牀以大竹爲之。竹節皆通。可藏物。蛇自牀下入竹中。夕則復來。鄰里聞之。歎爲奇事。後數年母去。依員氏。臨行。啟視。竹中蛇已不知所往。

康熙十七年。御史成其範題爲星占之理。可憑。捷音之來。伊邇請

敕令軍士應期征剿。以奏蕩平事。臣竊惟天道至微。而難窺。非淺學所可輕議。臣以愚陋書生。何敢妄談。但事關軍國大計。不敢不據實爲我

皇上陳之。臣謹按五星之占。驗往往不爽。惟災或一

星其應尤速。此司馬遷所謂天子必視熒惑所在也。天文志曰。熒惑行無常。出則有兵。入則兵敗。各以其舍命國。爲亂爲賊。爲疾爲喪。爲饑爲民。所居國受殃。天官書曰。熒惑反道二舍以上。居之三月有殃。殃速至。雖大當小。久而至。當小反大。今年十一月十五。火星退度。其在柳土者無可占驗也。惟自十二月十八。火星退鬼金之宿。二十二。火星退井木之宿。自三十一度起。直至十八年正月初九。退至二十五度而留。留至正月十七而止。夫鬼金之分野。貴州平越府是。

也。井木三十一度至二十五度之分野。雲南大理武定姚安等府是也。據星占而論。論其時則自十二月十八至正月十七止。論其地則自貴州平越府起至雲南八府止。此內當主賊兵自相殘害。一月之內。端倪必見。五月之內。消滅無餘。此必至之應也。說者曰。火星退度。亦有未必盡應者。臣以爲火星退在四水宿則不應。蓋水能克火。火故不能爲厲也。火星退在四土宿則亦不應。蓋火土相生。火亦不能爲厲也。至於火退鬼金。則火能爍金。火退井木。則火逢木而愈。

熾。況火旺南方。鬼井皆南方之宿也。雲貴皆南方之地也。反道正居其野。則逆寇之滅亡所必然耳。臣不知彼地之情形。亦不知兵家之進退。但以星氣之占驗。其理如此。請

敕軍士速應星象。以圖翦滅。則蕩平指日可期矣。如果臣言不謬。伏乞

睿鑒施行。奉

旨知道了。該部知道欽此。是年吳三桂病死。次年世璠伏誅。雲南平。

歸安嚴侍郎我斯嘗夢至一山僧舍中見座師及房師諸同年俱僧服訝之諸公曰寧忘却此地耶因問山何名僧云崧山忽悟曾晒鞋於階視之尙未燥尋寤數日卒口占偈云誤落人間七十年今朝重返舊林泉崧山道侶來相訪笑指黃花白鶴前

山西衛旣齊官檢討以言事忤

旨謫霸州州判翰林建言旣齊其一也歷官至順天府尹御史陸清獻公隴其亦以言事當謫旣齊而奏陸爲縣令時深得民心今皆恐其遠謫遂得邀免衛

與陸初不相識。日後亦不相往來。正如郗奚不見叔向之事。人兩賢之。

丹徒張九。字禮存。九歲通五經。壬午未冠。領鄉薦。丁未對策。直刺部院。督撫兩弊。讀卷者歎曰。此長沙痛哭書也。既奏。擢一甲二名。授編修。

平原董誥。字茲重。康熙丁未探花。由編修歷官。至江南總督。以閩河事。鑄級。補侍讀學士。民爲立生祠。次年

上南巡。民數千。執香祠前。求仍放誥爲江南官。

上迴鑿召詢至丹前曰汝做官好江南人爲汝蓋一小廟矣因大笑旋陞漕運總督

德清蔡石公啟傳領順治甲午鄉薦時尚未舉子夫  
人私蓄三十金爲置一妾妾至垂泣蔡怪而問之曰  
吾夫以負營債故至此蔡乃夜往其夫家語之曰吾  
爲爾消釋此事然我不可歸歸則心跡不明卽襍被  
臥其家天明召營卒至謂曰汝輩違法今不汝較卽  
繳券付金率亦感動不取息命騎昇婦還夫然後歸  
夫人踰年卽舉子足科公車北上有妓欲從蔡蔡賦



羅江怨詞云。功名念。風月情。兩般事。日營營。幾許攪  
撥心難定。欲待要倚翠偎紅。捨不得黃卷青燈。玉堂  
金馬人欽敬。欲待要附鳳攀龍。捨不得玉貌花容。美  
蓉帳裏恩情重。怎能兩事都成。遂功名。又遂恩情。三  
杯御酒。嫦娥共。竟去不復顧。康熙庚戌。果以第一人  
及第。

德清蔡翁築室落成。夢人授以四紅箋。各書大一字。  
後孫奕琛官至一品。曾孫啟傳庚戌狀元。元孫升元  
壬戌狀元。彬辛酉解元。方悟四字之兆。翁壽至百

八歲

吳道叔兵逼建城鎮帥快而羣欲帥降其屬張遂擊者請戰數卻賊張好著羊絨絛單馬入陣戰酣輒袒露半袖驍勇絕倫軍中號曰半邊紅鎮帥恩之誣陷以死一軍皆哭後人弔以詩曰漢將一身當敵騎楚歌千古怨蘭叢何事茅簷請故老負暄閒說半邊紅

平朝陸閻學秦九歲時值鼎革其父爲馬將軍所獲業伏草中躍出來代父死將軍愛其文秀以扇示之

曰。兒能讀。扇上詩。卽赦汝父。蔡朗誦曰。收兵四解。降  
王縛。教子三登上將臺。此宋人贈曹武惠王詩也。將  
軍不殺人。卽今之武惠王矣。將軍大喜。釋其父。乞爲  
己子。蔡哭別其父而去。已而將軍物故。得脫歸。康邸  
己未。舉鴻博入詞林。

聖朝愛其才。一日七遷官。至內閣學士。

打箭爐。故旌牛徽外地也。雅州西去大渡河五日程。  
羌蠻混雜。連山接野。鳥路沿空。漢永平中。白狼築木  
唐菽等百餘國。舉踵奉貢。越山坂負纒而至。皆此種。

類。蜀漢時武侯征孟獲於此造箭。因名打箭爐。唐韋  
臯拒吐蕃。李德裕拒南詔。皆扼大渡河爲險要。宋建  
隆二年。王全斌平蜀。議欲因兵威復越巂。藝祖以玉  
斧畫所繪圖。曰外此吾不有也。於是爲黎雅之極邊。  
曩時河道平廣。可通漕舟。自玉斧畫河之後。河之中  
流忽陷五六十丈。河流至此澎湃如瀑。從空而落。春  
撞號怒。船筏不通。名曰噎口。殆天設險以限羌蠻也。  
元明時番人俱於此地互易茶馬。自明末流寇之變。  
商民避兵過河。攜茶貿易。而烏斯藏亦適有喇嘛到

爐彼此交易。漢番雜處。於是而坐爐之灣官管束往來貿易諸番。我

朝定鼎。德威所被。直通西域。打箭爐一區盡入幅員矣。

聖祖御乾清宮。講官張玉書進講畢。

上問理學之名始於宋否。對曰。道理具在人心。宋儒講辨加詳耳。

上曰。日用常行無非此理。自有理學名目。彼此辨論。言行不符者甚多。終日講理學。而所行全與所言背。

謬豈可謂之理學。若口雖不講而行事駘合。此卽真理學也大哉。

聖人之言。僞學聞之汗浹襟矣。

康熙癸丑春。

天子御講筵。從容謂學士欲得文學之臣。朝夕置左右。惟職經史講誦。給內廬以居之。不令與外事。其慎擇醇謹通達者以聞。時舉編修桐城張英名入對。

上心識之。自是再曰。諮詢對者無異詞。遂有

內廷供奉之命。

賜邸舍於毓慶之西辰而入終戌而退。

上舊所御讀書處曰

南書房在

乾清宮之西南隅。

命處其中飲膳給於大官執書使中涓紙筆之屬出  
自

御府珍果之屬撤自

御饌者日數至焉。

上御乾清門聽政後則

召至懋勤殿。辰巳前講經書。午後講史。率以爲常。此南書房供奉之始。

高文端公之父都統嵩瞻贈弟斌詩云。與君一世爲兄弟。今日相逢第二場。想見敷成大臣國。爾忘家之義。

顧八代字文起。鑲黃旗人。以軍功授戶部筆帖式。擢吏部文選司郎中。康熙十四年。

聖祖御試旗員。擢八代第一。遷翰林院侍講學士。自他職改入翰林官。實自八代始。



康熙二十一年六月

上諭部院諸臣。朕因天氣炎熱。移駐瀛臺。今幸天下  
少安。四方無事。然每日侵晨。御門聽政。未嘗暫輟。卿  
等各勤職掌。時來啟奏。曾記宋史所載。賜諸臣於後  
苑賞花釣魚。傳爲美談。今於橋畔懸設罾網。以待卿  
等遊釣。可於奏事之暇。各就水次。舉網得魚。隨其大  
小。多寡。攜歸邸舍。以見朕一體燕適之意。誰謂東方  
曼倩割肉之事。不可見於今日也。特諭。仰見  
聖朝青起明良。一心一德之盛。

桐城張相國英長子廷瓚。康熙己未進士。由編修。陞  
歲中。遷至侍讀學士。乙亥六月。

上召翰詹八人。至暢春園。

賜宴。賜扇。英父子皆與焉。

長洲彭定求。康熙丙辰會狀。弟寧求。康熙壬戌探花。  
孫啟豐。雍正丁未會狀。弟兄鼎甲。并祖孫會狀。爲吳  
中盛事。

康熙己未狀元常執歸允肅。授修撰。兼日講官。進講  
周易毛詩。舉止端詳。敷奏明暢。湯文正公斌歎曰。講

筵得正人。天下有賴矣。

康熙十七年

詔舉博學鴻詞。十一月初一日奉

旨。各大臣官員題舉才學諸人。俟全到之日考試。其中恐有貧寒難支者。交與戶部酌量給與衣食。用副朕求賢重文之意。欽此。戶部議酌給俸廩。併柴炭銀兩。真曠典也。次年三月初一日平明。薦舉人員齊集太和門。以魚貫入。

上御太和殿。鴻臚唱行三跪九叩首禮畢。

命赴體仁閣下。大學士捧題出。題二道。璇璣玉衡賦。省耕詩。俱坐地作文。已刻大學士傳。

旨賜宴。凡會試殿試館試狀元庶吉士俱不賜宴。此乃

皇上十分隆重之意。宜說。

命赴體仁閣。設高桌五十張。每張設四方高椅。光祿寺設饌十二色。皆大盃高攬。

賜茶二通。時果四色。後用饅首卷子紅綾餅粉湯各二套。白米各一大盂。又

賜茶訖。復就試。陪宴者大學士、掌院學士、滿漢各二員。皆南北向坐。謂之主席。以賓席皆東西向也。餘官皆不與。

欽取彭孫通等二十人爲一等。李來泰等三十人爲二等。已仕者照品級授講讀、宮坊編修等官。未仕者概授檢討。總充明史館纂修。

長洲吳廷楨字山掄。少試有司。二十三次皆第一。顧不得中。嘗夢泥金報至。己名第八。丙子入陝西籍。獲雋。又以冒籍黜。己卯。

召試第一。

欽賜舉人。癸未殿試二甲五名。合一甲數之。適符夢兆。

高文良公。改庶吉士。後卽乞假歸。閉戶讀書數年。然後就職。前輩之虛心好學如此。

徐州李蟠爲舉子時。嘗夢神人衣冠甚偉。手一楹付之。中有黃金絲糾結成狀元二字。果以康熙丁丑第一人及第。

姜西溟宸英。工古文。布衣時。

聖祖卽知其名。屢試不售。薦入史館纂修明史。分撰一統志。月給俸錢。衣儒生衣。雜坐公卿之次。丁卯順天鄉試。已擬第二。因二場有點竄。堯典舜典一語。爲監場御史所貼。後以丁丑會試中式。殿試進呈卷在二甲第四。

上問有浙江姜宸英乎。內閣學士韓菼對曰。宸英在史館。識其字蹟。第七卷當是。

上曰。老名士也。夙學能文。至老猶篤。可拔置二甲三名。爲天下讀書人勸。

本朝進士出身最奇者三人。一杞縣任暄。猷。明末傅練鄉勇以禦流寇。後歸南京爲後軍都督。

王師下江南。投誠隸旗下。順治壬辰進士。以磨勘破黜。又中乙未進士。一邵陽吳芳。崇禎己卯舉人。官至左都御史。投誠後願以科第進。中康熙甲辰進士。一五河錢世燾。鼎革後棄官爲浮屠。久之還俗。應該爲諸生。康熙庚戌成進士。年已七十餘矣。

葉文敏公方霽。官翰林學士時。修四書講義。至羔裘元冠不以弔爲。



聖諱。商於同僚。俱不能對。翰林典簿穆維乾對曰。大字當仍原字以尊經。小註改元字以避諱。方雷問何所本。維乾曰。中庸慎獨乃原字。小註改謹字。方雷大悟。余自幼疑此。始知朱子爲避諱也。深加敬禮。人服其虛中。

王司寇王正謁武侯祠詩云。武興城郭亂山青。肅肅丹青古殿陰。三代僅存魚水契。千年猶聽臥龍吟。世家瞻尙成忠孝。祖德高光式鑒臨。禮樂可興身未死。中原人識老臣心。全集不載。想係初稿。後刪之也。

康熙四十年

聖駕駐蹕郭哈密圖七立有索和諾蛇哈密獻麟草一方奏云此草產於鳴鹿山雷風嶺必俟十月乃成非遇

聖朝未易呈瑞。

鄞縣屠純甫粹忠垂髫時讀書里中董氏大書戊戌成名四字於壁間後果中順治戊戌進士累官至兵部尙書先是

聖祖以粹忠老年嬰鑠

御書修滌堂扁額賜之。又

賜御臨趙孟頫行書曰。白鹿城頭百萬兵。碧油幢下  
一書生。如今始識爲儒貴。臥聽元戎報五更。乃大司  
馬之預兆也。

宜興任葵。尊宏嘉官御史。上疏請定服色。三品以上  
始許衣貂裘。給獬獬。王阮亭先生口占戲贈云。京堂  
管轄兩衙門。齊奪貂裘給獬獬。昨夜五更寒徹骨。滿  
朝誰不怨葵尊。

康熙壬午順天鄉試。五經監生二人。江南武進莊令

輿。浙江桐鄉俞長策。初以五經違例貼出。仍具題請旨。賜爲舉人。一體會試。嗣後願做五經者聽。

合肥李相國天馥。服闋入都。其王戍諸門生已多通顯。置酒新第。史侍讀夔卽席賦詩。有郎君館閣稱前輩。弟子門牆半列卿之句。時人比諸唐人鸞掖鯉庭之盛。

陸清獻公令嘉定時。被參。魏果敏公象樞上疏力爭。其略曰。陸隴其清操飲冰。愛民如子。賢聲播於都下。臣心竊重之。謂異日可步于成龍之後塵者。此人也。

今被議革職。例之所在。臣不敢問。但有此清介之官。正當爲羣僚作榜樣。爲百姓作慈母。今之有司。守與德爲難耳。旣知其守與德矣。何不畱以長養百姓云云。有。

旨報聞。一時傳誦。後累官至順天巡撫。辛酉歲入覲。上賚予甚厚。並

賜詩。有郊圻王化始。鎮鑰重臣膺之句。尋擢兩江總督。如陸公之遭際。

聖君可謂不負所守矣。

宣城孫榜眼卓之父勲。故給事中也。父孫翁艱於嗣。一日見市中一僧以火然指問之。曰。願得一茅庵。足供大士像。旁可坐臥誦經。足跡不出門。而免持鉢之苦。久之無一檀越辦此者。故然指耳。翁曰。吾爲師了此願。僧卽罷爇。延至其家。爲結茅如僧言。居三年。一日送客。忽見僧入後堂。問之。則夫人臨蓐得一子矣。方駭異間。庵中人來云。僧已坐化。子一指然痕宛然。劉吏部體仁客鳳陽。一日同友人蘇茂遊銘過龍興寺。訪老衲。流連竟日。始別。蘇歸邸中。夢劉來。笑吟詩。

云。六十年來一夢醒。飄然四大御風輕。與君昨日龍興寺。猶是拖泥帶水行。覺而異之。忽聞剝啄聲。則劉僕至。云已坐脫矣。





熙朝新語卷三

古猷 余金 德水 輯

本朝大典禮例由翰林編檢以上撰文。壬寅冬掌院  
靜海勵文恭公詢於青陽吳文簡公曰。記得庶常中  
有一人善四六文者爲誰。吳曰。華亭黃之雋。文恭立  
授數題令作。奏上多稱

旨。庶吉士撰文自此始。

康熙庚辰。溧陽史文靖公貽直。年十九釋褐後。請假  
歸娶於揚州許氏。繪玉堂歸娶圖。題詠甚夥。郭元釗

一絕云。采鐙十道簇香輪。花滿游纓踏路塵。似有行人傳盛事。公然許史是天親。

洪洞李儉。討因篤。康熙初。膺薦舉。以母老家貧。力辭不赴。既被敦促入都。

召試入翰林。卽上疏乞養。情詞懇切。昔人比李令伯之陳情。殆又過之。鈕玉樵以爲

國初兩大文字之一。部議以纂明史。不允其請。奉

旨特准終養。出都之日。士大夫詩文贈送者數百人。海內高之。其疏云。臣某奏爲微臣母老多病。獨子萬

難遠離。泣血陳情。籲

懇歸養事。臣竊惟幼學而壯行者。人臣之盛節。辭榮而乞養者。人子之苦心。故求賢雖有國之經。而教孝實人倫之本。伏蒙

皇上敕諭內外諸臣。保舉學行兼優之人。比有內閣學士臣某等。旁采虛聲。先後以臣因篤姓名聯虛薦牘。獲奉

俞旨。吏部遵行。陝西撫臣促臣應

詔赴京。臣自念臣母年踰七十。屬歲多病。又緣避寇

墜馬。左股受傷。晝夜呻吟。久成廢疾。困頓牀褥。轉側需人。臣止一弟。因材。從幼過繼於臣叔。會朔家。分奉小宗之祀。臣年四十有九。兒女並無。母子熒熒。相依爲命。躬親扶持。跬步難離。隨經具呈哀辭。次第移咨吏部。謂咨中三人。其中稱親援病。恐有推諉。一概駁回。竊思己病。或可僞言。親老。豈容假借。臣雖極愚。不肖。詎忍藉口所生。指爲推卸之端。痛思臣母垂暮之年。不幸身嬰殘疾。臣若貪承

恩詔。背母遠行。必致倚門倚閭。夙病增劇。況衰齡七

十。久困扶牀。

輦路三千。難通齧指。一旦禱北辰而已遠。迴兩景以無期。萬一有爲子所不忍言者。則是毛義之捧檄。不違其親。溫嶠之絕裾。自忘其母。風木之悲。何及。餅壘之恥。奚償。卽臣永爲名教罪人。虧子職而負

聖朝。非臣愚之所敢出也。

皇上方敬事

兩宮。聿隆孝治。細如草木。咸被矜容。自能推錫類之仁。推於士庶。寧忍子然母子。飲泣向闕。奪其烏鳥私

情。置之仕路。蓋聞臣去臣最遠。故以虛譽採臣。而不  
知臣之有老親也。臣雲翼與臣皆秦人。雖所居里閭  
非遠。知臣有老母而不知其既病且衰。委頓支離。至  
於此極也。卽部臣推諉之語。概指三人而言。非謂臣  
當必舍其親而不之顧也。且臣謫陞而同時薦臣者  
皆

朝廷大臣。其於君親出處之義。間之熟矣。如臣獵名  
遠母。則其始進已乖。不惟瀆毀天倫。無顏以對  
皇上。而循陔負疚。踈進貽譏。則於薦臣亦爲有覲面

目。去歲臺司部邑絡繹遣臣長行。急若風火。臣趨  
朝之限。雖迫於戴星。而問寢之私。倍懸於愛日。然呼  
天莫應。號泣就途。志緒荒迷。如墮雲霧。低頭轉瞬。輒  
見臣母在前。寢食俱忘。肝腸迸裂。其不可瀆官常而  
干祿位也明矣。況

皇上至孝至仁。以堯舜之道治天下。敦倫厚俗。遠邁  
前朝。而臣甘違離老親。致傷風化。有臣如此。安所用  
之。乃臣自抵都以來。屢次具呈具疏。

九重嚴遠。情壅

上聞。隨於三月初一日扶病考試。蒙  
皇上拔之前列。奉

旨授臣翰林院檢討。與臣同官纂修明史。聞  
命悚惶。忝竊非分。念臣衡茅下土。受

皇上特達之知。

天恩深重。何忍言歸。但臣於去秋入京。奄更十月。數  
接家信。云臣母自臣遠離膝下。哀痛彌侵。晝夜思臣。  
流涕無已。雙目昏眊。垂至失明。臣仰圖報  
君。俯迫論母。欲歸不可。欲去不能。瞻望



闕廷。進退維谷。乃於五月二十一日具呈吏部。未蒙代題。臣濡切下情。惟有哀祈。

君父。查見行事例。凡在京官員。門無以次人丁。聽其終養。臣身為獨子。與例相符。伏願

皇上特沛恩慈。許臣逾歸。扶養其母。叨沐

聖澤。以終天年。臣母殘病餘生。統由再造。不惟臣母子銜環。鏤骨誓竭。畢生而報。

國方長。策名有日。益圖力酌。

知遇。務展涓埃矣。臣無任激切待。

命之至。緣係陳情。事理字都逾格。貼黃難盡。統祈  
鑒宥施行。

秀水徐嘉炎既舉詞科後。從益都相國修禊於萬柳  
堂。會者十六人。酒半相國問。包咸註浴乎沂。是祓濯  
抑是澡洗。宣城施愚山云。沂水之上。則非澡洗矣。嘉  
炎謂古無裸體入水者。惟齊懿被弑時。有郈歃聞職  
入中池浴。池與沂水不同。且是賤者之事。非士大夫  
所行。又時屬夏月。非暮春也。暮春入水。恐無是理。衆  
以爲然。康熙辛酉。

王師收嶺黔。羣臣獻頌甚夥。惟嘉炎獨仿鐘歌鼓吹曲。自聖人出。至文德舞止。凡二十四章。因事立名。與繆襲韋昭何承天輩相表裏。乙丑元夕。

上於南海子大放燈火。使臣民縱觀。都盧尋撞魚龍曼衍之鳥。舉進羣臣從觀者。皆有詩。獨嘉炎作紅門花火記。文筆奇麗。稱於一時。

聖祖南巡。江南民王來熊獻鍊金養身祕書一冊。上曰。此等事朕素不信。其擲還之。

聖訓煌煌。足破漢唐宋明諸主輕信方士之謬。

康熙三十二年。鄂羅斯察漢汗遣使進貢。

上曰。鄂羅斯人材頗健。從古未通中國。距京師甚遠。自嘉峪關行十一二日至哈密。自哈密行十二三日。至吐魯番。吐魯番有五種部落。過吐魯番卽鄂羅斯之境。聞其國有二萬餘里。漢張騫出使西域。或卽彼處。史載霍去病曾出塞五千里。想或有之。今塞外尙有碑記可考。至外藩朝貢。雖屬盛事。恐傳至後世。未必不因此反生事端。總之中國安寧。則外費不作。故當以培養元氣爲根本要務耳。

江都汪舟次楫。由贛榆縣訓導薦舉授檢討。二十一年春。琉球國王請封爵。舊典用給事中行人各一員往。

上重其選。

特命廷臣會推可使者以聞。入

朝人多俛首畏縮。楫獨鶴立班中。大臣遂以楫對。充正使。

賜一品服。至琉球國。王燕楫。手自彈琴以悅賓。楫故善音樂。縱談琴理。王大悅。乞楫書殿榜。縱筆爲擘窠

書王大驚以爲神。累官至布政使。引疾歸。

上南巡。楫強起迎謁伏道左。

上熟視曰。汝老耶。朕幾不識矣。

賜御書以榮之。

朱竹垞彝尊年五十。出布衣薦舉鴻博。

召試一等。授檢討。旋充日講起居注官。出典江南省試。拜。

命之日。卽不見客。將渡江誓於神。試畢入京。無所攜。惟載書兩篋而已。盜劫其居。得錢二千。白金不及一。

鑑已靡覆不發矣。後以吏議當落職。

上特宥之。僅左遷焉。相傳竹垞性嗜酒。嘗與高念祖同入都。日暮泊舟。輒失朱所在。迹之已闌入酒肆。玉山頽矣。其跌蕩如此。而清操如彼。所謂大德不踰。小德出入者耶。

褚遷徐侍講用錫。充康熙乙未房考。嚴絕請託。或銜之。聳御史劾其把持科場。

聖祖廉得其情。將奉檄還。

金壇王虛舟。精金石考訂之學。錢香樹先生見於

京邸。左圖右史。積帖充棟。昕夕丹鉛。辨析不少置。戲曰。子欲爲張仲揚柯丹邱其人耶。澗曰。人各有癖。樂此不疲也。嘗道經秦郵。泛舟珠湖。仰見天際白雲如竹數百枝。枝葉皆具。下有雲片若怪石。儼然圖書。因作竹雲題跋。

嘉定孫松坪致彌工詩。康熙初

上命御前大臣採訪朝鮮文獻。致彌膺薦。

賜一品服策遣。奉使詩有甘茂漫教從博望。馬周只恐負常何之句。後登戊戌進士。官至侍讀學士。以布



衣先假一品服。而後登第。服官。事亦奇矣。

嘉興馬維翰。貌僅中人。而抱負甚大。中康熙辛丑進士。內大臣驗看。諸人皆跪。馬不可。九門提督隆科多訶之。馬夷然不動。隆轉笑曰。不料渺小丈夫。風骨乃爾。馬曰。區區一跪。未足見維翰風骨也。

湯文正公斌。順治己丑進士。歷官至工部尙書。以理學自任。撫吳時。以上方山五通廟惑民。士女燒香祭賽。大爲風俗累。上疏請廢其廟。得旨允行。於是海內五通廟悉行燬毀。神像投之水火。

一時快之。公由江蘇巡撫內陞尚書。至京

陛見。

上曰。天下官有才者不少。操守清謹者不多見。爾前  
陛辭時。自言平日不敢自欺。今在江蘇潔已率屬。實  
心任事。克踐前言。朕用嘉悅。故行超擢。爾其勉之。仰  
見

聖主知人之明。而公之簡在

帝心。從可想見矣。

長洲馮勉曾最。由布衣薦舉鴻博。

召試一等十三名。授檢討。性至孝。父嘗館閩中。己與  
祖及母家居。歲凶乏食。爲村塾師。得升斗奉養。與妻  
采苕以食。後父客死。阻兵。弗獲歸。覩徒步入京。游公  
卿間。膺薦得官。乞假歸。入闈。尋父視不得。伏地哀慟。  
有老人指視其處。遂扶以歸。人謂孝思所格。神示之  
也。

華亭黃之雋。康熙辛丑進士。在翰林日。聚同巷八人  
爲八仙會。以杜少陵飲中姓氏爲上八仙。人取其一  
以自署。又以世俗所傳鍾離洞賓輩分署之爲下八

仙。彼以上八仙呼。此以下八仙應。故爲參錯。不得呼姓字。稱謂錯者。罰飲。時號酒仙。著香屑集十八卷。皆集唐人句。爲古今體詩九百三十餘首。對偶工整。渾若天成。可謂前無古人。後無來者。

長洲尤西堂侗。明季諸生。我

朝以選拔授永平府推官。以事免。少時有聲庠序。所作駢儷各種。膾炙人口。嘗以西廂詞句題作文。流聞禁中。

世祖知爲徐立齋元文師。因取觀之。歎曰真才子。及

召試官翰林。借諸儒進平蜀詩文。

上見其名曰。此老名士。西堂以此六字刻堂柱。左曰  
章皇天語。右曰

今上玉音。極文人之榮。

施愚山閩章少孤。事叔譽至孝。一日值叔誕辰。大集  
親戚上壽。而叔以小故忤意。堅臥不起。愚山跪榻前  
移晷。辛亥客都門。每憶叔輒涕泗。事叔如此。世所希  
有。

蔡文勤公世遠。康熙己丑進士。出安溪李文貞公之

門。是時文貞以程朱之學教後進。公故習宋儒書。既見文貞。毅然以聖賢自勵。顏其所居室曰二希。言學問不敢望朱文公。庶幾真希元。事業不敢望諸葛武侯。庶幾范希文。可見其志矣。

王樓村式丹。少知名。年六十始領康熙壬午鄉薦。癸未提會狀。當鄉試時已定解矣。及得吳楚琦卷。改王爲第六。其實吳遠不逮王。知三元亦前定數也。

海寧查慎行。初名嗣璉。康熙癸未庶吉士。胞弟嗣璫。官編修。族姪昇官諭德。時稱三查。

上賜鮮魚慎行紀

恩詩云。笠簷蓑袂平生夢。臣本煙波一釣徒。頗稱  
旨。一日忽奉內傳。煙波釣徒查翰林。蓋以別二查也。  
慎行又有煙蓑雨笠尋常事。慚愧猶蒙記憶中之句。  
一時以爲佳話。

康熙癸未會試。十八名進士。宮懋言之祖。名偉。係  
崇禎癸未中式十八名。且俱係詩。四房房考俱翰林  
李姓。初懋言公車北上。夢祖與之履。覺而喜曰。此繩  
祖武之兆也。

常熟蔣文肅公廷錫。康熙癸未進士。官至文華殿大學士。少時工寫生。名與揮南田埒。及貴。都中極重之。大抵以逸筆寫生。而風神生動。非識超膽大筆有仙韻者。莫能爲之。性愛士。一藝可觀者。皆羅致門下。指授之。故其容潘馬所作。皆能亂真。而文肅真本不可多得。

高郵賈國維。以工書侍

內廷食俸。

聖祖常以內翰林呼之。舉順天鄉試。以冒籍被劾。蒙



恩賜復會試。落第。又

特賜進士。一體殿試。遂以第二人及第。異數也。

松江錢少司寇艱於嗣。偕夫人祈子於天童。大師爲  
集衆僧。問誰願隨錢居士往。衆未應。一飯頭老矣。自  
言願往。已而司寇果生子。初名鼎瑞。易名芳標。中丙  
午順天鄉試。官中書舍人。既而假歸。一日與客坐齋  
中。有僧持一緘至門。云自天童來。舍人拆視。殊不駭  
訝。但云倉卒奈何。明日晨起。索筆書一偈云。來從白  
雲來。去從白雲去。笑指天童山。是我舊遊處。擲筆而

遊。

武進趙太史熊詔。恭毅公中喬長子也。生前一夕。祖夢神授一軸。雲彩蟠結。熊詔二字。因名之。果中康熙己丑狀元。

熊相國賜履官侍郎時。上萬言疏。有名臣風度。其畧曰。臣荆楚鄙儒。猥蒙

先帝簡拔。授以清班。繼荷

皇上殊恩。累遷今職。

聖恩高厚。中夜汗流。伏念臣雖至愚。自幼讀書。辨志。

竊以聖賢爲師。數年以來。恭遇

皇上高拱深居。經筵未舉。區區獻納。微忱無由上達。且以出位陳辭。典制有禁。因循緘默。尸素至今。臣之罪也。茲者伏遇

皇上恪謹天戒。軫念民依。虛己下詢。採及葑菲。正欲賤小臣圖報涓埃之日也。臣備員侍從。謹仰遵明詔。殫竭愚衷。庶幾高深之一助。惟

皇上留神省覽。則天下幸甚。伏讀

詔書有曰。今聞直隸各省人民多有失所。疾苦窮困。

深可軫念。或因官吏貪酷。駸削民生。或因法制未便。致失民業。嗚呼。

皇上此心。乃二帝三王之心。此言乃二帝三王之言也。夫民生至今日。其困苦亦孔亟矣。國家日言生聚。而凋敝愈甚。日言軫恤。而瘡痍不起。日言招集言蠲免。而流亡滿目。逋欠寔多。近而畿甸。遠而直省。流離瑣尾之狀。所在皆是。惟官吏之駸削。徭賦之科征。有以致之。誠有如此。

聖諭所云者。蓋小民終歲勤勞。耕耨僅能自給。而夏

稅秋糧。朝催暮督。賈絲糶穀。十室九空。私派倍於官  
征。雜項浮於正額。況乎分外之誅求。無名之賠補。種  
種賤刻。剝膚及髓。一有不應。而老弱疾病俱已顛頓。  
呼號於捶撻敲扑之下。閭閻之膏液有盡。而猾吏之  
貧囊無底。愚蒙之皮骨僅存。而有司之欲壑無厭。就  
使年豐歲稔。尚難保須臾不絕之命。一旦水旱。其不  
至轉徙流亡。填溝渠而委道路者幾何哉。蠲征則吏  
收其實。而民受其名。賑濟則官增其肥。而民重其瘠。  
此固民情之大可憫。而國計之重可憂者也。雖然此

不獨守令之過。上之有監司。又上之有督撫。

朝廷方責之以廉。而上官實教之以貪。

皇上固授以養民之職。而上官日課以厲民之行。今日之守令。誠有難言者。督撫廉則監司廉。守令亦不得。不廉。督撫貪則監司貪。守令亦不敢不貪。表直影端。源汚流濁。此又理勢之所必然者也。今之爲督撫者。求所謂精白一心。爲國家安輯地方。愛養黎庶者。臣亦不敢謂遂無其人。獨是國家以全省付與。有察吏安民之權。興利除害之任。其待之不爲不隆。而任

之不爲不重矣。乃日望其察吏。而吏治日壞。日望其安民。而民生日蹙。日望其興利除害。而一利未之興。一害未之除也。大抵有司之職業在地方。上官之激勸憑舉劾。年來督撫之所薦稱循卓者。果小民之戴爲父母而尊若神君者乎。其所劾爲貪庸者。果百姓之畏若豺虎而疾如蛇蝎者乎。是未可知也。以督責爲能。而不問其慈惠。以催科爲政。而不問其撫綏。以夤緣之巧拙爲優劣。而不問其才幹之短長。以禮節之厚薄爲殿最。而不論其品誼之高下。此風一倡。爭

相效尤。交蟻互結。牢不可破。如是而欲其激濁揚清。與利祛弊也。是何異適越而北。其轅。炊沙而望成飯。耶。所以比年來旱澇頻聞。死亡載道。而此輩竟若越人視秦人之肥瘠。漠然不加喜戚於其心。不知其爲國斂怨已不可解。在廷諸臣。習爲瞻狗。務相容隱。不肯舉發其貪污之蹟以告

皇上。間有一二指名糾參者。亦不過微示其意。曾未嘗直暴其污穢殘酷之所在。而

皇上亦遂莫得洞悉其蠹國殃民之實狀。故此輩得



以久竊威權。貪戀祿位。方恃此以爲壘斷之長計。而無辜赤子之顛連而無告者。正未知何日而有再蘇之望也。伏乞

皇上將現任督撫大加甄別。其賢而能者如銜久任。其貪污不肖者立即罷斥。無令久居人上。荼毒生民。嗣後遇督撫缺出。不拘內外大小臣工。果有端方清正能事才優如古大臣其人者。

勅部院大臣從公保舉。授以茲任。其考課也以民生之苦樂爲守令之賢否。以守令之貪廉爲督撫之優

劣。則督撫得其人。監司自得其人。監司得其人。守令亦必得其人。廉者勸。貪者懲。有利必興。有害必除。而民之不獲其所者寡矣。蓋任之非其人。行之失其意。雖周官周禮。祇足爲厲民禍世之具。傳曰。有治人無治法。又曰。人存政舉。此不易之論也。此

聖諭之所已及。而臣詳切言之者也。雖然。內臣者外臣之表也。京師者四方之倡也。本原之地亦在朝廷而已。朝廷一舉一動。萬方之則效。九土之觀瞻。於是乎出。而其大者則在於立綱陳紀。用人行政之間。此

其鼓舞化導之權。轉移感動之機。固有不問之草野。而問之廊廟者。今朝政之可議者不止一端。臣請擇其至大者言之。一曰政事極其紛更。而國體因之日傷也。從來聖君賢相開國承家。必取一代之典章法制。爲之斟酌損益。釐爲百世不易之令模。以善建於不拔。遠之子孫率由無愆。忘變亂之患。近之臣民遵守。無紛擾叢脞之虞。三代聖王所以保世滋大。無疆惟休者此也。我

國家章程法度。一踵先朝之舊。雖其勢之極重而難

返事之極敝而難行者類無不承訛襲陋苟且因仍。曾不聞畧加整頓。去其所爲太甚之弊。而急公喜事之輩。又從而意爲更變於其間。但知趨目前尺寸之利。以便其私。而就中莫大之憂。無窮之患。潛倚暗伏於冥冥之內。而皆不知所以爲之計。朝舉夕罷。倏弛倏張。

王言屢變。朝政滋繁。議論日多。成功絕少。此時之最當講究者也。伏乞

皇上敕下議政王貝勒大臣九卿科道將

國家制度。文爲詳慎。會議。何者當沿。何者當革。何者宜益。何者宜損。參以古制。酌以時宜。務期振衣挈領。綱舉目張。勒爲會典。著爲成憲。則上有道揆。下有法守。貽謀垂裕。作述於昭。而億萬年無疆之業。在此矣。奏上。

上深嘉納。飭部議行之。

康熙三年。以八比多。剿襲鄉會試。改用策論。甲辰會試。海寧沈昭子珩。以二場擬上。

太祖

太宗尊號表最工。中會元。

錢唐高澹人士奇。以詩受知於

聖祖。不由科甲。

欽賜翰林。官至詹事。陪宴唱和。扈從不離左右。

恩寵無比。異數也。

無錫杜雲川詔。以諸生迎

聖祖。駕於惠山。進迎

樂詞及梁溪望

幸詞蒙

召見

御舟。

賜綾書詩一幅。已而被

召至京。一日

特召待

詔者八人入

南書房。

命寫

御製金蓮花賦。各賦紀

恩詩一首。詔又獨進一詞。蒙

恩拔置第一。旋

命纂修歷代詩餘。又

命修詞譜。辛卯舉京兆試。壬辰會試。

敘賜進士。改庶吉士。爲諸生時。每鄉試前。輒夢試題。是子之燕居一節。卒不驗。及辛卯領薦。主司爲趙公申齋。乃悟前夢之巧。

康熙二十六年四月。浙江巡撫金鉉疏稱。海寧縣民陳雲生。母林氏。年一百八歲。尙勤紡織。請



旨旌表。

敕部給銀建坊。

賜名貞壽。

康熙庚戌。六合縣民王振家。庭樹產白鳥二。總督麻勒吉表進於

朝。

聊城丁姓女。幼孤無兄弟。依母以居。及笄母欲議婚。女曰。母老矣。又鮮兄弟。兒不願適人。願終身養母。母不能強。及母卒。從兄某爲議婚。又不許。獨處三十餘

年。閩範嚴肅。里中人咸稱曰貞女。堂邑黃中丞圖安。七十喪偶。聞貞女名。遣聘焉。先一日。貞女召其從兄。語曰。明日當有議婚者。吾將許之。兄及姊姪輩漫應之。弗信也。詰旦黃氏蹇修至。先是貞女縞衣數十年。至是乃易吉服。既許字。卜葬其母。然後于歸。年五十餘。猶處子也。中外子孫多人。待之皆有恩禮。東昌人至今稱之。

餘姚勞麟。書史。世爲農。躬耕養母。年十七。讀朱子大學中庸序。慨然發憤。以道學自任。舉動纖悉。必依於

禮終身弗懈。引進後學。委曲盡誠。雖傭工下隸。皆引之向學。聞者莫不爽然。里中販賣者。近隣書居。不忍貨偽物。錫兒牧童。戲爲繪織機。弄者聞麟書講學。悉毀之。年五十九無疾卒。門人桑伊佐調元爲刻餘山遺書行於世。

吳江金文通公之俊生時。母夢人告曰。與汝子龍睛。將來位極人臣。公入閣後。蕭山瞽者陳生善相人。試令相之。曰。乞兒相也。衆大笑。已而摩挲至目。大驚曰。此龍睛也。富貴極人臣。衆乃服。

文登賽從儉卜葬其親。有里鄰與之爭地。神示夢云。是宜爲賽氏兆。當世科第。爾不能葬此也。乃罷爭。康熙丙午元旦五更時。近村人見賽塋前有二炬遶行。是秋從儉曾孫王紘舉鄉試。明年登第。己酉元旦復然。王紘子璋亦於是科聯捷。以後每發一科甲。輒見火炬。率以爲常。然則風水之說未盡子虛矣。

葉石林每令諸子女兒婦列坐說春秋。武林黃夫人顧氏名若璞。著有臥月軒文集。多經濟大篇。有西京氣格。常與婦女宴坐。則講究河漕屯田馬政邊備諸

大計。巾幗中有此等人。亦奇事也。

國朝新語卷三終

國朝新語卷三終

七



熙朝新語卷四

古款 余金 德水 輯

康熙三十九年十月。

皇太后六秩聖壽。

上恭進佛三尊。

御製萬壽無疆賦圍屏一架。

御製萬壽如意太平花一枝。

御製龜鶴遐齡花一對。珊瑚進貢一千四百四十分。  
白鳴鐘一架。壽山石羣仙拱壽一堂。千秋洋鏡一架。

百花洋鏡一架。東珠珊瑚金珀禦風石等念珠一九。  
皮裘一九。羽緞一九。哆囉呢一九。嗶嘰緞一九。沉香  
一九。白檀一九。降香一九。雲香一九。通天犀珍珠漢  
玉瑪瑙雕漆宮窰等古玩九九。宋元明書冊卷九九。  
攬香九九。大號手帖九九。小號手帖九九。金九九。銀  
九九。緞九九。連鞍馬六疋。并令膳房粒米一萬粒作  
萬國玉粒飯及肴饌等物進獻。四十九年

皇太后七旬大慶。先期

諭禮部。蟒式舞者乃滿洲筵宴大禮。至隆重歡慶之



盛典。向來皆諸王大臣行之。今朕欲親舞稱觴。壬午進宴。

上近前起舞進爵。

聖天子大孝尊親。誠曠古未有也。

聖祖諭大學士等曰。書冊所載。有不可盡信者。如風不鳴條。雨不破塊。風不鳴條。何以散天地抑鬱之氣。鼓盪萬物。雨不破塊。何以播種。又云囊螢讀書。朕曾取百枚。盛以大囊。照書。字畫竟不能辨。此書之不可盡信者。亦有似乎荒謬。而竟實有其事者。東方朔記

北方有層冰千尺。冬夏不消。今年鄂羅斯來朝云。其地去北極二十度以上。名爲冰海。堅冰凝結。人不能至。始知東方朔所云不謬。又從前有書吏三人。徧傳西邊異獸形圖。部議重罪具奏。朕從寬免死。令其往覓是獸。後將軍祁里德等來自軍前。奏云果有是獸。日在乳傍。口在臍傍。巡哨侍衛等會親見之。蒙古名其獸曰鄂布。又有飛者名曰積布。蒙古名惡人爲鄂布。泰積布。是卽山海經所謂刑天無首。以乳爲目。以臍爲口也。故將發遣書吏放還。又神異經云。北方

層冰之下有大鼠。肉重千斤。名爲鼯鼠。穿地而行。見  
日月光卽死。今鄂羅斯近海北地。有鼠如象。穴地以  
行。見風日卽斃。其骨類象牙。土人以製椀碟梳篦。朕  
親見其器。方信爲實。又古人以天市垣爲中國分野。  
朕始疑其說。細玩天球。合以地圖。中國去赤道二十  
度。至四十度。在穀雨立夏小滿三節氣。上天市垣亦  
去赤道二十度。恰與中國對照。始知古人分野之說  
確有所據。此又書之不可信而可信者也。

康熙五十四年

諭大學士等曰。朕常立小旗占風。并令直省凡起風。下雨之時。一一奏報。見有京師是口西北風。而山東是日東南風者。古人云。隔里不同風。此言最確。又嘗考驗雷聲。不出百里之外。易云。震驚百里。若霹靂則不過七八里也。至於礮聲。竟可聞於二三百里。從前盧溝橋演礮。天津皆聞之。此其驗也。書中云。北方苦寒之地。冰結十丈。春夏不消。今果有其地。又淵鑑類函有云。鼯鼠有重至萬筋者。今亦有之。其身如象牙。亦似象牙。但稍黃耳。此皆與古書相符者也。又地理

上應天文。中國山脈皆由崑崙而來。彼地四面有江。土人呼崑崙爲枯隴。推算天象。中國與瀚海俱在赤道四十五度之西。四十五度之南。水皆向南而東流。四十五度之北。俱向北流。此皆天文地理之相合者也。

聖學淵深。非管窺蠡測者所能擬議矣。

杭州柴南屏謙作中書時。恭和

聖祖御製冬至詩。有雪花欲共梅花落。春意還同臘意舒之句。

上嘉賞謂有翰苑才。尋陞御史。

杜雲川送友之官。天長。僕馬已戒。口占一絕贈行云。  
招尋有約竟何嘗。判袂匆匆語未遑。半晌花前嫌日  
短。至第四句屬思未就。少頃疾書曰。一帆江上到天  
長。真巧對也。

明季士大夫爭立門戶。互相傾軋。不特賢奸如水火  
之不相入。卽賢與賢奸與奸。又復斷斷不已。

本朝定鼎後。屢奉

諭旨。痛改明季陋習。此風漸息。郭瑞卿瑋爲御史。參

明珠余國柱等。可謂不避權貴。錚錚有聲者矣。然如  
靳文襄公輔治河。功業昭然。言官多有指摘。郭亦不  
免訾議。康熙二十七年

聖祖諭大學士曰。近來議論靳輔者甚多。靳輔爲總  
河有年。挑河築堤。漕運並未遲誤。謂之毫無効力。不  
可。但屯田下河之事。亦難逃罪。卽欲寘之重典。亦須  
留七八年。朕曾閱河防一覽。於治河洞悉。凡事皆慮  
永久等論。於是浮議始息。仰見

聖明在上。幹濟之臣。得以保全祿位。長享榮名。不可

謂非厚幸也。

靳文襄公過邯鄲呂祖祠。見壁有題詩云。富貴榮華五十秋。縱然一夢也。風流而今落拓邯鄲道。要與先生借枕頭。墨跡未乾。蹤跡其人。乃秀水陳天裔也。一見遂爲知己。天裔名漢。明釣戈之法。復精奇門步算。凡河防得失。變態並有先見。一時治河諸員以師事之。康熙二十三年五月。

上南巡問靳曰。爾必有通今博古之人輔爾。靳以陳漢對。卽蒙



召見。

特賜參議銜。以幕友邀

恩。遠膺四品冠服。可謂奇人有奇遇也。

仁和姚少宰三辰之祖善醫。嘗採藥入山。迷徑。失足墮溪中。以手摸石。有涎蠕蠕而動。負姚而上。意是巨蛇。回視兩目如燈。照見鬚角。委姚地上。騰空而去。始知爲龍也。兩手觸涎處。香數月不散。以手撮藥。病輒愈。愈後不受人謝。由是皆呼之爲摸龍阿太。及其孫貴。人謂陰德之報。

康熙戊辰狀元秀水沈原衡。廷文年二十時。父仲霖於

大兵入粵時被執監禁。廷文哭訴軍府得釋。年已七十矣。及廷文官修撰。爲介壽徵詩。同里陶越作引言。有孝子身經百險。幸覲止於鯨波鱷沫之餘。孤臣跡越千鄉。正徬徨於電閃沙驚之候。句。都下盛傳。

聖祖南巡山東。巡撫王國昌進海物。并生鹿。侍衛傳旨。不用海物。又不食。特殺。將鹿發還。蔣陳錫恭紀詩云。鹿脯何曾減鳳麟。須知特殺不沾唇。諸花作賸逾

參鱉。魁首天廚近玉宸。

聖祖駐蹕德州。有不用燠酒之

諭。蔣陳錫景紀詩云。碧碗冰漿。嫩澁開。肆筵先已戒。深杯。瑤池宴罷。雲屏敞。不許人間煙火來。

康熙四十八年。

上諭大學士等曰。明季事蹟。卿等所知。往往紙上陳言。萬歷以後所用內監。曾有在御前服役者。故朕知之獨詳。明朝費用甚奢。與作亦廣。其宮中脂粉錢四十萬兩。供應銀數百萬兩。至

世祖皇帝登極始悉除之。紫禁城內砌地磚橫豎七層。一切工作俱派民間。宮女九千人。內監至十萬人。飯食不能遍及。日有餓死者。今則宮中不過四五百人而已。明季宮中用馬口柴紅螺炭以數千萬筋計。俱取諸昌平等州縣。今此柴僅天壇焚燎用之。馬口柴約長三四尺。淨白無點黑。兩端刻兩口。故謂之馬口柴。

李西池華國。康熙初武探花。及第後卽引疾歸。工山水。名於時。殆所謂將軍不好武者耶。

耿逆叛時。新閩間。土寇出沒。道路梗阻。新選閩中邑令王公。挈卷之任。途遇寇掠。夫人走避相失。比曉不知夫所在。恐辱於賊。以垢塗面乞食於野。訪至西安。仍杳然。乃齧指血題絕命詩於襟。欲投井死。村人救而免。達之邑宰。詢悉顛末。嘉其節。歎留內署爲女公子師。出示訪王下落。未幾王公適來投刺見宰。延入詳詢歷難狀。獨不以夫人告。而使夫人親治饌以進。酒半王泣下。宰故詢之。曰。此味絕類亡荆所治。且斷慈亦以寸爲度。見之不覺感觸耳。宰佯爲歎息。旣而

請以妹娶之。王不允。彊而後可。乃別設館舍。治器具。而以王夫人歸之。屬僕婢輩勿洩。王猶不樂。交拜入。掩面泣。目不一及。夫人固知之。至是則悲喜交集。不及待。卽泣而語曰。王郎猶念及糟糠乎。王視之。乃妻也。相抱而哭。各述流離狀。知宰之盛德。而詭詞以合之也。時王公文憑已失。宰爲詳咨補給。得之官。自是兩家誼同至戚。使問不絕。宰尋以行取。擢御史。人謂盛德之報。

錢唐朱臯亭。雖模年九十六。猶工畫山水。秀水王聲

偉侃年九十餘猶能畫大幀雲龍皆  
熙朝人瑞也。

康熙二十二年十月陸清獻公隴其述雲間王慶孫  
之言崇明有吳老人年九十有九婦九十有七老人  
生四子壯年家貧壽子以自給四子盡爲富家奴及  
四子長咸能自立各自贖身娶婦遂同居而共養父  
母焉卜居於縣治之西列肆五間伯開花米店仲開  
布莊叔開醃臘舖季開南北雜貨舖中一間爲出入  
之所四子奉養父母曲盡孝道始擬膳每月輸一家

週而復始。其媳曰：翁姑老矣，若一月一輪，則歷三月後方得侍奉顏色，太疎。復擬每日一家週而復始。媳又曰：翁姑老矣，若一日一輪，歷三日後方得侍奉顏色，亦疎。乃以一餐爲率，如早餐伯，則午餐仲，晚餐叔。明日早餐季，週而復始。逢五及十則四子共設於中堂，父母南向坐，東則四子及諸孫輩，西則四媳及諸孫媳輩，分昭穆坐定，以次稱觴獻壽，率以爲常。老人飲食之所，後置一櫺，櫺中每家各置錢一串，每串五十文。老人每食畢，反手於櫺中隨意取錢一串，往市



中作童子嬉。櫥中錢缺。其子潛補之。不令老人知也。老人間往所知家博。四子輒遣人密持錢二三百文。安置其家。并囑佯輸於老人。老人勝。踴躍持錢歸。老人亦不知也。率以爲常。數十年無異。老人夫婦至今無恙。長子年七十有七。餘子皆班白。孫曾二十餘人。崇明劉總鎮兆表其門曰。百齡夫婦齊眉。五世兒孫繞膝。洵不誣也。清獻公爲作崇明老人說。

吳楞香苑。康熙壬戌進士。由編修歷官祭酒。故事。凡國子生初謁者。有贄見禮。歲滿咨部者。有咨部費。俱

真真集言  
禁之。時稱賢祭酒。

上元胡狀元在興。康熙辛酉解元。嘗夢登高山。手摘香櫞二顆。神贈以詩。有手弄雙丸天下小之句。甲戌大魁。會試題乃孔子登東山而小魯。登太山而小天。下也。

任宗伯蘭枝未遇時。偶經田野間。見一人口銜一刀。手執兩刀。咨且不進。尋遽越而過。遙望半里許。入喪者之家。訝之以告人。知者以爲煞神。卜其必貴。後果然。

徐太史用錫未遇時。偶如廁。見大肉塊徧身。有眼。知爲大歲。因記書載。鞭大歲者轉禍爲福。遂擊之。每擊一眼。則徧身眼愈加閃爍。是歲領薦。連捷。己丑進士。官至侍講。

長洲文與也。黠。衡山裔孫。明季棄舉子業。依墓田以居。肆力於詩古文辭。兼善書畫。嘗舍於城中僧寺。賣書畫自給。人或以多金迫促之。則不可得也。巡撫湯文正公屏驕從。入寺訪治異之要。所論皆探行。而未嘗有私瀆。湯公益重之。後族人有引

見者。

聖祖問曰。文點是你何人。則知點之名早達。

九重矣。

任待庵辰日。康熙丁未進士。官上海縣令。有布客魏  
可賀布市中。失囊金三百兩。訟於官。待庵素善識。至  
是獄不能定。乃禱於城隍廟。夢有人右手抱細女。左  
手挈衣與之。及接視則裙襖也。寤而思之曰。夫賜衣  
而得裙襖。則非衣也。豈有裴姓其人耶。以問捕。捕曰  
似也。問左有裴愛者。素無賴。不事家人產。其人儼居

旅舍傍。與布客居相近。或見財起意耶。待庵曰。然則其抱細女者。抑可知矣。夫細女愛女耳。吾聞納音之數。陽姓從左。今左非衣。而右愛女。其爲裴愛無可疑者。遂收裴拷之。得實。獄具。邑中稱神明焉。

海寧張仲張英。康熙癸丑進士。出桐城。張文端公之門。師生同一姓名。當時以爲奇。及戊午分校北闈。文端公子廷瓚復出仲張門。更奇。

陳迦陵維崧。少有文名。敦奇落魄。年四十餘。尚困諸生。一日過京口。有相士熟視良久曰。君五十後當入

翰林。然不由科甲。人皆嗤以爲妄。宣城梅杓司贈詩云。朝來日者橋邊過。見說功名似馬周。後果以薦舉鴻博授檢討。

洪昉思昇問詩法於施愚山閩章。施曰。余師言詩如華嚴樓閣。彈指卽現。又如五城十二樓。縹渺俱在天際。余則譬作室者。紙費木石一一俱就平地築起。洪曰。此禪宗頓漸義也。

仁和沈開平筠。上海錢越江金甫同膺薦。

廷試。授檢討。又同中戊午己未鄉會試。改庶吉士。兩

入翰林。儒者榮之。沈尤敦內行。嘗割股肉和藥以療父病。既而母病亦如之。其至性如此。不僅以文學傳也。

睢州徐幹妻孫氏。侍姑疾。脫簪珥求醫。不解帶。不交睫。旬旬於牀。禱之間者。近三旬。姑病且殆。孫氏倉皇籲禱。不應。不得已。潛入其室。拒戶左持刃。置右臂於機。欲割之。手弱。刀屢下。始斷一鬢。血濡縷而已。其夫自外至。見之。驚仆。孫氏投刀掖之起。戒勿出聲。然後裂帛裹創。卒爲羹以進。姑既食。病良已。家人初無知。

者。田黃山蘭芳之女。孫氏姊也。察其異。詰之。不肯言。久而得其詳。以白父黃山。歎曰。此可以愧天下之爲人婦而漠視其舅姑者。

錢學士金甫。甚貧。做裘羸馬。處之泰然。足不履權貴門。時與鄉黨故人爲文酒之會。坐有語及官資遷擢者。輒志之。後會其人。不速至。竟引避。其崖岸高峻如此。然能急人之憂。有師卒於官。竭奉錢爲治喪。俄而鄰人不戒於火。延及師舍。亟率力士負棺出。火燎其鬚。不顧也。又有被遣者。三日當出關。爲稱貸拮据。兩



晝夜追及其車。慟哭而返。客有暴卒於都亭外。時已亦有疾。強起至盧溝橋。經紀其喪。或陷於獄禍不測。力援之得解。其篤於師友如是。故其爲詩纏綿悱惻。不失溫柔敦厚之遺。秀水朱竹垞爲論而序之。

仁和凌紹雯。康熙戊辰進士。對策用清書漢書兩體。違式。例不得與上第。讀卷官奏請

上裁。置二甲之末。改庶吉士。

士魯藩於順治十三年入貢。康熙十二年。國王馮學。試塞伊忒韓。復遣其臣兀魯和墜等獻馬。其表畧云。

土魯番國某上言於乃聖乃仁天下治平

皇帝陛下。恭惟

皇上一統攸同。何異於古之占什特。惠澤羣生。相同  
乎昔之達刺汗。法紀軍威。比隆於楛黑塞。勞聰明格  
物。媲美乎伊思謙達爾。

皇上睿知天錫。如日升之無不照。

皇上撥亂爲治。如月恒之無不臨。旌旗閃爍。超越乎  
墨烏賊爾。

皇恩浩蕩。實出於度量寬仁。

國祚無疆而萬國咸寧。

洪福靡際而

皇圖應運。後稱一千八百十三年二月十八日。

康熙己酉。大西洋傳而都嘉利亞國貢使瑪訥撒爾  
達聶入貢奉

旨該國從來未通中國。凡賜賚皆加一等。

康熙二十一年。土魯番上言。伏以我

皇上猶昔者斯堪達爾之君。一統金甌。扎穆西特之  
君。漢鑑五行。亦若化日普臨。率土景星。光照萬靈。抑

猶哈他穆之君。廣施恩惠。汝思他穆之君。勇力絕倫。譬之矛鋒之銳。龍爪之威。莫敢正向而視。茲者恭候聖安。切照前經。遣發進進烏盧火者。曾奉

上諭。五年一次進貢。欽此。所以誤此進貢者。原因臣國遭逢荒亂。今幸太平。亟遣亦思喇木火者前往進貢。至於以後應進貢物。合當照密爾焦地音阿克刺單進貢舊例。但

天朝建都極東。臣國地居極西。應否照舊進貢。表請裁奪。

康熙二十一年。蒙古爲請

旨事。外藩蒙古王貝勒貝子公台吉等諸臣。誠惶誠  
恐。謹奏者。向因逆賊吳三桂相率叛亂。軍民極其荼  
毒。幸我

皇上不憚身心之勞。孜孜圖治。仰見

天朝早臻太平。是以祭告

太祖皇帝

太宗皇帝

世祖皇帝。復上

己卯年正月

皇太后徽號。漢頌

恩詔。大赦天下。爰加

賜賚。率土俱歡。恭上我

皇帝尊號爲至神大德治平天下聖皇帝。伏祈

皇上俯准。臣等所奏。臣等不勝欣躍。奉

旨。朕自御極以來。夙夜孜孜。勤求化理。期於中外又

安。生民樂業。今逆寇雖已蕩平。治化尙未孚洽。前諸

王大臣等請上尊號。已經有旨。這藩王等所請。亦不

必行。該部知道。

荷蘭國自康熙六年入貢。至二十五年臺灣平設郡縣。荷蘭國王耀漢連氏甘勃氏遣陪臣賓先吧芝復奉表進貢。其略云。外邦之丸泥尺土。乃是中國飛埃異域之勺水蹄涔。原屬

天家滴露。云云。貢物大珊瑚珠一串。照身大鏡二面。奇秀琥珀二十四塊。大哆囉絨十五疋。中哆囉絨十疋。織金大絨毯四領。烏羽緞四疋。綠倭緞一疋。新機嗶嘰緞八疋。中嗶嘰緞十二疋。織金花緞五疋。白色雜樣細軟布二百十九疋。文采細織布十五疋。大細

布三十疋。白毛裏布三十疋。大白鳴鐘一座。大琉璃燈一圓。聚耀燭臺一懸。琉璃盞異式五百八十一塊。丁香三十擔。冰片二十二觔。甜肉豆蔻四甕。廂金小箱一隻。內丁香油、薔薇花油、檀香油、桂花油各一罐。葡萄酒二桶。大象牙五支。廂金鳥銃二十把。廂金馬銃二十把。精細馬銃十把。彩色皮帶二十佩。廂金馬銃中用。繡彩皮帶十佩。精細馬銃中用。精細小馬銃二十把。短小馬銃二十把。精細鳥銃十把。廂金佩刀十把。起花佩刀二十把。廂金雙利劍十把。雙利闊劍



十把。起花金單利劒六把。照星月水鏡一款。江河照水鏡二執。雕製夾板三隻。

康熙二十三年。暹羅國進表云。啓奏

大清國

皇帝陛下。伏以

聖明垂統。繼天立極。無爲而治。德教乎施。萬國不動。而化風雅澤及。諸彝。巍巍莫則。蕩蕩難名。卑國世荷皇恩。久沾

德化。微臣縉。龔踐。祚身屬遐方。莫能仰

天顏幸遇貢期。敢効輸欵。額遣正貢使臣坤亭。述列瓦提。二貢使臣坤巴實提。瓦扞。三貢使臣坤司吝塔瓦噲。正通事坤思吝塔披彩。辨事文披述塔新禮噲等。梯航渡海。齎捧金葉表文。方物譯書。前至廣省。差官伴送京師。朝貢進獻。代伸拜舞之誠。恪盡臣子之職。恭祝

皇圖鞏固。

帝壽遐昌。伏冀俯垂鑒納。庶存懷遠之義。微臣瞻

天仰

聖不勝屏營之手。

康熙二十三年。冊封琉球。翰林院檢討汪楫。中書舍人林麟焜等。疏言中山王尚貞親詣館舍云。下國僻處。彈丸常慚鄙陋。執經無路。嚮學有心。稽明洪武永樂年間。常遣本國生徒入國子監讀書。今願令陪臣子弟四人赴京受業云云。

勅下禮部議覆。奏蒙

恩准。二十七年。琉球國王遣耳目官魏應伯等。恭進朝貢方物。又遣陪臣子弟梁成楫。鄭秉均。阮維新。蔡

文溥等四人同貢使赴京。入監讀書。於正貢方物外。敬加屏風紙三千張。嫩蕉布五十疋。我

朝開國以來。文德武功。遐荒普被。海隅出口。罔不率俾。其梯山航海。重譯來庭者。指不勝屈。集監不能備載。敬錄數則。以見聲教四訖之盛云。

仁和吳託園在臣。學問淹通。兼精音律。嘗於市上見編鐘一枚。曰此大呂鐘也。滌視款識。果又有人書鄔段二字問之。吳曰。鄔同許。本說文長箋。段同也。本蔡權古文。聞者歎服。

上虞徐仲山咸清。明兵部尙書人龍子。母俞夫人。自以識字稍魯。發願惜字。每見棄紙輒檢閱。有字則甞之。并募人收買。聚而焚之。久則沈其灰於江。仲山生一歲卽能識字。五歲通一經。甫束髮卽有文名。嘗博取訛纂說文。玉篇篇海諸書。以正字形。取切韻唐韻廣韻集韻諸書。以正字聲。而縱考經史子集。暨唐宋元諸大小篇帖。凡有繫於說文者。悉搜採以正字義。名曰資治文字。凡一百卷。己未召試拆卷時。上卷中斥去一卷。

上命擇一有名者補之。益都相國以仲山薦。

上問有著作乎。曰有資治文字若干卷。旁一學士曰。字書小學也。遂置不問。諸臣各有所薦。

上不允。特取嚴繩孫卷補之。

惠硯谿周惕。康熙辛未進士。由翰林改官知縣。嘗送支出門詩云。饑寒逼腐儒。顛倒作奇想。一語不言出門。而神理已到。可謂體會入微。

硯溪之子士奇。亦成進士。入翰林。督學粵東。每封門後。危坐大堂。溫理史漢等書。朗誦一過。卽起繞座循

環背誦。一字不遺。諸生大驚曰。吾輩非人矣。一淬於學。粵東人至今以爲師法。

翰林最重前輩。凡隔七科。或官至掌坊庶子。其初入院庶吉士。終身稱晚生不改。雖至入閣後亦然。故事六部尙書途遇內閣亦落轎。惟冢宰則落半轎。門生師長相遇。則彼此落轎。候師長先行。故往往相避而行。

德州趙進士其星。嘗月夜露坐。仰見一女子。妝飾甚都。如乘鸞鶴。一人持宮扇衛之。逶迤入月而沒。仙邪。

非邪。不可得而知矣。

趙恭毅公申喬。爲浙江巡撫時。因錢唐江岸日圯。請易土爲石。貫以鐵。事聞於

朝。報可。將施工。齋戒三日。率僚屬赴江干。爲文以祭。忽風狂潮大至。浪搏人若弩激矢。觀者奔辟。公朝服屹立不少動。距祭所百丈餘。潮遽止。公跪禱。願假數旬以畢事。嗣是潮不至者七旬。而工竣。誠之所格如此。

康熙二十三年。



聖祖東巡。周公後裔七十二代孫世襲奉祀生員東野沛然上疏額

恩奉

旨交禮部議。部臣議駁奏上奉

旨。周公承接道統。繼往開來。功德昭著。其裔孫應給職銜。著九卿詹事科道會同確議。會議得周公後裔應授官職。撥給祀田。修葺廟宇。行文該撫查明。以沛然世襲五經博士。如孔顏曾孟仲氏例。先是沛然上疏

行在。

上問周公姬姓。爾疏稱東野何故。沛然對曰。昔魯公伯禽季子魚。賜東野田一成。因以爲氏。

上曰。周公廟何在。對曰。在曲阜城東北二里。

上悅。隨。

御製祭文。

命恭親王致祭。禮部尙書介山。

御前侍衛觀保。鴻臚寺卿穆成格。聞興邦。太常寺寺丞張量。山東提學副使唐廣義。陪祭。此東野氏世。

裴博士之始。

總河梅麓朱公之錫。有遣婢帖。見池北偶談。其略云。此女原無大過。只是娃子氣。好言教導。不甚知省。誠恐聲色相加。流入婢子一類。所以量給衣飾。還其父母。初時原是待年。五六日後。便有遣歸之意。故自後并無半語請護。猶然處子也。可將此段緣由。向其父母中媒。昌言之。以便此女將來易於擇壻。云云。真盛德事也。相傳朱公今爲河神。宜哉。

于清端公成龍。用兵如神。尤善治盜。官兩江總督時。

江寧有巨盜曰魚亮。凶悍莫敢近。公蒞任時。單車入署。一切供張俱屏不受。屬吏不知所出。或從容向公言之。請以一餐爲公壽。公曰。以飲食壽我。不如以魚亮壽我。屬吏喻公意。乃以千金募名捕雷翠亭往。雷偵知魚亮方會羣盜飲。佯爲乞者伺左右。魚亮望見疑之。以及貫肉餉雷。雷仰而吞。神色不動。魚亮矍然曰。好男子。非丐也。爲于青天來禽我耳。遂俯首就縛。雷擁之赴獄。是夕公秉燭治官書。梁上有物墮。燭之一男子持匕首。叱問何人。則魚亮也。云本欲乘間刺

公。如有物擊而墮地。公神人也。公命有司執付市曹。自是境內肅然。

熙朝新語卷四終



熙朝新語卷五

古歛 余金 德水 輯

康熙五十二年三月

萬壽節。宴直隸各省八旗滿洲蒙古漢軍大臣官員士庶年九十以下六十以上者於

暢春園。六十一年正月。宴滿漢文武大臣及斥退人員年六十五以上者三百四十人於

乾清宮前。

御製七言律詩一首。

命與宴者各作詩紀盛名曰千叟宴詩。宴畢各頒賚有差。

聖祖天縱聰明。留心格物。嘗

諭廷臣曰。如雷擊木。必於略無瑕疵。枝葉整齊者方擊之。如擊馬。已割耳鼻之馬亦不擊。再書冊所載。雷斧雷楔大約得自深林者皆石。得自舉原者皆銅。朕所得最多。將小石一塊置於泉水攪之。即可祈雨。蒙古謂之查達齊。書冊則曰查達也。謹按陶南村較耕錄載蒙古人祈雨以水浸石子弄之即可致雨。名曰鮮答。即查達也。



康熙三十一年

上御乾清門。取性理展閱。謂諸臣曰。律呂新書所言  
算數專用徑一圍三之法。朕觀此法必不能合。蓋徑  
一尺則圍當三尺一寸四分一釐有奇。若積累至於  
百丈。所差至十四丈有奇。等而上之。舛錯可勝言耶。  
因取諸圖指示諸臣曰。所言徑一圍三。止可算六角  
之數。若圍圓則必有奇零。理甚明顯。朕觀八線表中  
半徑勾股之法。極其精微。凡圓者可以方算。開方法  
卽從此出。至隔八相生之說。聲音高下循環相生。復

還本音。必須隔八。此一定之理。隨命樂人取笛和瑟。次第審音。至八聲仍還本音。又曰。算數精密。卽河道關口流水。亦可算晝夜所流分數。其法先量關口濶狹。計一杪所流幾何。積至一晝夜。則所流多寡可以計矣。

康熙四十二年

諭大學士等。戶部呈樣之斛斗升。朕俱注水詳加測量。其樣升上下四角寬窄不勻。算積數見方得三萬一千三百八十二分有零。其樣斗上下四角寬窄亦

不勻。算積數得見方三十一萬六千七百六十四分零。其樣鉄斛算積數見方得一百六十萬分。其數不相符。竝性理大全嘉量篇第十二。內存斛積一百六十二萬分。與今之鉄斛較多二萬分。因鉄斛用之已久。不可輕改。是以依今之鉄斛五斗爲準。造新樣斗一具。方徑八寸。深五寸。積數見方得三十二萬分。又造新樣升一具。方徑四寸。深二寸。積數見方得三萬二千分。若依此樣十升一斗。五斗一斛。毫釐不差。因出新樣銅斗升付部。以鉄照式爲之。

康熙四十四年十一月。大學士等以鄂羅斯貿易來使齋至原文。繙譯進呈。

上閱之曰。此乃喇提諾託多烏祖克鄂羅斯三種文也。外國文亦有三十六字母者。亦有三十字五十字母者。朕交喇嘛詳考。視之其來源與中國同。但不分平上去聲。而尚有入聲。其兩字合音甚明。中國平上去入四韻極精。兩字合音不甚緊要。是以學者少。漸至棄之。問翰林院四聲無不知者。問兩字合音則不能知。中國所有之字外國亦知之。特不全耳。

聖祖諭廷臣曰。中國與西洋地方俱在赤道北四十度內。海洋行船中國人多論更次。西洋人多論度數。自彼國南行八十度至大狼山。始復北行人廣東界。嘗六閱月在海中不見一山。又自西洋至中國有陸路可通。因隔鄂羅斯諸國。行人不便。故皆從水路而行。鄂羅斯距京師約萬二千里。西洋及土兒虎特地方皆與鄂羅斯接界。鄂羅斯倚土兒虎特馬匹。土兒虎特用鄂羅斯皮張。往年鄂羅斯與雪西洋戰。土兒虎特助之。大敗雪西洋。又回子溫都斯坦布海見夜

兒根等處產綿。製甲四十層。可敵浙江綿八十層。曾以鳥鎗試驗。知之。又過哈密六百里。有吐魯番。去雪山百餘里。其人晝伏。至夜始出耕種。其地甚熱。而多石。若日出時耕種。輒然死。又哈薩克郎古陽關地。其人心好鬪。常結隊以殺擄爲事。人心亦齊。若婦女被人擄去。其婦女必乘間手刃其人而回。此地亦熱。草極肥盛。馬皆汗血。所產蘋果葡萄梨等物皆大而美。又西北回子種類極多。皆元太祖後裔。又有一支在小西洋。約十萬人。皆住帳房。惟北極下爲最寒。往時

有人築室而居。明年人往視之。其人已無復存者。但見林間雪深數丈而已。昔人云。北海有積冰數百丈。向以爲荒誕。以此觀之。信不誣也。總之西北地方極大。其風土亦各不相同。朕曾詳悉訪問。是以一一周知耳。

康熙五十八年

上諭。朕於地理從幼留心。故遣使臣至崑崙西番諸處。凡大江黃河黑水金沙澗滄諸水發源之地。皆目擊詳悉。載入輿圖。大概中國大水皆發源於東南。諾

莫澤烏巴西大幹內外。其源委可得縷晰也。黃河之源出西寧外枯爾坤山之東。衆泉渙散。不可勝數。望之燦如列星。蒙古謂之敖郭他拉。西番謂之梭羅木。中華謂之星宿海。是爲河源。滙爲薩陵鄂陵二澤。東南行折北復東行。由歸德堡積石關入蘭州。岷江之源出於黃河之西巴顏哈拉嶺土七喇哈納。番名岷尼雅克撮。漢書所謂岷山。在西徼外。江水所出是也。而禹貢導江之處在今四川黃勝關外之乃褚山。古人謂江源與河源相近。禹貢岷山導江。乃引其流非



源也。斯言實有可據。其水自黃勝關流至灌縣分數  
十支。至新津縣復合而爲一。東流至敘州府與金沙  
江合流。金沙江之源自達賴喇嘛東北烏厄尹烏蘇  
峯流出。烏厄尹烏蘇峯中華謂之乳牛山。其水名移  
魯斯烏蘇。東南流入喀木地。又經中甸入雲南塔城  
關名金沙江。至麗江府又名麗江。至永北府會打衝  
河。東流經武定府入四川界。至敘州府流入岷江。經  
夔州府入湖廣界。由荊州府至武昌府與漢江合。漢  
水源出陝西寧羌州北嶓冢山名漾水。東流至南鄭

縣爲漢水。入湖廣界東南流至漢陽縣漢口合岷江。此諸水在東南諾真渾烏巴西大幹之內。源發於西番。入於中國也。瀾滄江有二源。一源於喀木之格爾機襍噶爾山。名雜褚河。一源於濟魯肯他拉。名敖母緯河。二水會木察木多斯之南。名拉克褚河。流入雲南境爲瀾滄江。南流至車里宜撫司。合九龍江流入緬國。瀾滄之西爲喀喇烏蘇。卽禹貢之黑水。今雲南所謂潞江也。其水自達賴喇嘛東北哈拉腦兒流出。東南流入喀木界。又東南流入怒彝界爲怒江。入雲

南大塘墮更名潞江。南流經永昌府潞江安撫司境入緬國。潞江之西爲龍川江。龍川江之源從喀木所屬春多嶺流出。南流入雲南大塘隘。西流爲龍川江。至漢龍關入緬國。此諸水在東南諾木渾烏巴西大幹之外。皆流入南海。又雲南邊境有檳榔江者。其源發自阿里之岡底斯東達木朱喀巴卜山。譯言馬口也。有泉流出爲雅魯藏布江。從南折東流經藏危地。過日噶云噶兒城旁。合噶爾詔母倫江。又南流經公布部落地。入雲南古勇州爲檳榔江。出鐵壁關入緬

國而岡底斯之南有山名耶千喀布卜。譯言象口也。有泉流出入馬皮木達賴。又流入郎噶腦兒。兩河之水西流至桑南地。岡底斯之北有山名僧格喀巴卜。譯言獅子口也。有泉行出西行亦至桑南地。二水合而南行。又折東行至那克拉蘇母多地。與岡底斯西馬卜家喀巴卜山所出之水會焉。卜家喀巴卜者譯言孔雀口也。其水南行至那克拉蘇母多地。會東行之水。東南流至厄納忒可克國。爲岡噶母倫江。卽佛法所謂恒河也。佛國記載魏法顯順恒河入南海。至

山東之渤海入口。應卽此水矣。梵書言四大木出阿  
耨達山。下有阿耨達池。以今考之。意卽岡底斯。是唐  
古時稱岡底斯者。猶云衆山水之根。與釋典之言相  
合。岡底斯之前有二湖連接。土人相傳爲西王母瑤  
池。意卽阿耨達池。又梵書言普陀山有三。一在厄納  
忒可克之正南海中。山上有石天宮觀自在菩薩遊  
舍。是云眞普陀。一在浙江之定海縣海中。爲善才第  
二十八參觀音菩薩說法處。一在土伯特。今番名布  
塔拉山也。亦謂觀音現身之地。釋氏之書本自西域。

故於彼地山川亦可引以爲據也。禹貢導黑水至於三危。舊註以三危爲山名。而不能知其所在。朕今試考其實。三危者猶中國之三省也。打箭爐西南達賴喇嘛所屬爲危地。拉里城東南爲喀木地。班禪額爾德尼所屬爲藏地。合三地爲三危耳。哈拉烏蘇由其地入海。故曰導黑水至於三危。入於南海也。至於諸番名號雖與史傳不同。而亦有可據者。今之士伯特即唐之突厥。唐太宗時以公主下降。公主供佛像於廟。今番人各招招者。譯言如來也。其地猶有唐時中

國載去佛像。明成化中。烏斯藏大寶法王來朝。歸時以半駕。鹵簿送之。遣內監護行。內監至四川邊境。卽不能前進而返。留其儀仗於佛廟。至今往來之人多有見之。此載於明實錄者。

王阮亭司寇云。京官舊例。各衙門稱謂俱有一定儀注。不可那移。如翰詹稱老先生。吏部稱選君印君。員外以下稱長官。科稱長科。道稱道長是也。自丙子祭告回京。見聞頗異。各部司及中行評博無不稱老先生矣。

翰林吏部官揖尙右。謂之南禮。科道官揖尙左。謂之北禮。郭瑞卿琇先官御史。及爲學士。遇翰林官只行北禮。

宋牧仲舉撫吳時。爲唐六如修墓。韓文懿公題云。在昔唐衢常慟哭。祗今宋玉與招魂。眼前語信手拈來。便成絕對。

洪昉思昇爲王貞女作金環曲云。王家有女字秀文。少小綽約蘭蕙芬。項郎名族學詩禮。金環爲聘結婚姻。十餘年來人事變。富兒那必歸貧賤。一朝別字豪



貴家三日悲啼。淚如霰。手搗金鑲。自吞食。將死未死。救不得。柔腸九曲。斷還續。臥地祇存微氣息。誰料國工賜靈藥。吐出金鑲定魂魄。至性由來動彼蒼。一夜銀河駕烏鵲。嗟哉此女貞且賢。項郎對之悲復憐。朝來羨倚鏡臺立。代繫金鑲雲鬢邊。此種詩足以維持風化。何必藉長生殿以傳耶。

曹練亭尙衣每出。馬輿中必攜書一本。觀之不置。人問公何好學。口非也。我非地方官。而百姓見我必起立。我心不安。故藉此遮目耳。素與陳太守鵬年不相

中。及陳獲罪。乃密疏薦陳。人以此重之。

李文貞公光地。以耆碩特備

顧問。嘗承

旨纂修朱子全書。周易折中。性理精義。律呂韻學諸書。自言晚年學問始進。得力於

聖訓居多。

朱竹垞遊揚州康山。有有約江春到之句。後六十餘年。康山主人江潁。長春修葺其地。恭迓

翠華臨幸。極一時之盛。其姓名恰與竹垞詩句合。亦

奇。

任邱龐雪崖塏。守福建建寧府。甫到任。浦城令以嚴苛激變。邑人乘夜焚冊局。殺冊書。塏聞信馳往。傳學典諸員。集紳士於明倫堂。數令罪而諭士民毋生亂。查倉庫及冊局。收未焚餘冊。變遂定。時制府惡民俗刁悍。欲重懲之。而浦令與紳士爲仇。有羅織意。塏大言曰。令實已甚。吾可殺人。以媚人乎。僅坐重辟一人。疏二人而已。浦人尸祝之。或書於九仙山壁云。龐公判事。彼日當空。慈心蘭麝。白面包公。

王阮亭選十子詩。南邱宋榮。邵陽王又且。安邱曹貞吉。黃岡葉封。江都汪懋麟。曲阜顏光敏。晉江丁焯。德州田雯。謝重輝。江陰曹禾也。

高阮懷詠少時。夢行市上。見大幅字鋪滿街心。不敢踐。尋側徑迤邐入。不覺輕舉凌雲。忽至一所樓閣。壯麗踰橋入門。有黑而髯者。目光如電。擁阜壽自內出。迨之。神睇而顧。問靈卒。有所言者。再乃去。遂及門。門左冕而執笏者甚衆。心知爲天庭。竊訝何緣至此。俄有導者引至右旁。殿額曰三官堂。有公坐三。黃細畫。

舉此。私念何可據。三官坐。遂出。復引至文昌宮。以第  
三座命之曰。可坐此。驚而寤。王子貢入成均。應

廷試。至五鳳樓。金水河。彷彿夢中。以爲兆應矣。及  
召試。授檢討。入史館。復夢前境。心惡之。遂引疾歸里。  
每語人曰。當以二十八日辭世。究不言其故。果以次  
年二月二十八日卒。其生有自來而終反其位耶。不  
可得而知矣。

仁和王桂山嗣槐。少工駢體。晚乃專爲大家之文。二  
體並傳於世。己未薦舉不中。授中書舍人。戊辰

大皇太后升祔禮成恭進

孝德廣運頌

上南巡。奏獻於靈隱寺。後準臣送

聖駕至河干。

特召嗣槐。

論以所進文字已看過。

天顏溫霽。尙有數語以

御舟迅發聽未真。觀者莫不榮之。

王麓臺原祁。康熙庚戌進士。

聖祖知其善畫。

命供奉內廷。鑒定古今名畫。畫苑充諸書畫館總裁。嘗在  
南書房被

命畫山水。

聖祖憑几而觀。不覺移晷。并

賜以詩。其際重如此。人乞其畫者踵相接。然應

詔不遑。大抵賓客弟子輩代筆者什之七八。其真跡  
不可多得也。

康熙壬辰有三庶吉士。一爲長洲顧俠君嗣之。散館

後卽告歸。居秀野草堂。有元詩選初二三四集。注韓昌黎溫飛卿兩家詩。一爲無錫杜雲川詔。以養親歸。與道士榮連僧天鈞結三逸社。選唐詩卽彈集。一爲江都程伍喬夢星。不就職歸。注李義山詩。三人者可謂不慕爵祿。超然樂利之外矣。

王阮亭在京師與同人爲銷夏會。以五月賣松風人間本無價爲題。一時名作如林。雁雪崖塏云。閒傍蒼松置短牀。南風滯澀透衣裳。人間第一清涼散。休把千金比禁方。嘒嘒鳴蜩毒熱新。松枝輕颺午風勻。此



間好似清涼國。遮莫鋪金肯售人。龍雷岸變云岸噴。  
披襟意爽然。憑誰索價且高懸。東坡只欲時人買。剛  
道清風直萬錢。滿袖攜歸且嘯歌。紛紛觸熱客何多。  
涼風爭似涼州好。此價惟須問孟佗。

常熟汪玉輪繹。康熙丁丑會試第二。未與殿試。至庚  
辰以一甲一名及第。曠唱後齋第。馬上口占詩有歸  
計。諱謀千頃竹。浮生只辦十年官之句。乙酉年奉  
命校全唐詩於揚州。事竣而卒。計自通籍至其時僅  
九年耳。前詩已爲之識矣。

順治間徽州汪曰衡。夢見天榜會元汪士鋐。因改名應之。竟不第。至康熙丁丑。汪退谷士鋐中會元。相隔四十餘年。曰衡已物故。其孫託乃祖之言。以告人。相與嘆造物弄人亦覺無謂。此事與宋士殺改名朱鎔相似。而事更奇。

錢唐顧侍御豹文。彈劾不避權貴。然卒無妄言。嘗曰。言而當。足以裨國。是言之不當。雖

天子不以爲罪。使異日輕諫官。非計也。旨哉斯言。可爲臺諫法。

子清端公成龍總督兩江。其族弟襄勤公亦名成龍。知江寧府。同姓同名同時同官一城。且同以清節著。聞位又同至一品。古所未有。

人家科第在積學種德。風水之說不足道也。然亦有灼然可信者。全椒吳榜眼曷之曾祖。爲父卜吉壤。延閩人簡堯坡擇兆。三年不得。辭歸。吳翁固留之。一日同往梅花山中。遇大雪。同飲陳家酒樓。簡倚檻遠眺。久之罷酒起曰。異哉。吾遠近求之三年不得。乃在此乎。卽同往三里許。審視良久。曰是矣。雪晴更往觀之。

喜曰。天賜也。然葬後君之子未卽發。至孫乃大發。發必兄弟同之。兩面文峯秀絕。發必鼎甲。然稍偏。未必鼎元。或第二三人未可知。亦不僅一世而止。翁如言卜葬。其後孫國鼎中崇禎癸未進士。國縉中順治己丑進士。國對國龍孳生。國對中探花。國龍成進士。至哥兄弟亦先後成進士。而哥則中榜眼。簡之術亦神矣哉。

辛未名臣如陳恪勤公鵬年。文章事業爲一代偉人。詩更瀟灑。有句云。隔簾幽韻上焦桐。一曲湘靈奏未

終畧記年時春雨後海棠初試小熏籠。

關中李天生因薦仁和吳志伊任臣俱寓益都相國邸中。一日會飲李閣學天馥家。天寒天生衣短貉裘而來。毛色粗惡。李曰。是當內其毛而衣之。天生拂然曰。是反衣也。獨不聞反裘而負薪者乎。傳曰。皮之不存。毛將焉附。是內毛者反裏也。李曰。然則羊裘如何。曰。羊裘賤服。恐負薪者所衣卽此。但毛色所尙。古無明文。然定無從內向者。時毛大可奇齡在座。李以問之。大可曰。毛色不內向極是。但羊裘用純黑。論語羔

裘元冠。緇衣羔裘。以冠衣黑色裘毛色也。詩曰。羔羊之皮。素絲五紵。惟黑毛向外。當用白絲五條嵌之。使黑白分明以爲飾。此非外向乎。至狐羊貴賤不可考。然禮記黼裘誓省。大裘非古。解者謂以黑羊雜狐白。相間而成。文者謂之黼裘。純黑羊裘謂之大裘。是天子用純黑羊裘。諸侯用之。卽謂之非古。是非尊黑羊而賤狐白乎。李以問志。伊志。伊曰。觀黼裘誓省。狐裘祭臚。論語狐貉之厚以居。則狐用卑裘。自不如羊裘祀天之尊也。且檜詩曰。羔裘逍遙。狐裘以朝。則羊裘

狐白雖皆可用爲靴服。然狐多羊少。則詩人譏之。此亦羊貴狐賤之一驗也。天生乃筴曰。田文以一狐白脫秦患。而五羊之皮。則秦人薄之。國策曰。千羊之皮。不如一狐之腋。若此。果何貴何賤也。志伊曰。羊之價焉。得如狐。然歷觀羣書。似乎羊裘價賤而用貴。狐裘價貴而用反賤也。坐客皆是其言。

康熙二十六年四月。副都御史徐元珙疏請釐正祀典。其畧云。臣按歷代祀典。唐享祀北海於洛州。卽今河南府也。宋享祀北海於孟州。卽今懷慶府也。明亦

望祭於懷慶府。我

朝典制東海祀於萊州。南海祀於廣州。二祀近海。誠  
爲允當。西海則於蒲州望祭。蓋西海遙遠。循宋明之  
舊。而望祭之宜也。至北海則仍祭於懷慶。夫宋都於  
汴。而懷慶在其北。彼時幽燕皆非宋土。卽出國門而  
望北一祭。亦權宜之計。有明定鼎燕京。仍往南而祭  
北海。我

朝因之。殆非宅中以在四海之義。伏查北鎮醫無閭  
山在奉天府屬。今爲北鎮。山海關迤北之海非北海



乎。況

盛京發祥重地。土厚水深。源流綿邈。

皇上聲教四訖。幅員之大。從古未有。長白山水并烏龍。鳴綠諸江。亦盡朝宗於海。則北海之祭。不應仍在懷慶。此祀典之急宜釐正者。伏查順治十七年。科臣粘本盛題請改祭北岳於渾源州。祈下部議。副後告祭。更定於遼北近海地界云云。奉

旨。九卿詹事科道會議。上言。明臣邱濬言。京師東北乃古碣石滄海之地。於此立祠。就海而祭。爲宜。濬所

云碣石。今在永平府。但我

朝幅員廣大。混同江水發源長白。流入北海。今北海之祭。應改混同江邊望祭可也。奉

旨准行。

康熙二十二年二月。

駕幸五臺。駐蹕完縣。

召父老慰問

賜金。有蔡丹桂者。自陳縣學生員。家貧無以爲養。

上命講飛龍在天利。見大人及德輔如毛毛。猶有倫。

句稱

旨。賜白金五兩。金盤蔬饗果六枚。  
論曰。爾當努力讀書。開卷有益也。

陳鐵山常夏。家貧力學。嘗爲人傭書。順治辛丑會元。  
授米脂令。孫子未襄。幼孤貧。鬻某家爲伴讀。代主人  
子作文。師廉知之以告主人。遂加禮焉。後申康熙乙  
丑進士。官至通政司叅議。人顧可不自立耶。

尤西堂嘗戲作浴乎沂。風乎舞雩。二句題詩云。洗耳  
目同高士潔。披襟不讓大王雄。後山左李少詹呈祥。

謫塞外。有人以此二語贈之。及到遼東。解官爲高姓名士。潔者。抵戍所。卽有王侍郎名舜。躡至。舜原名雄。二語適與相符。亦奇。

孫子未異。嘗於其師徐華隱坐中。見一貧客。乃徐年家子也。仰體師意。招致家中。遇之甚厚。一日忽謂孫曰。受恩未報。明年當生公家。未幾卒。孫生一女。六歲時戲抱之。語家人曰。此華隱師客也。云來報恩。乃是女兒。安所望報耶。女勃然曰。爺憎我女耶。當再生爲男。逾十日以痘殤。明年果舉一子。頂有痕瘢。名千篋。

字莊夫。後中雍正乙卯舉人。

濰縣姜雲一國縣。少有至性。父游京師。遭疾。雲一往省。則已歿。貧不能市棺。乞於市以斂之。復以其喪乞食而還。族黨憐之。爲醵金以葬。母善怒。怒則致疾。雲一百計解之。一日怒甚。雲一跪膝前。作小兒嬉戲狀。持母手。搯其面。母笑而罷。自是不復怒。時雲一年五十矣。尚樂聞懷庭循觀與之善。問善讀何書。曰論語。終身味之不盡也。嘗自述生平學力。年四十始能不以貧富壞其心。五十始能不以死生動其心。懷庭爲

作姜先生言行記。

梅愚山開章官湖西道時。新淦有虎患。愚山爲文禱於山神。翼日有虎曳尾入村中。一婦人以春杵擲而殺之。虎患遂絕。

雒縣劉衍泗繼聖。由教職陞湖南慈利縣。時滇寇甫平。人民彫敝。劉以寬爲政。不忍輕用刑杖。與民語常呼爲兒。有人被罪法當笞。劉便感然曰。見何苦忍痛耶。慈利人感之。尋引疾去。民嚮留不得。羣釀金送之。劉不受。民固請。始人受一錢。凡數萬。時謂今之劉寵。

云。

涪城劉渡子祭。文正公之父也。年十一補諸生。康熙乙丑登進士第。出知長沙縣。三十七年遷寧光州。是歲關中大饑。劉請於監司。假廳倉粟以活州民。寧光民故貧。多進稅。遂聽民便。密粟筍蕨悉免稅。而自賣家中田代之輸。下車之日。城中居民僅七家。期年而縣湊矣。一日出郭。見山多梅樹。宜蠶。乃募里中善蠶者。載繭種數萬至。教民蠶繭成。復教之織。州人利之。名曰劉公綢。

吳江計甫草東順治丁酉舉人少負奇氣過順德府知歸震川先生嘗佐是郡有廳記二篇訪求遺碑不得入署旁廢園中瓣香再拜又嘗至吳中知黃向堅之孝投刺稱門生焉真奇人奇事也

長洲褚蒼書藏學問淹博天爵自募韓文懿公以文執敬禮之康熙己巳

聖祖南巡

召見於

行在所



命書賸二幅。

御書海鶴風姿四字

賜之。時年已九十六矣。人瑞也。

熙朝新語卷五終

熙朝新語卷五



皇朝新語卷六

古款 余金 德水 鞞

康熙四十年七月。

聖祖駕幸索爾哈濟。有喇里達番頭人進彩鷓一架。青翅蝴蝶一雙。

上問此二物產於何地。頭人回奏云。生於穹谷山中。鷓能擒虎。蝶能捕鳥。

上賜以金而遣之。

長洲惠視溪周惕。子士奇。孫棟。三世以經學傳家。二

百年來東南第一家也。著作甚多。

欽定四庫全書中多有采入者。

康熙十七年

命一等侍衛狼曠頰

孝昭皇后尊諡於朝鮮。吳人孫致彌爲副。奉

命采東國詩歸奏。致彌撰朝鮮採風錄詩甚多。不及備載。錄其送詔使還京詩序云。

皇上紀元之十七年戊午。上勵武備。二大人頰

大行皇后諡於下國時。則不佞謬膺寡君僭命之託。

馳逐龍灣。因護其行抵王京。二大人傳宣

帝命。以寡君有疾。停郊迎儀。前度使臣之回奏也。小  
邦君臣且感且悸。惟是欲冰之行。莫肯虛徐。請少留  
而不可得。時值大歉。公私未立。殆不能備供億之禮。  
二大人。大加盡傷。一革浮費。所索惟詩文與書法而已。  
寡君命朝紳。或製或寫。以應。橐中所齋。蕭然若寒  
士。前此所未有也。武備公仍將

兩朝宸翰。示不佞暨都監諸官。其書曰。正大光明者  
卽

先皇帝筆。

今皇帝手書跋尾者也。其曰清慎勤者

今皇帝筆也。生龍活蛟之蜿蜒。銀鉤鐵畫之勁健。真可以參造化。驚風雨。跋語珠光玉潔。自有不可掩之華。蓋公世懋酬庸。錫予蕃庶。最以此珍玩。不以出疆而舍之云。海外鯁生。非蒙

天使眷顧。則亦何途之從而獲此大觀也哉。自臨境至回旆。首尾四十有二日。不佞又伴至鴨綠江上。大人徵詩若序。要作他日不忘之資。顧不佞素短於章

句。重以筮什數十載。勞攘簿書。拋棄翰墨。自慚不足。以副大人之勤教也。辭之益固。命之益懇。因略敘其概。兼呈篇什。以供一粲云爾。詩五言十韻。其警句云。紙上風雷隱。毫端造化奇。城路風旌掣。滄江鼓角悲。未畧伴送使。資憲大夫行司憲府大司憲兼成均館大司成廣州後人歸巖李元楨。

康熙丁未夏。荷蘭國甲叟吧王油煩嗎綏極遣陪臣卑獨攀呵閩等入貢。內有刀劍八枚。其柔繞指。旃檀樹四株。各長二丈許。西洋小白牛四。高一尺七寸。長

二只有奇。白質斑文。項有肉峯。荷蘭馬四。銳頭卓耳。形態殊異。又玻璃箱牡丁香。哆囉尼絨之屬。是歲暹羅國王森烈拍臘照古龍拍臘馬。嚀陸坤。遣貢使握坤司答喇耶。適低禮貢六足龜。孔雀。馴象等物。回回國貢牛三角三目。

南昌滕王閣毀於金聲桓之亂。順治中蔡尙書士英開府江右。重新之。海內名流賦詩甚多。惟海鹽彭羨門孫適詩爲最。其警句云。依然極浦生秋水。終古寒潮送夕陽。



康熙己酉科。浙士有新夢於于忠肅祠者。神告之曰。爾功名在署中。醒而不解所謂。是科領薦首題乃知之者一節。始悟署爲四者字。中者中式也。神固已明示之矣。

周司空清原肄業太學時。詩名籍甚。有詠白丁香句云。月明有水皆爲影。風靜無塵別遞香。一時傳誦。上徹

宸聽。比官翰林。

召見時猶誦其詩句。獎之。

潘次耕未由布衣薦舉。

召試授翰林院檢討。幼時聰穎異常。過目成誦。試以憲書與之。讀一過。卽能背誦。首尾不遺一字。兄禮章有史才。頗承受其學。又從顧亭林徐昭法戴耘埜遊。故其學貫穿淹洽。無所不通。旁及厯算。悉有神會。昭法歿後。無尺寸之產。舉孀婦孤孫以託。潘恤之終其身。其古誼有如此者。蓋不僅以博雅稱也。

米紫來漢雯。王文貞公崇簡之壻也。性放浪不羈。嘗以翰林典雲南鄉試。故事。試差復。

命不得過年。米以六月朔赴雲南。事竣浪跡江楚。至十二月猶未還。婦兄王瞿庵遣人敦迫乃就道。及至都。自言我爲相公押解來京。都人士笑之。

靳文襄公治河。功績彪炳人寰。其河防奏議至今行水者奉爲圭臬。而其他建白尙多。知者蓋鮮。茲錄其請減專差疏。以爲警鼎一鑒。其詞曰。臣惟皇上因在外諸臣。於民生疾苦不以上聞。

朝廷詔旨不行下達。廢弛驛站。侵冒錢糧。民隱莫申。民冤無訴。於是屢遣在內諸臣訪查察究。此

皇上軫念民瘼。惟恐一夫不獲其所。是以不得不然也。但

天使之車塵馬跡。一經絡繹於道途。則問閭之蒼首黔黎。未免嗟咨於草野。在奉差之臣。未嘗不以

皇上之心爲心。未嘗俱有示威勒措之事。并未嘗盡縱家人跟役等。需索地方官也。然往來供應。雖蓋酒粒粟片肉隻雞。盡皆小民膏血。況地方官員賢能廉介者少。平庸畏事者多。一聞

欽差將至。惟恐有所駁詰。莫不力圖要結以悅之。行

賄與否。姑置弗論。而飲食之費已屬不少。上司雖戒之曰。爾無科民。有司亦隨答之曰。斷不妄派。究竟無神翰之術也。更值不肯官員。借端多斂。則又不堪言矣。此等事務。臣雖未得確情。並無指實。然揆之情勢。在所不免。臣愚以爲除軍機重務。必須口授。

廟謨於兵主。確酌商行者。自當專差馳驛。又在外貪官汚吏。督撫不行題奏。被科道糾叅。或旁人告發。并督撫扶同犯法。肆行貪婪之事。亦必須遴選部院能員。秉公確審者。無庸置議外。他如整頓驛站。料理軍

需。查勘海疆。恤刑督賑諸務。似應責成督撫。蓋督撫爲封疆大吏。

皇上將數千里地方。數千萬百姓託之。綏懷撫治。乃不夙夜黽勉。力報

君恩。將此等分內之事。闖茸貽誤。甚至捏冒侵漁。致煩

皇上左顧右慮。另差近臣代理。似此不職之督撫。雖立置重典。亦不足惜。然天下督撫賢愚不同。未必盡皆不肖也。臣請嗣今以後。凡督撫司道不能料理。必

須差員之事。自當照舊遵差。其督撫司道能行之事。俱責成督撫司道料理。停其另差。如有貽誤生弊等情。卽將該督撫司道立行從重處分。以爲大吏溺職之戒。如此庶地方不至因供應而擾民矣。

康熙辛丑科得人最盛。名臣名儒多出其中。官尙書者一。嘉興錢陳羣。官侍郎者一。海海勵宗萬。鄞縣邵基。官總督者二。上蔡陳元章。平越王士俊。官巡撫者四。新喻晏斯盛。滋陽喬世臣。安居王恕。漢軍孫國璽。名儒則德州盧見曾。孝感夏力恕。會稽魯曾煜。宜興

諸大文歸安陸奎勳金谿馮詠閩縣謝道承皆是科庶吉士也。

海鹽彭美門孫適順治己亥進士康熙中官至吏部侍郎兼充講官。

上特命進講大學樂只君子一節音吐宏亮極加稱獎時明史久纂未成。

命爲總裁。

賜專勅異數也。

松江濱海一日兩潮歷久不易康熙戊戌重九日華



亭王相國頊齡拜入閣之

命。是日潮忽三至。咸以爲異。

朱竹垞以檢討被

命纂修明史。有上總裁七書。最爲詳贍。茲錄其一曰。  
竊尊來自田間。學無師法。一旦入著作之庭。備員纂  
史。受

命以來。慄慄備懼。伏念史尚三長。而不有其一。何以  
克副厥任。猶幸有閣下總率之。可以無恐。今開局逾  
月矣。顧未見體例頒示。竊有所陳。造門者再未值歸。

沐之暇。敢奏記於左右。歷代之史。時事不齊。體制因之有異。班固書無世家。而有后戚傳。已不同於司馬氏矣。范蔚宗書無表志。後人因取司馬彪續漢書志以爲志。又不同於班氏矣。蓋體例本乎時宜。不相沿襲。故漢之光武。唐之孝明。宋之真宗。皆行封禪之禮。作史者不必效史記。而述封禪之書也。德星慶雲。醴泉甘露。不絕於世。作史者不必效北魏南齊。而述符瑞之志也。此志之不相沿襲也。班史第古今人表。上及於皇初。歐陽子紀宰相世系。下逮於子姓。遠之游

幸。金之交聘。他史無同焉者。此表之不相沿襲也。史記列傳有滑稽日者。五代史有家人義兒伶官。宋史有道學。他史無之。此傳之不相沿襲也。至若皇后一也。尊之則附於帝紀。卑之則冠於臣傳。公主一也。或爲之傳。或爲之表。釋老一也。或爲之志。或爲之傳。餘如天文五行。或分爲二。職官氏族。或合爲一。然則史蓋因時而變其例矣。明三百年事有創見者。建文之遜國革除。長陵之靖難。裕陵之奪門。宜何以書。躋與獻王於廟。存之則爲無統。去之則沒其實。宜何以書。

志河渠者。前史第載通塞利害而已。明則必兼漕運言之。而又有江防海防禦倭之術。宜何以書。志刑法者。前史第陳律令格式而已。明則必兼廠衛詔獄廷杖。宜何以書。若夫志地理。則安南之郡縣。朵顏之三衛。曾入版圖。旋復棄之。又藩封之建置。衛所之參差。宜何以書。至於土司之承襲。恭順有勤王之舉。反側者興征討之師。入之地志則不能詳其事。入之官志則不能著其人。宜何以書。凡此皆體例之當先定者也。又魏定黔成。英隲淮諸國。衍聖一公。咸與明相終

始則世家不可不立。惟是張道陵之後受世祿奉朝請於義何居。若竟置不錄。難免闕漏。宜何以書。此亦體例之宜審量者也。又承閣下委撰明文皇帝紀。本之實錄。參之野紀。削繁證謬。屏評善之辭。樹彙二卷。已上之史館矣。昨睹同館所纂建文帝紀。具書燕王來朝一事。今之鄙蒙。書法相違。匪敢揚己之長。暴人之短。但史當取信百世。誰可以無爲有。明太祖之崩。在洪武三十一年五月。遺詔諸王各於本國哭臨。不必赴京。踰月而討。至燕。燕王抵淮安。勅令歸國。斯太

祖實錄史臣曲筆。謂用事者矯詔却還。當在是年之秋也。時方執周王。備廢爲庶人。東齊王博有罪。召入京。留之。燕王方慮禍及。歸國。恐後。因簡壯士爲護衛。追齊王之入燕。且益懼焉。肯以次年來朝。身犯危地。而且傲慢無禮。由皇道人登陸不拜。致監察御史曾鳳韶戶部侍郎卓敬一劾王大不敬。請徙封南昌。建文帝不報。而燕世子及弟高煦。適以三月至京師。嘗諸虎離其穴。盡將虎子入於陷阱之中。縛之一一獵夫力耳。雖至愚者弗爲。而謂智慮過人之燕王爲之。

乎。且燕世子之來在三月。則是時燕王猶未反國。野史稱文皇遣之來。誰實遣之。姜清祕史據南京錦衣衛百戶潘暄貼黃冊內載。校尉潘安二十三日欽撥隨侍燕王還北平。以爲來朝之驗。似若可徵。然稽之實錄。靖難師駐龍潭。帝顧望鍾山愴然下淚。諸將請曰。禍難垂定。何以悲爲。帝曰。吾異日渡江。卽見吾親。此爲姦惡所禍。不渡此江數年。今至此。吾親安在。瞻仰孝陵。是以悲耳。然則太祖崩後。燕王未嘗入朝可也。蓋牽除年事多不足信。卽燕王來朝不足信者。

也。金川門之變。實錄稱建文帝闔宮自焚。中使出其屍於火。越七日備禮葬之。遣官致祭。輟朝三日。野記則云。松陽王景請以天子之禮葬。文皇從之。夫既葬以天子之禮。未有不爲之置陵守冢者。而鍾山左右無之。則備禮云者。亦史臣欺人耳目焉耳。况孝陵渴葬。文皇責建文以庶人之禮葬其祖。又豈肯以天子之禮葬建文乎。不足信二也。北京金山曰景陵之北。相傳有天下大師之塔。謂是建文皇帝墳。此尤無據。常空房山。山隅有亂塔。寺瘞僧骨不可數計。繞山村



落田中亦多僧塔。或題司空。或題司徒。或題帝師。國師。蓋遼金元舊制則然。所稱天下大師不足爲異。乃謹爲建文帝墓。旣云不封不樹矣。其誰爲之立石爲表。不足信三也。從亡隨筆稱太祖預貯紅篋於奉先殿側。四圍以鐵錮之。鎖二。亦灌以鐵汁。程濟破之。得三度牒。濟爲帝祝髮。旣扶帝出聚寶門矣。不應復折而至神樂觀。不足信四也。致身錄載帝至鬼門。從者八人。牛景先用鐵棒敲之而出。者是日乙丑。文皇一入金川門。卽命分諸將守京城及皇城。鬼門非無人。

之境。爲景先者持鐵棒啟門。守城將士豈無一人見者。不足信五也。方孝孺哀杖哭闕下。語文皇曰。成王安在。此事之所有也。至文皇謂曰。獨不顧九族耶。答曰。便十族如何。因弁其弟子友朋爲一族戮之。此則三家村夫子之說矣。歐陽夏侯尚書雖云。九族者父族四。母族三。妻族二。而馬鄭俱云。九族上自高祖。下至元孫。九室蔡氏從之。故世之言九族者。名爲九族。其實本宗一族耳。迨秦漢誅及三族爲最酷。而造爲是說。使文皇果用是刑。無遽舍母妻之族。而遽誅及

於弟子友明者。且正學之友最莫逆者如宋仲珩王孟溫仲縉鄭叔度林公輔諸人。故叔度之弟叔美叔端仲縉之子叔豐皆爲及門高弟。諸君惟仲縉早卒。其餘當日成不及於難。輯其遺文以傳。足以破野史之謬。不足信六也。實錄載文皇入都。卽收齊素黃子澄至闕。同磔於市。所榜姦黨二十五人。鄭賜黃福尹昌隆在其列。不聞伏法。又靖難師起北平。所司州縣棄職遠避。朱寧等二百一十九人。亦未嘗悉誅。獨大理寺少卿胡閏野史謂抄提男女二百一十七人俱

死。外遣戍者又一百一十四人。而奉天刑賞錄載。茅大芳妻死。上命餉狗。不應若是之酷。不足信七也。萬曆初。以建文帝所遺三詩。宣付史館。竊疑是黠竄元之故。臣憶庚申君之作。若天命潛移四海心之句。豈出之帝口乎。不足信八也。鐵鉉二女。沒入教坊。世傳七言二詩。乃吳人范寬題老妓卷而作。載皇明珠玉集中。好事者巧爲附會。不足信九也。河西傭川中補鍋匠。東湖樵夫。雪庵僧。潔其身。隱其名姓。據傳以書。奚而不可。乃憑轉輪殿鼠嚙餘冊。一一實之。不足信

十也。實錄載壬午歲七月。命前工部尙書嚴震直。戶部尙書王純。應天府尹薛正言。分往山西山東陝西。巡視俾奏利弊。震直受詔至山西。九月卒於澤州公廨。初不間震直督餉山東。爲北兵縛置布囊。夾以兩馬。昇至京。後使安南回滇。有吞金之事。不足信十一也。至若因楊行詳事而移之楊應熊。因史仲彬之名而造爲致身錄。久而附益之。不足信十二也。論者以革除靖難之事。載諸實錄者。皆曲筆。無寧取之野史。然實錄之失。患在是非之不公。然人物可稽。歲月無

外。後人不難論定。至遼國諸書。往往以黎邱之鬼。眩人觀聽。以虛爲實。以僞亂真。其不滋惑焉者寡矣。閣下宜辨去其惑。曉然開論同館。毋相矛盾。作史之貴乎有識者此也。故因燕王來朝一事而兼及之。惟閣下垂鑒焉。

建德宋白山維藩。所善方術節者。善卜易。以白山爲東道主。或經歲不歸。方春始和。白山必令占一卦。以卜歲祥。戊午春占卦畢。忽呼奇奇。語白山曰。今歲必有人自

天子所來召君者。謹識之。白山筭曰。所以煩君卜者。姑以問安否何如耳。窮閭隘巷。於外間隔。孰爲翰音登於天者。而有命自天平。方曰。書言之固然。謂余不信。請徐俟之可也。及開制科。辟書至。乃信方之術神也。

朱秋崖克生云。寶應西北七十里曰張公舖。屬天長縣。康熙四年二月二日。張公舖人見平地忽擁官艦數十。帆檣樓櫓畢具。船首列羽旗大纛之屬。儀衛森然。所過之地。迅如鳥跡。草木皆靡。竟不知是何祥也。

益都冷孝子名昇。邑諸生。父植元。好遠遊。崇禎己卯。適嶺表。鼎革後。兵戈阻絕三十年。孝子發憤。依肇慶道趙鑑。退進美。往端州冀便咨訪。一日有喬某者。亦山東人。往西粵。孝子跪請訪求。閱歲喬返。微聞其父歿於龍州土司。孝子遂辭去。溯牂牁而上。歷三百七十餘灘。自橫州達南寧。又經遷隆思明。行五千里。遇那利人蔡鄭二叟。詢知與其父舊爲龍州土司客。乃與偕往。復與葬師譚姓者遇。竟得父櫬於龍州北門交帶橋側。負骸骨歸。孝子自敘其事爲龍州扶櫬記。



夫以一寒士。父歿三十年。竟能覓遺骸於萬里之外。雖欲不謂之孝。其可得乎。亟書之以愧世之蔑視其親者。

康熙間泰安知州某行泰山下。忽見片雲自山巔下。雲中一人端立。初以爲仙。及墜地乃一童子也。驚問之曰。曲阜孔姓。方十歲。母病。私禱泰山府君。願殞身續母命。母病尋愈。私來捨身巖。欲踐夙約。不知何以至此。知州大嗟異。命輿載之以歸。

葉丙霞映榴。順治辛丑進士。由庶常累官湖北督糧。

道。戊辰夏。包子之亂。從容拜疏。公服自到。死。奉

旨。褒嘉。特贈工部侍郎。己巳。

聖祖南巡。其子葉敷迎

駕。

上諭禮部等衙門。當楚省兵譁之際。葉映榴盡節捐  
軀。朕心深切憫悼。特詔所司。優贈亞卿。兼子蔭。鄭。今  
巡行江南。見其子葉敷。迎伏道旁。漸增軫惻。忠節之  
臣。應特予諡。以彰異數。爾等會議具奏。欽此。部議上  
奉

旨賜諡忠節。

聖朝褒忠曠典。迥出令甲之外。漢公死不朽矣。

米侍講漢雯。令建昌時。有水夫文三郎者。頗文雅。不  
類俗人。米謝事居南昌。三郎亦隨役。一日見家僮輩  
兩素扇。一畫梅。一畫蘭竹。又書唐人絕句二首。問之  
卽文三郎妻徐蓉所作。年才二十三。

睢州湯文正公族人。家有傭工夫婦。每聞主人與客  
談詩文。輒竊聽。如是者數年。一旦扃門去。留書千言。  
文詞博奧。接據古今。多出意表。竟不知誰何也。此事

與文三郎相類而蹤跡尤奇。

孫文定公廷銓爲童子時嘗五鼓入塾道遇一長人如方相狀目睢盱可畏直前欲搏之公方錯愕聞頓覺己身驟長與之等且搏且却至半里許其物忽不見又書齋常有狐爲祟公讀書其中久之無所睹邪不勝正從茲可想

餘姚黃梨洲宗羲明御史忠端公尊素子少補仁和諸生忠端公死魏闈之難崇禎初梨洲年十九刺血繕疏袖長緋入京訟冤至國門而忠賢伏誅卹典已

下。刑部鞫。黨許顯純等。召黎州對簿。卽出。錐鋒許。血被體。又毆崔應元。拔其鬚。歸而祭忠端神主。前已。又擊殺獄卒顏咨。葉仲文。蓋顯純爲大理時。鍛鍊忠端公罪。而絕命於二獄卒手。黎洲冒死報仇。時以忠義孤兒宥之。後以攻訐阮大鍼被逮。值

大兵南下。事得解。康熙戊午己未。學士葉子吉都御史徐立齋先後薦於

朝。以老病辭。後

聖祖復以海內遺獻問徐司寇。乾學仍舉以對。且言

其衰老乃止。

蓋屋李中孚客。父信吾死。流寇之難。容母子相依。雖貧。不受人餽遺。母卒。三年後。徒步之襄城。求父骨。不得。知縣張允中聞之。爲立信吾祠。且造冢於古戰場。以慰其心。乃取其塚土歸。告於母墓。更持服如初喪。累薦不就。

聖祖西巡。欲見之。陝督傅

肱。容驚泣。以廢疾辭。

特賜關中大儒四字。寵之。

閩中有鬼孝子者。七歲喪父。家赤貧。孝子雖幼。卽能  
以力養母。數年孝子死。鄰人將奪母志。孝子爲祟於  
其家以止之。且託夢於母曰。見雖死。猶能以力養母。  
母泣曰。見已鬼矣。安所用力爲。曰。母第適市。語負擔  
者。令加重焉。見險佐之力。使能勝。則其傭可倍獲。母  
取其贏以給贍也。母如其言。果賴以存活。守節至老。  
宋射陵曹爲作鬼孝子傳。見虞初新志。世之生而忘  
親者。愧此鬼。

康熙甲申四月。

命侍衛拉錫等探視河源。初四自京起程。五月十三至青海。十四至呼呼布拉克。六月初七至星宿海之東。有澤名鄂陵。周二百餘里。鄂陵至有澤名札陵。周三百餘里。二澤相隔三十里。初九至星宿海。蒙古名鄂敦塔拉。登南山視星宿海之源。小泉萬億。不可勝數。周圍羣山。蒙古名庫爾哀。卽崑崙也。南有山名古爾班吐爾哈。西南有山名布胡珠爾黑。西有山名巴爾布哈。北有山名阿克塔因七奇。東北有山名烏蘭柱石。古爾班吐爾哈山下諸泉。西藩國名爲噶爾馬



塘。巴爾布哈山下諸泉名爲噶爾馬春。穆朗阿克塔  
因七奇山下諸泉名爲噶爾馬沁尼。三山之泉流出  
三支河。卽古爾班素羅謨也。三河東流入札陵羅。自  
札陵一支流入鄂陵澤。自鄂陵流出乃黃河也。除此  
他山之泉與平地之泉流爲小河者不可勝數。盡歸  
黃河東下。使者自星宿海於六月十一日回程。向東  
南行二日。登哈爾吉山。見黃河東流至呼呼托羅海  
山。又南流繞撒除克山之南。又北流至巴爾托羅海  
山之南。次日至冰山之西。其山最高。雲霧蔽之。蒙古

言此山長三百餘里。有九高峯。自古至今未見冰消。終日雲霧蔽之。常雨雪。一月中三四日晴而已。自此回行十六日。至席拉庫特爾之地。又向南行。過僧庫里高嶺。行百餘里至黃河岸。見黃河自巴爾托羅海山向東北流於歸德堡之北。達喀山之南。從爾山峽中流入蘭州。自京至星宿海共七千六百餘里。寧夏之西有松山。至星宿海天勢漸低。地勢漸高。人氣閉塞。故多喘息。

靖逆侯張勇字飛熊。

國初定鼎。卽仗劍出關。求見英王。王大奇之。提督甘肅。知吳三桂將反。命子雲翼間道入都。首發其姦。聖祖親解御袍賜之。功成後謚襄壯。相傳其封公夢夏侯惇而生侯。薨後葬墳掘地。得夏侯碑碣。亦奇事也。

金會公德嘉。順治庚子舉人。就安陸府教授。不赴會試。一日夢有人投刺來拜。視之乃門弟劉子壯五字。奇之。因北上。康熙壬戌會試。總裁掌院學士朱之弼。乃劉子壯會試房師也。果中第一。夢兆之異如此。

張清恪公伯行。康熙乙丑進士。歷官至江蘇巡撫。素以清節理學著名。四十八年大計。盡除吏之貪婪不職者。萬民鼓舞。而總督噶禮貪黷怙勢。素與齟齬。卒邪科場事發。

上命刑部尙書張鵬翮往鞫。亦畏其勢。伯行抗疏上言。噶禮營私壞法。有曰。仰祈

皇上下奮乾綱。除兩江之民害。快四海之人心。振萬古之綱常。培一時之士氣。人皆傳誦。噶禮亦誣伯行不肯出洋數事。

上命並解任。

命工部尙書張廷樞來朝。並擬革職。

上責諸臣顛倒是非。革噶禮職。留伯行巡撫任。

諭諸大臣曰。伯行乃天下第一清官。噶禮辦事厯練。操守朕未能信。若非張伯行在彼。江南地方受其侵削一半矣。中外無不頌

聖祖知人之明。

海寧查嗣韓。以五經鄉薦不第。留京。住西華廠。劉廷璣宅之無倦軒。攻書。身素弱。劉勸慰之曰。吾非不知。

曾夢神贈書。有五色雲中第二人句。是以懸懸其真。其一驗耳。至康熙戊辰。果以榜眼及第。

孫松坪致彌。康熙戊辰進士。官編修。髫齡卽以詩供奉禁中。四十餘年。有歸舟口號云。有淚何曾灑路窮。小船欹側逆流中。科頭白眼傾尊酒。飽看人家使順風。其襟懷磊落可想。

餘姚汪鑒。少任俠。及從勞麟書遊。研心朱子之學。粹然儒者矣。其父歿雲南。鑒扶襯歸。至漢江遇大風。舟將覆。鑒憑棺號哭。誓以身殉。風忽止。得泊沙岸。以免。

人感謂孝思所感。

熙朝新語卷六終

新語天卷六

三

六



熙朝新語卷七

古欽 余金 德水 輯

正白旗漢軍陳夢球。康熙甲戌進士。未與館選。

上特召試聖人之本論一篇稱

旨。補選庶吉士。異數也。

高安朱文端公執少好學。用志不紛。塾師嘗會飲。公不與。讀書不輟。師命餉以酒肉。置座間。若無覩也。每於古大儒名臣循吏之行。輒筆記之。康熙癸酉領鄉薦第一。甲戌進士。改庶吉士。累官文華殿大學士。有

可亨十三種行於世。

康熙甲戌丹徒裴之仙借數人入都會試。有善扶乩者同往。問中否。乩判一貴字。衆不解。後裴中會元。裴故眇一目。始悟向所判貴字。乃中一目人也。

吳文簡公襄之父與一僧善。後僧患足疾坐山中。一日忽見僧自外至。徑趨入內。跡之則夫人方坐蓐。誕一子。卽文簡公也。由癸巳翰林。歷官禮部尙書。康熙壬寅二月恭與千叟宴紀。

恩詩云。六旬今列千官宴。兩榜原登。

萬壽科。

宋牧仲學。先撫湖北。後撫江蘇。振拔名流。提挈後進。士林德之。性嗜古。精鑒賞。名人書畫一見卽別真贋。嘗寫水墨蘭竹小幅。湯西崖題詩云。竹箭美。必採澤蘭香。宜初。公平鎮東南。空谷無幽人。偶然託墨妙。寫此平生心。咨嗟魏公儔。小筆乃爾神。借圖頌德。洵非諛語。

康熙間梁溪陸生者。忘其名。少好學。弱冠遊庠。家小康。以好施故中落。妻父故富翁也。頗輕薄之。翁婿往

還蹤跡日稀。後值鄉試。陸以無力納卷。且妻已有妊。八月餘。慮無人周顧。意不欲往。同人固強之。捐資以助。陸不能卻。陰屬人聞於妻父母。冀免內顧憂。而翁夫婦若不聞也者。陸爲同伴所迫。怏怏而去。倉卒終場。歸則妻患痢甚劇。醫決不起。陸徬徨無措。夜半妻渴甚。索飲。欲溫之。苦無薪。足下有破板。將取以燎火。板甫揭。見白蟻蠕動。撥視之。下有巨甕。盛白鏹焉。喜欲告妻。聞扣扉甚急。啓闕未及。詢衆擁而入。乃報錄人也。正錯愕間。又聞妻大聲作喘。視之已生一子。呱

呱在牀矣。一息之間。三喜畢集。信所謂困極而亨者耶。

康熙四十一年九月十五日。兵部尙書兼都察院右都御史總督河道軍務臣張鵬翮。河工告成。疏曰。河工一事。每歷

睿慮。

親臨閱視。洞悉原委。

宸衷獨斷。區畫精詳。拆攔黃壩。以通海口。築挑水壩。開陶莊引河。以導河北行。培高堰。築六壩。以束淮敵。

黃挑張福口裴家場張家莊等引河。以暢淮流。修歸仁堤。以節宣。雖水塞時。家馬頭。以杜黃水。勿溢。開王家營減水壩。挑鹽河。以洩黃淮漲水。鑿戚字堡諸引河。逢灣取直。以分水勢。杜邵伯更樓諸口。修運河兩岸排椿。濬深運河。改修中河。以利漕運。疏人字芒稻河。涇澗諸河。以洩運河漲水。挑海溝蝦鬚等河。以洩下河積水。建高郵南關車邏諸滾水壩。以資蓄洩。工程次第完畢。今歲伏汛。黃淮並漲。逾月不消。水勢大過三十五年。而堤防保固。海口通暢。運道深通。民獲

耕獲黃童白叟感戴

聖恩歡聲如雷洋溢原野此皆我

皇上神謨睿慮上與天通燭照於事前符驗於事後  
用能臻地平天成萬世永賴之鴻休偉績等語有

旨明歲閏視河工四十二年

聖駕南巡三月以淮黃告成

頒詔天下

賴塔拉巴圖魯從征耿逆一日浴於溪覺水底有物  
槎枒如古木因縛以繩引出之乃一龍首鬚鬣宛然

所縛者乃其角也。見者驚走。賴神色不變。徐解其縛。少頃雷雨晦冥。龍騰空而上。自是人呼賴爲縛龍巴圖魯。

錢香樹陳羣爲翰林時。舟行失足入水。家人救以篙得免。謂人曰。吾聞墜水者必有鬼物憑之。倘遇李太白。便把臂去矣。次日過李白樓。題云。昨夜未曾逢李白。今朝乘興一登樓。樓中人已騎鯨去。樓影當空占上遊。

海鹽徐个臣容。鄉試前所夢于忠肅祠。神告之曰。歸



語汝祖。以吳三桂一事報汝也。容心惡之。既而榜發。竟入彀。而終不悟。所謂吳三桂者。歸語其祖。年已及。筆亦茫然不知。久之乃曰。是矣。三十餘年前。有僕吳姓。與婢女名三桂者。有私。汝曾祖母掠治之。吾力諫得免。卽以三桂配吳。不謂爲神明所鑒。貽福於汝。汝其勉之。

武進周清原。祈夢于忠肅祠。忠肅迎揖之。有童子立戶側。吟一片冰心在玉壺句。讀壺爲衡。竊訝之。不敢問。頃辭出。忠肅送及階。握手言曰。余事在爾。爾事在

余覺後不解所謂。入都謁侍講董公訥。公一見如故。留館其家。先是董公夢忠肅拜訪。若有所囑。未及諮而寤。質明周至。故異而優禮之。己未應試鴻博。賦題璿璣玉衡。恍悟前夢。文思沛然。一如夙構。遂取一等第九名。授檢討。纂修明史。周適分得于忠肅傳。同官有以易儲事議之者。周立辨其誣。論始定。初周赴試後。有平韓卿者精於數。董公使爲周占之。當得祭酒。董云太尊。曰否則助教。及

命下謝

恩章服未具。假之平原張良哉官助教者。始信平言。有驗也。

西藏達卜喇巖前有前朝紀功碑。漫漶剝蝕。僅存十六字云。雲山爲劍。風樹爲旗。用彰我武。永靖邊夷。不知建於何時。

本朝康熙六十年。蒙古王貝勒貝子公台吉及土伯時酋長。以西藏平定。請於彼地建碑紀績。奉旨准行。以

御製碑文頒發。勒石。仰見

皇威廣播。聲教遐敷。千古爲昭矣。

康熙辛丑狀元。聊城鄧悔廬鍾岳。工書法。友愛諸弟。或暮歸過時。必俟於門。諸弟不敢夜出。鄉黨重之。

李文襄公之芳。由順治丁亥進士。官至文華殿大學士。剛正沈毅。總督浙江時。平定耿逆。不動聲色。以身繫天下之重。使數千里危而復安。真社稷臣也。

黃陂王宗伯澤宏。未第時。自黃岡赴京。過廬山宿蓮花宮。未晚而睡。夢坐大殿。見衆僧誦經。取案上棗數枚啖之。遂醒。口中尙有餘味。正訝問。忽見衆僧掌燈。

列席問之。是日乃此菴主淨月上人忌辰。衆方祭祀。宗伯大異。起視所供饗。頂上微缺如少數枚者。乃悟前身卽淨月也。

士未遇時。遭人白眼。得志後猶憶及之。甚或見諸語言文字間。要非盛德事也。然亦有足快人意者。德清蔡狀元啓傳。赴公車時。有同年爲山陽令。投刺往謁。令批其刺。令闈人查明回復。蔡拂然而去。及第後。令以厚帑謝過。卻之。寄詩云。一肩行李上長安。風雪誰憐范叔寒。寄語山陽賢令尹。查明須向榜頭看。

孫侍郎在豐官侍講時。

上命講性相近也。對曰。性本聖愚一樣。但此論義理之性。若氣質之性。便不能一樣。

上曰。義理氣質有兩個性乎。對曰。義理卽在氣質之中。二者一也。

上嘉賞之。

康熙二十二年正月十四日。

上御乾清門。宴內閣大學士學士各部院等堂官翰  
林院學士。講讀日講編檢稽事坊局科道掌印官九

十三員。

敕諸臣歡忻暢飲。笑語無禁。宴畢復命近

御座前觀燈。更

賜卮酒。霑醉者令內官扶掖而行。明日

御製昇平嘉謨詩序。首唱麗日和風。被萬方句。羣臣  
集太和殿下。倣柏梁體。以次賦詩九十三韻。宣

上德而通下情。雖卿雲糺縵之辭。不是過也。

安溪李文貞公光地。未達時。祈夢於神。贈以一聯云。  
富貴無心想。功名總不成。贊而惡之。後中康熙庚戌

科進士。宮至相國。方知成字似成而非成字。想字去心恰是相字。

蔡宗伯升元紀

恩集載其傳臚詩云。入對

彤廷策萬言。可臚高唱

帝臨軒。

君恩獨被臣家渥。十二年間兩狀元。一時傳誦以爲科名盛事。

范忠貞公承謨撫浙時。杭之西溪有虎攫人。遣卒往



捕不得。公患之。一日自詣水月和尙卜之。告以故。和尙答云。山頭大蟲任打。門內大蟲莫惹。公不悟。未幾遷閩督。殉逆藩之難。乃悟門內大蟲閩字也。事由前定。信然。

易州范良肅女。許字未婚而夫死。女聞之自縊。庭前海棠一株。方花甚穠。豔烈。女死。花忽盡變爲白。一時文士歌詠甚多。

江南尤生將赴鄉試。而苦無貲。夜夢人告曰。市橋下有白金二錠。重二十兩。五更可往取之。如言而往。無

所見再夢再往亦如之。橋側有銀工某。怪其數早行。邀詢之。以實告。且歎鬼神之弄人也。至晚又夢。且促其早往。至則果有白金如數。銀工覘得之。又邀而問焉。對以故。且示之。金銀工曰。誤矣。吾昨聞君述夢以爲癡。聊鎔鉛錫以戲君耳。不意誤取篋中金以往。然神先告君。特假手於我。此定數也。卽舉以相贈。是科尤領薦。乃倍酬銀工。

順天萬維嶽。崇順治丁酉。解元。康熙庚戌。進士。其入學題。乃夫子循循然善誘人。食餼則博。我以文約我。

以禮。丁酉領解。首題卽顏淵喟然章。明年

世祖御試題克己復禮爲仁。自謂平生與復聖有因緣。比庚戌會試。題無顏子語。意頗不懌。及榜發中式。房師乃曲阜顏主事光敏也。

### 宣城自

本朝來科甲最少。康熙己未施愚山閩章高阮懷詠孫子立卓以辟薦。茹楚畹薦馨以鼎甲。同時入翰林。時施園有梅。三月復開四花。恰應四人所居方位。咸以爲異。繪圖題詠焉。

康熙十六年四月十五日。內大臣寶羅武 一等侍衛兼親隨侍衛首領臣耀色 一等侍衛臣塞護禮 三等侍衛臣索奉

上諭。長白山係

本朝發祥之地。今乃無確知之人。爾等四人前赴鎮守兀喇地方將軍處。選取識路之人。往看明白。以便酌量行禮。欽此。欽遵。於五月初四日起行。八月二十一日回京復

命。疏稱。臣等於五月十四日至盛京。十六日由盛京

起行。二十三日。至兀喇地方。轉宣

上諭於將軍等。隨查兀喇寧古塔及兀喇獵戶所居  
邨莊等處。俱無確知長白山之人。僉云曾遠望見。惟  
都統尼雅漢之宗族戴穆布魯。原係採獵之人。今已  
老退閑。自稱我輩原在額赫訥陰地方居住。我雖不  
曾躋長白山之巔。曾聞我父云。如往獵於長白山腳  
下。獲鹿肩負以歸。途中三宿。第四日可至家。以此度  
之。長白山離額赫訥陰地方不甚遙遠。我不知其他  
等語。因訪問。雖不曾至長白山。如赴額赫訥陰地方。

水路幾日可至。陸路幾日可至。亦有知往額赫訥陰地方陸路之人否。據管獵戶噶喇大額黑等口稱。如乘馬由陸路前赴額赫訥陰地方。十日可至。如乘小舟由水路而往。途中全無阻滯。二十日可至。倘遇水漲阻滯。難計日期。有獵戶喀喇者。知赴額赫訥陰地方陸路等語。臣等隨議。每人攜三月糧而往。又思。或三月糧盡。或馬匹倒斃。不能歸家。亦不可定。隨語。鎮守寧古塔將軍巴海。可載一船米於額赫訥陰地方。豫備。我輩糧盡。以便於彼處取用。將軍巴海云。大船

不能過松阿里河大險處。當卽載米十七小駱。至額赫訥陰豫備。臣等卽擬於六月初二日起行。又思由水路而往。倘遇水漲阻滯。稽遲時日。不能卽至。因與噶喇大額黑約。我輩乘此馬匹肥壯。速由陸路往看。俟看過長白山回時。再由水路逆流而上。前赴額赫訥陰地方。約定。臣等帶領固山大薩布素。於六月初二日起行。經過文德痕河。阿虎山。庫勒訥林。耶爾薩河。滹沱河。沙布爾堪河。納丹佛勒地方。輝發江。法河。木敦林。巴克塔河。納爾渾河。敦敦山。卓龍窩河等處。

至訥陰地方江干。不意噶喇大額黑乘小舟而行。半月程途。七日齊至。因語固山大薩布素。我輩乘小舟由江中道流前赴額赫訥陰地方。汝帶領官兵馬匹。由瓦努湖河道流而上。由佛多和河順流而下。前來額赫訥陰相會。約定遣發去後。臣等於十一日至額赫訥陰地方。固山大薩布素等於初十日已至。因前進無路。一望林木。臣等與固山大薩布素商議。令薩布素閑散章京喀達。與識路徑之喀喇。帶領每隊甲士二十名前行。伐木開路。并諭。如望見長白山。可將



行幾日方得望見。有幾許路程。相度明確。來報。我輩  
住二日亦卽起行矣。隨於十二日遣發前行去後。本  
日據固山大薩布素差人顧素前來報稱。我等別火  
人們行三十里至一山頂上。望見長白山不甚遙遠。  
似止有一百七、八十里等語。又續差艾喀來報稱。先  
差人來後。又至一高山頂上。望見長白山甚明。約有  
百餘里。山上見有片片白光等語。臣等趁未有雨水  
之時。急往看驗。長白山。因雨。噶喇火額黑督捕珠珥。  
於十三日起行。十四日與固山大薩布素等會於樹

林中。揣摩開路前進。十六日黎明。聞鶴鳴六七聲。十七日雪霧迷漫。不知山在何處。因向鶴鳴處尋路而行。適遇路蹊。由此前進。直至長白山腳下。見一處周圍林密。中央平坦而圓。有草無木。前面有水。其林離住札處半里方盡。白林盡處有白樺木。宛如栽植。香木叢生。黃花纍纍。臣等隨移於彼處住札。步出林外。遠望雲霧迷山。毫無所見。臣等近前跪誦

綸音。禮拜甫畢。雪霧開散。長白山歷歷分明。臣等不勝駭異。又正值一路。可以躋攀。中間有平坦勝地。如

築啟臺基。遙望山形長闊。近觀地勢頗圓。所見片片  
白光。皆冰雪也。山高約有百里。山頂有池。有五峯圍  
繞。臨水而立。碧水澄清。波紋蕩漾。殊爲可觀。池畔無  
草木。臣等所立山峯。去池水約有五十餘丈。地周圍  
寬闊。約有三四十里。池北岸有立熊一。望之甚小。其  
繞池諸峯。勢若傾頽。頗駭瞻視。正南一峯。較諸峯稍  
低。宛然如門。池水不流。山間處處有水。由左流者則  
爲扣阿里兀喇河。右流者則爲大訥陰河。小訥陰河。  
繞山皆平林。遠望諸山皆低。相視畢。禮拜下山之際。

峯頭有鹿一羣。他鹿皆奔。獨有七鹿如人推狀。自山  
峯陸續滾至山下。聞散草京畢。楊武里等駐立之處。  
臣等不勝駭異。因思正在乏食。此殆山靈所賜。隨望  
山叩謝。收其七鹿。臣等上山之時。原有七人也。自得  
鹿之處。退至二三十步。回首瞻望。又忽然雲霧迷山。  
臣等因清淨勝地。不宜久留。於十八日言旋。回視先  
望見長白山之處。因雲霧蒙籠。遂不得復見山光矣。  
二十一日回至二訥陰河合流之處。二十五日回至  
拾庫河。此河乃訥陰東流會合之所。二十八日正行

之際。適遇頒到

教旨。臣等不勝歡忭。捧讀

教旨。感激靡盡。當經叩頭謝

恩。訖二十九日。因馬瘦不堪馳驅。自恰庫河水路乘  
小舟而歸。經過色克騰險處。圖白黑險處。噶爾漢險  
處。噶大渾險處。薩滿險處。薩克錫險處。法克錫險處。  
松阿里大險處。多渾險處。乘一葉小舟。懸此大江九  
險。得以無恙而渡者。皆仰賴

皇上洪福之所致也。七月初二日。回至兀喇地方。又

往看寧古塔等處地方。於十二日至寧古塔。遍看會  
寧府等處地方畢。於七月十七日自寧古塔起行回  
京。臣等奉

命於人跡罕到之處創闢路徑。行於不見日色深林  
之內。無一日阻滯。得見長白山。皆我

皇上敬念

祖

宗。誠心感格神明之效也。謹疏奏聞。奉

旨。長白山

祖

宗發祥重地。奇蹟甚多。山靈宜加封號。永著祀典。以昭國家茂膺神貺之意。著禮部議奏。禮部議覆。應將長白山封爲長白山之神。相擇吉地建廟。照五嶽例。每年春秋二季致祭。祭祀所行禮儀。應用等物。亦照五嶽。今未建祠之前。應

特遣大臣往封致祭。其封神祭文及每年春秋二次祭文。交與翰林院撰擬。工部酌量題請建造祠宇。成日始行春秋二祭可也。

侯官陳解菴學夔。康熙己酉舉人。耿逆之變。抗節匿橋園洲三年。不受僞職。尋丁父憂。廬墓側。任司寇克溥首薦之。略曰。昔長安賣賊。洛陽之紙。頓貴。今全節罵賊。睢陽之舌。猶存。時服未闋。郡縣迫之赴京。籲乞終喪。得請歸。後授寧陽令。興利除弊。撫臣錢公珏疏薦。陞兵部。

朱竹垞檢討。研經博學。上徹。

九重其所著述。固已風行海內矣。卽一二緒餘。亦有穎異獨絕者。幼時塾師舉玉瓜使屬對。卽應聲曰。石。



稷師怒之。而心服其對之工。在京師時與人會飲。各舉古人男女成對者爲酒令。得大白小青無咎莫愁。灌夫漂母。武子文君。東野西施等字。又嘗舉回詩。一句合四聲。得康子饋藥。兵刃旣接。二語。又除夕集唐作對聯云。且將酪酏酬佳節。未有涓埃答聖朝。龍宮後集聯云。聖朝無棄物。餘事作詩人。

湯文正公爲庶子時。夜夢登高山。已陟其半。忽一人自後越之。湯鼓勇至山巔。有室懸麻姑仙壇記。旣覺。不知所謂。癸亥冬。閣學缺出。特用左春坊王鴻緒。甲

子閣學又出缺。湯遂繼擢。是年六月。

特簡江蘇巡撫。蓋麻姑壇在撫州。而蔡經家在吳縣。洞庭山也。事之前定如此。

康熙二十四年十月丙午。五色慶雲見。時方克復雅克薩城。

命薩布素等撤兵。鄂羅斯遣使乞和。

康熙二十五年

諭禮部翰林院。自古帝王致治隆文。典籍具備。猶必博採遺書。用充祕府。益以廣見聞。而資掌故。甚盛事。

也。朕潛心藝文。晨夕披覽。雖內府書籍篇目粗陳。而  
哀集未備。因思通都大邑。應有藏編。野乘名山。豈無  
善本。今宜廣爲訪輯。凡經史子集。除尋常刻本外。其  
有藏書秘錄。作何給值採集。及借本鈔寫事宜。爾部  
院會同詳議具奏。務令搜羅罔缺。以副朕稽古崇文  
之至意。閏四月禮部等遵

行議覆。購求遺書。應令直隸各省督撫出示曉諭。如  
得遺書。令各有司會同儒學教官。轉詳督學。及該督  
撫酌定價值。彙送禮部。其無刻板者。亦令各有司僱

纂繕寫。交翰林院進呈。有願自行呈送者。交禮部彙繳得。

旨。自古經史書籍。所重發明心性。裨益政治。必精覽詳求。始成內聖外王之學。朕披閱載籍。研究義理。凡厥指歸。務期於正。諸子百家。泛濫奇詭。有乖經術。今搜訪藏書善本。惟以經學史乘。實有關係修齊治平。助成德化者。方爲有用。其他異端稗說。概不准收錄。

該部院卽遵

諭行。

汪若文琬。以鴻詞科改翰林院編修。入史館。僅六十日。講史傳一百七十餘篇。遽以疾請歸。終不復出。甲子冬。

聖祖南巡至蘇州。在籍諸臣恭迎。

聖駕於河干。

上召撫臣湯斌諭曰。汪琬久在翰林院。文名甚著。近又聞其居鄉不與聞外事。可嘉。

賜御書一軸以榮之。

凡翰林

賜宴瀛臺。定在暑節。每趁早涼。入西苑門。大柳星稀。高槐露下。宮牆綠岸。間安步徐行。菰蒲四面。水禽啁哳。與江南水鄉無異。暨渡板橋。則荷香襲衣。蒲流滴耳。宛在夢中。聽箏筑聲。然後復從內苑牆入。小紅門。割然大湖。有紅板長橋。橫跨水面。橋夾朱欄。欄外雜列魚骨。凡朝官渡橋者。俱許抽簪捉魚。得卽攜歸。於是迤邐達瀛臺門。惟

賜宴時則

詔從牖口北上。直西浮道。通梁。中有層亭。兩面帳房。

如號舍排列。

上命登舟。汎太液池。卽從過船亭登舟。芰荷十里。望如蕃錦。北面望金色搖曳。則別一境地矣。李石臺來奉應制詩云。紅橋循蟻渡。綠樹貫魚歸。蓋紀實也。

台州洪虞鄰若皋。敬事呂祖。順治戊子。領鄉薦。壬辰會試前。與鄰生何陳二姓同禱於呂祖。問南宮捷否。拜起見爐灰書中阿二字。是科僅中陳何。始悟析二姓之半而成阿字也。乙未會試前。洪夢神贈以詩云。大固崔巍正展旗。春光逗發遠爲期。君家福分非輕。

淺。先報瓊林第一枝。是科果捷。

萬柳堂爲益都馮相國溥別業。每逢上巳輒與朝士修禊其中。飲酒賦詩。壬戌上巳。益都將有致政之意。首倡詩第六句云。水萍風約故沿畱。徐健菴春坊和云。盡日行吟步屨畱。施尙白侍講和云。回溪時有斷雲畱。陸義山編修和云。落花香倩蝶鬚畱。方渭仁編修和云。煙宿含山翠欲畱。徐華隱檢討和云。小雨泥看履印畱。高阮懷檢討和云。羽觴泛泛去還畱。汪蛟門主事和云。輕陰時爲落花畱。林玉巖中書和云。檻



拂垂楊。叫栗畱。騁妍角勝。佳句如雲。相國歎賞不絕。而意似未屬。後至潘稼堂檢討和云。東山身爲草堂畱。相國拍案而起。稱爲第一。

米紫來漢雲。順治辛丑進士。授長葛令。到任後清靜無事。民皆安之。米故善度曲。時有剃頭待詔羅漢者。業旣猥而貌又甚寢。人咸侮之。一日方爲米剃髮。家童有吹笛者。羅漢忽曰。誤矣。命作一弄甚妙。又令吹笙。曰。必胡琴和之乃可。翌日自製胡琴。和而吹之。果異凡調。雖吳中曲師不能過也。米由是異之。常與究

極音律。康熙癸丑。米在長葛。見郡報中會試題。其孟子題。乃盡其心者一節。米歎其難。適羅漢在側。爲開發傳註。名理燦然。又曰。此章與宗門某公案相發明。因引諸尊宿語錄如翻水。米益奇之。叩其所學。頗記唐人詩數百首。兼曉篆隸。米以賓禮館之。一日忽辭去。自言有母在河北。當來一別。卽往五臺。不歸矣。後竟不來。

吳江徐電發。銳幼穎敏。年十三賦詩。卽有驚人句。由翰林外用乞歸。著書自娛。有菊莊樂府。早行於世。朝

鮮賁使仇元吉見之。以金餅贖去。有詩云。中朝攜得  
菊莊詞。讀罷煙霞照海湄。北宋風流何處是。一聲鐵  
笛起相思。其爲遠人所慕如此。

山陽張毅文鴻烈。康熙己未薦舉。授檢討。二十三年  
十月。黃河漲發。淮水下注。山陽鹽城高郵寶應興化  
秦州江都七邑受害。御史李時謙奏請疏浚淮揚下  
河。以拯七邑之民。恭值

聖祖南巡。相度地勢。發帑救民。遣官督理。張上疏言。  
淮揚水患。關係運道民生。淮安以南。則山陽鹽城高

郵寶應興化泰州江都七邑受害。淮安以北則清河  
桃源宿遷邳州睢寧沭陽安東海州八邑受害。今  
皇上准臺臣李時謙條議。疏浚淮揚下河。以救七邑  
之民。適值

聖駕省方。親過淮揚。洞察情形。

特命大臣查勘。後復經會議。發帑經理。大哉。

帝德如天。好生七邑之黎。何幸至此。但臺臣祇知淮  
安以南七邑之害。而不知淮安以北八邑之害。其苦  
一也。祇知七邑民田。昔受決口之水。今受滾壩之水。

而不知八邑民困在黃河岸以內者其苦尤甚也。臣  
籍隸淮安。何忍不爲八邑生靈再請命於  
聖主之前乎。伏乞

皇上命總河薩哈。具題到日再議。

上從之。

京城觀象臺上舊有元郭守敬所製渾天儀。簡儀銅  
表。量天尺諸器。

本朝康熙二年。以舊儀年久多不可用。

御製新儀。凡六。曰天體儀。曰赤道儀。曰黃道儀。曰地

平經儀曰地平緯儀曰紀限儀陳於臺上至今遵用其舊儀移藏臺下。

龍中允曼作瓊華夢傳奇盛行於時一日置酒招王阮亭輩觀之阮亭酒酣賦詩有自指檀痕親顧曲江東誰似阿龍超之句蔣靜山仁錫和云玉崑崙碎爲檀超阮亭歎絕。

宋漫堂中丞選江左十五子詩厥後其中大魁一人官大宗伯者一人大學士者一人其餘任官坊入翰林者指不勝屈高郵李百藥必臣獨以諸生終然其

詩格之高才力之大實爲十五人之冠。

熙朝新語卷七終

國朝文獻備考

卷一百一十一



熙朝新語卷八

古欬 余金 德水 輯

康熙二十二年

駕幸金陵

上親謁明太祖孝陵。由甬道旁行。

諭扈從諸臣皆於門外下馬。

上行三跪九叩頭禮。詣寶城前行三獻禮。出復由甬道旁行。

寶寶守陵內監及陵戶人等有差。

諭禁樵採

命地方官嚴加巡察。父老從親者數萬人皆感泣。總督王新命刻石紀事。古今未有之盛舉也。

杜文端公立德。德器厚重。人下見其意慍之色。京師有無賴子。偶與公驕卒鬪。乘醉隨公輿後辱罵。公若不聞。無賴子隨至邸第。詈不止。久之。公遣問曰。詈可已乎。無賴子歸酒醒。或告以昨辱相公。倉皇詣第謝罪。公慰遣之。予二金。令改行生理。無賴子感泣而去。卒為善人。此真休休有容之度。凡為士大夫者當以

此爲法。

太倉王相國授未入閣前大病幾危。或薦方士李姓讓之。獨閉一室。禮拜七日。啓戶曰。尙書無恙。昨斗府已送扁。書云。熙朝元老。康熙某年月日爲王接立。未幾病瘳。後果如期宣麻。至雍正初罷相。始悟熙朝二字之驗。

韓文懿公。癸丑會狀。撤闈後。

上取墨卷覽之。稱主司得人。是年冬。

召至起居館作太極圖說。

命將平日窗彙進呈。遂以刻本五十篇進。

上召至宏德殿講大學畢。

上問平日所作必尙多。時館師學士熊賜履代表曰。尙有三十三篇。以題目小不敢進呈。

上曰不妨都進來。其三篇卽鄉試墨卷。

上悉畱覽。其以時文受。

主知如此。前代所未有也。

明隆慶中。長洲韓侍郎世能。居陸墓家。故貧。祖永椿喜放生。每早持帚掃河灘螺螄。盡放水中。久而不倦。

侍郎鄉試時夢神告之曰。汝祖放生功德大。當令累代貴顯。後官至少宗伯。使朝鮮。賜一品服。文懿公卽其後人也。

南宮張太史光弔。康熙戊午赴鄉試。時父病不欲往。強之行。至旅店。夢一人以白帽與之。寤而恚甚。欲歸而父書至。病良已。遂終場。歸家未幾。報至。則光弔中解元矣。賀客麋至。內有一客云。邑中自前明大司馬白圭領解後。久無繼者。君能繼之。殊足賀矣。光弔始恍然。

太原傅青主山。母夢老比丘而生。生復不啼。一韓僧  
至門云。旣來何必不啼。乃啼。六歲食黃精。不樂穀食。  
強之乃食。讀十三經諸子史如宿通者。崇禎中袁際  
侯繼成被誣逮問。傅橐饘左右伏闕。上書白其寃。馬  
君常世奇作義士傳。比之裴瑜魏邵。鼎革後隱於黃  
冠。己未薦舉鴻博。固辭不可。

特旨免試放歸。授中書舍人以寵之。

鄧西林相國。作侍衛時。詠懷詩云。看來四十猶如此。  
便到百年已可知。若不料後此之出將入相者。及爲

七言經略卷甲。秀樓絕句。云。煇焯卓午散輕絲。十萬  
人家飯熟時。問訊何年招濟火。斜陽滿樹武鄉祠。居  
然以武侯自命。與未得志時氣象迥異。

康熙壬寅。京口檄造戰艦。江都劉氏園中有銀杏一  
株。百餘年物也。亦被伐及。工人施刀鋸。則木之文理  
有觀音大士像二。妙覺天然。衆其駭異。乃施之城南  
福緣菴中。

孔太守與訊。渡龍門海。見有物甚長。黑質黃文。自空  
飛入湖。掉尾行數里。風恬浪靜。竟不知何物也。

錢塘沈方舟用濟爲紅蘭主人客。其配朱道珠繪故鄉山水圖。題詩其上。以寄方舟。主人爲作詩云。應憐夫婿無歸信。翻畫家山遠寄來。方舟感動。未幾言旋。當時傳爲佳話。

江陰王韓起景琦。以名節自負。康熙中學使者某。以母壽祈禱於古寺。寺僧邀孔子拜繹迦像。韓起見之。恐卷書歸。學使知之。拘韓起至。訊之。韓起曰。生恐累公得罪名。故奉聖像歸耳。卽學使前裂去佛像。拜而焚之。學使者詰於理。婉言謝之而已。



長洲繆洗馬曰。藻十歲時能作筆。寫大字。闔門西。禪寺扁額。是其手筆。今寺宇屢經更葺。仍就舊額。鈎勒。漸之。無有能更書者。

潘荆山兆吾爲浙閩總督。滿保幕友。康熙五十四年。臺灣奸民朱一貴滋事。事聞省城。時方二鼓。潘謂滿公曰。兵貴神速。須盡此夜了之。卽燈下書牒。頃刻數十言。未三鼓而部署定。黎明發兵。兩日至廈門。五日。至鹿耳門。賊大怖。以爲神兵自天而下。駭散無敢鬪者。凡七日而臺灣平。滿公欲奏請。

國學濟國辭不受奇人也

陳怡勳公被逮入都時遣人市米潞河主人問客何來曰陳太守所曰是湘潭陳公耶曰然曰廉吏也不受直餽米十石且遣以書云

天子必再用公公宜以一簡終始母失天下望書末不署姓名問於米夫曰主人姓魏跡之已閉戶他出不知所之殆屢隱也

納蘭容若性德大學士明珠子康熙癸丑進士少聰敏過目成誦年十七爲諸生十八舉鄉試十九成進

士。二十二授侍衛。擁書數萬卷。蕭然若寒素。彈琴下歌  
曲。評書畫以自娛。人不知爲宰相子也。

副都統朱涵齋倫瀚。康熙壬辰武進士。年四歲時以  
煤塗壁。肖人鬼鳥獸狀。見者驚詫。一日攀煤車取煤。  
塵傷右手中指。治痊則此指甲獨厚而銳。有微凹。能  
容墨。遂以指代筆。

聖祖嘗書其所畫扇。

賜高麗國王。王復請於

朝。具幣帛乞畫。一時傳爲美談。

長白雷少宰保幼年氣盛善怒。太夫人屢戒之。及長復於四方。晚太夫人前乞一杖。授老僕曰。爾後見我怒。卽以杖示我。每怒必悚然曰。母在。怒輒平。其紳爲如此。

康熙五十一年五月。圖理琛奉使土爾扈特。由喀爾喀。經俄羅斯至其地。五十四年三月。還京。述其道路所經。爲異域錄一卷。進呈。

御覽首冠以輿圖。次爲行記。以所歷之地。爲綱。而按日紀載。以爲目。乾隆間奉。

三目採入四庫全書。

康熙間西域貢獅子二形如圖畫後口外打圍遇兩  
羆人不能勝。

召獅子搏得之老獅力盡而斃小獅繼亦逸去其能  
皮實之以草置

雍和宮殿庭懸牌於腰間一重一千三百餘觔一重  
八百餘觔。

鄭芝龍初據臺灣時廈門人有掘地得石者文曰生  
女滅雞十億相倚人初不解康熙二十三年會稽姚

熙止啓聖爲福建總督。臺灣平。或曰十億兆也。加友姚也。鄭字酉菊。雞也。滅雞滅鄭也。鄭逆竊據四十餘年。而其讖已先定。蓋天早厭之矣。

德清徐方虎倬。康熙癸丑進士。官翰林院侍讀。歸出十餘年。恭遇

聖祖南巡。進呈全唐詩錄百卷。

特加禮部侍郎銜。年登大耋。子列六卿。真

盛世偉人也。

禹州十一齡童子朱姓。打虎救父。州牧史君廷桂獎

以粟帛。蕭山毛大可奇齡作打虎兒行。

秀水周青士。篤嗜學。工詩。吟誦不輟。有郡丞行署。與周爲鄰。聞其聲。達旦不寐。志甚清。吏勾提。將加扑扶。鄰先生聞之。因請始得免。肉食之鄙。一至於此。真堪絕倒。

歙人某娶婦甫一月。卽行賈。婦刺繡易食。以其餘積。歲置珠。以絛絲繫之。比夫歸。婦歿已三載。啓篋得珠。已積二千餘顆。江干鼎洪度爲作紀歲珠詩云。珠藥天池歸。較白香山商人重利輕別離之句。

尤覺婉約可悲。

康熙戊申年。京師正陽門外挑濬御河。得玉印如升篆。文人不能識。禮部出榜訪問。竝印原印於後。數十日無辨之者。少宰孫北海家居聞之。曰。此元順帝祈雨時所刻龍神印也。各門俱有之。蓋雨後卽甲。北下耳。因取一書送禮部。上刻印文。注釋甚詳。一序歎爲博物。

雍正元年。江南山東所產麥穀。皆兩枝雙穗。蜀黍一幹四穗。內池蓮房。同莖分蒂。諸瑞疊呈。大學士等上



言此皆

皇上盛德之所感召請宣付史館

雍正癸卯狀元金壇于振榜眼上元戴瀚探花鍾祥  
楊炳

上以登極首科

恩施格外俱著在南書房行走曠典也

聖祖時鄉會試二場以孝經爲論題後改用太極圖  
說通書西銘正蒙雍正元年

上以宋儒雖足羽翼經傳不若聖言之廣大悉備仍

原草莽言  
改明孝經

湖南向無貢院。士子俱赴湖北鄉試。雍正元年七月  
奉

上諭。湖南赴湖北。必由洞庭湖。六七月間風浪尤險。  
間有覆溺之患。著分湖南湖北兩闈。卽於明年豫備  
場屋。從此湖南多士。永無秋風涉險之虞。感頌  
皇仁於無既矣。

向例殿試進士在

太和殿丹墀。癸卯年十月二十七日殿試時。天寒硯

東。

上命移至殿內兩傍。並令太監多置火爐。俾殿內和暖。使諸貢士得盡心作文寫卷。

世宗之優卹士子如此。

雍正元年十一月二十九日奉

上諭。新科進士於引見前。朕欲先行考試。再引見。一應仍照殿試預備。朕將詩文四六各體出題。視其所能。或一篇。或二三篇。或各體俱作。悉聽其便。此進士朝考之始。

雍正二年禮部遵

旨。應從祀孔廟定復者六人。林放、蘧瑗、秦冉、顏何、鄭康成、范甯。定增祀者二十人。縣直、牧皮、樂正子、公都子、萬章、公孫丑、諸葛亮、尹信、魏了翁、黃幹、陳淳、何基、王柏、趙復、金履祥、許謙、陳澠、羅欽順、蔡清、陸隴其。入崇聖祠者一人。張迪。立增置博士者四人。冉雍、冉伯牛、子張、有若。

雍正三年

上諭。各省自學政與正副主考朕皆就其為人謹慎者

派往。竝未考試文藝。其中恐有荒疎年久不能銜文者。著將應差翰林竝進士出身各部院官查奏。俟朕試以文藝。再行派差。此考差之始。

安州陳狀元惠華。少時讀書靜室。有東鄰之女竊窺正色拒之。事與明朝曹鼐相似。每於座右書曹鼐不可四字。雍正甲辰果以第一人及第。

邵陽張大有爲漕運總督。奏言寫字手顫。請奏摺代書。

上諭云。忙時令人代書亦可。若密摺仍須親寫。卽字

畫粗大。略帶行草。亦屬無妨。辭達而已。敬不在此。仁和孫士毅爲兩廣總督時。亦有是

旨。我

朝待大臣之寬容脫略如此。

雍正癸卯江西鄉試。題學而優則仕一節。有周學健者名士也。文思幽奧。房考張不能句讀。怒而批抹之。歸寢忽噉語自批其頰曰。如此佳文而汝不知。尙靦然作房考乎。家人以爲中風。急呼各房考視之。見所抹卷曰。試薦之何如。時正主考任宗伯蘭枝閱之。驚

曰。此奇文。通場所無。可以冠多士也。副主考德公方假寐。几上伺其醒。告之。德問何字號。曰。男字第三號。德曰。不必閱文。竟定。壓卷可也。任問故。曰。我寢方酣。忽見神贊我曰。汝第三兒子中解元矣。今果男三號。豈非驗乎。梅定後。衆問張房考。夔語故。茫然不知。若或使之也。

雍正五年。浙江巡撫李衛進瑞穀。羣臣上言。

皇上至德光昭。太和翔洽。是以宇內徧產嘉禾。浙江又呈瑞穀。奉

信。此非朕深德所能致。想浙省澆漓之習。必然不變。是以感召上蒼。如此瑞應。朕深為浙省臣民慶幸。

命曉諭浙江通省。先是因查嗣定。率逆。停浙江人鄉會試。故也。

雍正六年三月。安徽巡撫魏廷珍言。鄉民違例演戲。應嚴禁。奉

旨。州縣郵堡之間。借演戲為名。斂錢耗費。招呼朋類。開設賭場。種種不法。此則地方有司所當嚴禁者。至於有方之家。祀神酬愿。歡慶之會。歌詠太平。在民間



有必不容已之情在國法無一槩禁止之理。不但稱違例而未分晰原由。則是凡屬演戲皆爲犯法。國家無此科條也。朕立法皆準情理至當。其有不便而難行者。則奉行之不善也。

河南孟津縣居民翟世有。拾獲陝西人秦泰買花銀一百七十兩。尋主給還。並不受謝。大吏入告。奉

旨給與七品頂戴。仍賞銀一百兩。又商邱貧人陳懷金。拾獲遺金二十四兩。全數付主。力辭酬謝。奉

旨嘉獎。給九品頂戴。賞銀五十兩。又兗州車兵李中

倫拾銀二封歸還原主奉

旨賞銀六十兩仰見我

國家久道化成民敦古處而

聖主之懋賞殊恩與人爲善亦曠古罕有也

鄉試房考向例選州縣中科甲出身者只許入闈一次。雍正元年五月奉

上諭考官以鑿拔爲主不論曾否入闈臨場時監臨試以時藝一篇其文理優長者爲內簾房考荒疎者俱外場執事

雍正癸卯九月會試。禮部請定取中進士名數。

上定一百八十名。仍令總裁朱軾張廷玉。此外不拘省分。不限額數。有可取佳卷。選出另行具奏。

康熙時編檢多至二百人。庶吉士五六十人。雍正元年。

上諭。內閣大學士會同掌院學士。秉公擇其學優工書。善繙譯者。留館辦事。修書外。其或才具練達。可當科道吏部之選。或長於吏治。編檢可爲府道。庶吉士可爲州縣者。一一分別具奏。

雍正丙午。江南鄉試房考有張墨者。科分最久。自居前輩。每晚焚香拜祝神佑。如有積德之士。求暗中指示。各房笑其癡。咸挪揄之。伺其燈下閱卷時。以一細竿穿牖入。挑其冠。張驚以爲神。拜祝如前。衆伺其坐定。又挑之。張遂捧卷上堂。主考已寢。張叩門告以神明指示之故。主考閱之笑曰。此文甚佳。取中有餘。君何必神道設教乎。衆噤不敢言。及榜發。此卷已中式。各譁然告張曰。我輩弄君耳。張正色曰。此非我爲君等所弄。乃君等爲鬼神所弄耳。此論甚正。

雍正六年

上命諸臣各保舉一人。簡永柳道汪懋保舉。父夙任刑部司官。汪澧學問優裕。政事敏達。忠愛之性出於至誠。奉

旨補授四川敘州府知府。此可見

聖世用人勿疑之意。而汪補亦可謂內舉不避親者矣。

徐公士林巡撫江蘇。凡讞獄先摘定案大略。牌示於外。而後發繕文冊。所以杜胥吏之掉漏也。

世宗嘗謂曰。爾風格凝重。當爲名臣。

武陵楊大史緒。權奇個嶮。抱負不凡。雍正間。苗民蠢動。

王師征之。太史學廊生。單身入洞說之。羣苗羅拜乞降。亦奇事也。

建昌李司空鳳翥。康熙丁丑翰林。雍正七年五月。奏賀瑞芝本內。自稱達摩。陋儒賀慶雲本。又稱擲地才疎。敢含毫而賦五色。

上諭李鳳翥既以儒者自居。則陳奏本章。自應加意。

傾重。不當作游戲之詞。若未曾作賦而云作賦。則所  
奏盡屬虛文。若實曾作賦。便當進呈。朕覽。若自矜不  
能。而作浮詞。湊成謙語。陳於君父之前。豈儒者之道  
乎。李鳳翥受朕深恩。由翰林擢至工部侍郎。似此輕  
慢。殊忽。尙得謂之儒者乎。此可爲陳奏不明體制者  
戒。

康熙庚辰科二名相。一爲桐城張文和公廷玉。雍正  
四年進所著性理全書。

上諭。此書發明聖賢之義蘊。爲後學之津梁。有益於

身心有關於品誼。凡屬士大夫皆當身體力行。服膺弗失。又奉

敕纂修明史二百三十二卷。積十有五年而成。義例為唐宋以來諸史所不及。一為深陽史文靖公。始直官侍郎時奉

命赴閩審案。

上命教導督臣高其倬。撫臣劉世明。貽直遵

旨至閩宣述。

聖意。其語有大凡人臣事君不但當以身事更當以



心。惟知有君。而不知有人。此心惟知有君。而  
并不知有己。甚合

之意。

殊非云。高其俸。對世明能從與否。尚須觀其後效。朕  
尤憂得一堪爲股肱之吏。貽直矣。

稽文敏公會筠。總督河道時。中牟將築隄。夢有兜牟  
而短鬚者。直入一揖。遂上坐曰。某隄須築某所。才保  
無虞。公頷之。已而思其人狀貌。乃一武夫。言復椎魯。  
何遽公然抗禮。意頗不懌。次日赴工次。過張桓侯廟。

小住啜茶。見神像宛然。夢中所見。乃親禱於神。一如所指。

錢唐沈閻齋近思。幼孤貧。依靈隱寺諦輝和尚。延師課讀。遂成通儒。有項姓者。識其非常。以女妻之。後登庚辰進士。由知縣行取爲吏曹。官至侍郎。以清介稱。項姓之爲女相。物色寒賤。猶是恆情。若諦輝之獨具慧眼。可謂大善知識矣。

松江顧小屏。咸豐丁酉舉人。公車至京。寓崇文門外。蔡嵩宅中。雍正七年閏七月。嵩緣事遽聞。簿錄

其家得顧詩彙有

聖祖輓詞六章辭意悲切。

上覽之淒然墮淚。謂大臣曰。彼未登仕籍之人。而感  
恩戴德之誠若此。其秉性善良。居心忠厚可知。

命江南督撫送部引見。八年至京時。庚戌科會試已  
過。

欽賜爲編修。列名入於是科庶吉士之列。人皆以爲  
奇。禮後官至侍講。

蔣文恪公溥。雍正庚戌進士。官至大學士。少時讀書

平臺。每喚人。輒有應聲。而無人至。一夜欲洩。窗外月不甚明。呼所隨僕。但應而不入。啓戶見一人方枕牆門而臥。其頭向內而應。初以爲家僮。訶之如故。諦視之。人長三尺。方巾。阜服。白鬚。如世所塑土地像然。喝之。冉冉入地而沒。人以爲土地伺班。後必大貴。已而果驗。

雍正七年三月初七日。滇粵二省同時慶雲見。自午至酉。八年正月。

景陵寶成山上產瑞芝二本。

命宣付史館。

雍正癸丑殿試。大學士尹秦等將策十卷進呈。

上閱至第五本。字畫端楷。策內有云。僚采之際。善則相勸。過則相規。無詐無虞。必誠必信。則同官一體也。內外亦一體也。文武亦一體也。廣而至於百司庶司。何莫非臂指手足之相關。此則純臣之居心。庶不負千載一時之遭逢。贊襄太和之上理。數語極爲懇摯。頗有古大臣之風。因拔置一甲三名。及拆號。乃大學士張文和公廷玉之子若霽。

上意深悅。因遣人往諭廷玉。廷玉再三懇辭云。天下人材衆多。莫不想望鼎甲。臣蒙

恩現居政府。而子若謫登一甲三名。占寒士之先。於心實有不安。倘蒙

皇上天恩。名列二甲。已爲榮幸之極。

上云。汝家忠盡積德。有此佳子弟。中一鼎甲。亦人所共服。何必遜讓。廷玉跪奏云。

皇上至公。請臣亦無私曲。只算臣情願讓與天下寒士求。

皇上憐臣愚衷。若

君恩祖德。佑庇臣子。畱其福分。以爲將來上進之階。更爲美事。

上乃從其請。以張若靄改爲二甲一名。卽將原擬二甲一名沈文鎬改爲二甲三名。文鎬崇明人。

漳州謝梅莊濟世爲御史時。奏劾河東總督田文鏡。朝廷疑有指使。逮問。

命刑部嚴訊。曰。指使者有人。孔子孟子。問何謂指使。曰。讀孔子孟書。便當盡忠直言。

上憐其直。謫軍前效力。時雍正丙午十二月也。有次東坡獄中寄子由韻二首。寄其從弟云。嚴霜初隕。陡回春。畱得衝寒冒雪身。

綸綍乍傳。渾似夢。親朋相慶。更爲人。敢愁弓劍趨戎幕。已免銀鍔禮獄神。早晚扶歸。君莫慟。婆娑勃率亦前因。尙方借劍。心何壯。墮背書詞。氣漸低。已分黃泉埋碧血。忽聞

丹闕放金雞。花看

上苑期吾弟。護樹高堂仗老妻。且脫南冠北庭去。大



宛東許賀蘭西。

高宗登極放歸。乞外用。授湖南糧道。長沙人士至今稱之。

方恪敏公觀承。本名家子。祖父皆以詩文名於時。以族人累徙居塞外。公弱冠歸金陵。家無一椽。借居清涼山僧寺。有中州僧知爲非常人。厚遇之。公與兄觀永往來南北。營塞外救水之資。重趼徒步。并日而食。怡然安之。雍正壬子。平郡王爲定邊將軍。征準噶爾。夙知公才。奏爲記室。

世宗命以布衣

召見。

賜中書銜。借在。凱旋以軍功實授內閣中書。累官至直隸總督。年六十有一。以八月十四日生子。公賦詩云。與翁同甲子。添汝作中秋。

高宗聞之喜甚。抱至

御前。解所佩金絲荷囊

賜之。

雍正癸卯殿試。二甲一名張廷芬奉

旨卽授檢討。竝

命同三鼎甲在南書房行走。傳臚樹下授職。前此未有也。

諸城劉文正公統勳。雍正二年進士。以檢討入直內廷。官左都御史時。人多擢其剛直。時桐城張姚二姓官最多。文正上疏曰。大學士張廷玉與伊戚姚文然。本係巨族。科第漸多。仕宦實盛。至今名登仕籍者。有張廷璐姚孔銷等數十員。臣聞

聖祖仁皇帝時。曾

命廷臣中因陞遷太速

特諭停止陞轉。原任大學士王熙之孫王景曾亦在其內。臣以爲宜仿此意。將張姚兩姓部冊有名者。親屬近支。累世密戚。現在之員。開列奏聞。三年以內除奉

旨特陞外。其餘一概停陞。奏上。

飭交部議。吏部覆稱。臣部官冊所載張姚兩姓出仕各員。與所奏詳加核對。張姓出仕者十三員。姚姓出仕者十員。惟姚孔鈞係大學士張廷玉之甥。姚孔鈞

係張廷玉之婿。臣等核其陞轉在京侍郎。在外司道知府。多由

特旨簡用。亦有督撫保題陞用之員。或因大學士張廷玉爲

皇上簡用大臣。該管上司或存瞻顧之情。亦未可知。臣等酌議將張姚現在之員開列名單。行文在京各部院。在外各該督撫。令其察看。嗣後除臣部論俸仍應照例陞轉外。如有才具優長。應行保題者。應於摺內將該員係大學士張廷玉親戚之處聲明。與臣等

確查該員歷俸深淺是否合例之處。核覆具奏。如不能稱職。亦卽據實糾參。務期一秉至公。不得稍存瞻徇。庶舉措咸得其平矣。奉

旨依議。一時朝議翕然。夫以張姚世祿之家。簪纓相望。循資陞轉。原無偏私。而文正之不避嫌疑。蹇諤立朝。亦從可想見矣。

雍正六年七月。

上詢內務府總管常明於盧溝橋蓋造官房。令赴京應試。率子無器查行李之擾。並令崇文門查驗官員

嚴飭巡役。毋得借端稽問。額外苛索。至今著爲功令。  
聖朝作養人才。體卹周至。古未有也。

熙朝新語卷八終

熙朝新語卷八





熙朝新語卷九

古歛 余金 德水 輯

雍正六年十月二十九日恭遇

萬壽令節。滇南省城五色慶雲捧日。經辰巳午三時。至十一月朔。絢爛倍常。呈現兩日。實從古未有之祥。總督鄂爾泰奏報奉

旨。朕每遇此嘉祥。不敢絲毫慶幸。惟益加敬畏。況此貴卿忠義所感。而獻於朕壽日者。正表卿愛戴之忱。

命宣付史館。

海寧陳文勤公世倌。官山東巡撫時。雍正二年六月。闕里孔廟災。

上命世倌修廟。遵

旨。正殿用黃琉璃瓦。兩廡用綠琉璃瓦。以黃瓦鑲砌屋脊。

聖像。選內務府匠人到東。用脫胎之法。敬謹裝塑。

欽定大門曰聖時。二門曰宏道。八月

聖像成。九年

命監修孔林。去墓四十餘步。陷出一穴。廣尺餘。內有石榻。上朱棺已朽。有白骨一具。甚偉。旁置銅劍長丈餘。瑩綠色。有竹簡數十頁。皆蝌蚪文。取視成灰。意此尚在孔子之先。因加石封之。爲設少牢之禮焉。

世宗嘗諭朱綱曰。昔

聖祖賜朕眼鏡。朕眼目原不似今精明。因

聖祖升遐之時。痛哭出涕。較少時反覺倍好。似此。人言哭多傷目之論未確。彼時朕在養心殿辦理政事。坐臥不離此處者三年。而三年內每遇暑天。未有如

此殿之涼者。朕曾蒙

聖祖慈訓。戒急用忍。故殿中扁額即用此四字。仍敬

書

上諭二字於上。東暖閣扁額取惟仁二字。對聯云。諸

惡不忍作。衆善必樂為。西暖閣扁額取為君難三字。

對聯云。原以一人治天下。不以天下奉一人。可見我

朝

聖

聖相承。心傳有自。

魯亮儕之裕。雍正間。作令河南。與田總督文鏡不洽。每被劾一次。

世宗召見。必陞一官。直奇遇也。乾隆初。官至直隸清河道。

奉新甘莊恪公汝來。既貴。其父萬達。弟汝蓬。子禾始。以雍正丙午科。同領鄉薦。三世同榜。古今罕覩。

錢塘王介眉。延年。雍正丙午舉人。著有通鑑編。年紀事本末。少時嘗夢至一室。榻上坐一叟。短身白髮。見客不起。亦不言。又有一人。頤而黑。揖介眉而言曰。余

漢之陳壽也。作三國志。黜劉帝魏。實出無心。不料後人以爲口實。指榻上人曰。賴彥威先生以漢晉春秋正之。汝乃先生之後身。聞方撰歷代編年紀事。風根在此。須勉而成之。言訖。手授一卷書。俾題上六絕句而寤。寤後。僅記二句。曰。慚無漢晉春秋筆。敢道前身是彥威。至。

高宗朝。年八十餘。成書進呈。

賜翰林院侍講。

襄城劉芳草。青芝。雍正丁未翰林。與兄青藜甚友愛。

築江邨。七一軒同居。所謂七一者。仿歐陽公六一居士之義。而多一弟。故名七一先生。

孫文定公嘉淦。康熙癸巳翰林。以直言敢諫受知。

世宗。洊陞都察院左副都御史。乾隆間。歷官至大學士。立朝剛直。多面折廷諍。不避權貴。天下想望。丰采乙丑秋。審冊內有福建蔣邦齡致死族匪一案。公上疏曰。查舊例。同族之中。果有兇悍不法。偷竊奸究之人。倘事起一時。合族公憤。不及鳴官。以家法致死。報官審明。死者所犯。應死與不應死者。將爲首者分別

擬杖減等免抵。嗣於乾隆二年五月。據廣督鄂奏稱。舊例雖屬體順人情。但恐朋比串害。地方官豈能洞燭無遺。倘民間恃有減等免抵條例。相習成風。其中難免冤抑。奏請酌刪。經刑部律例館議稱。族大人衆。賢愚莫分。或以富貴而招衆怨。或以剛直而致同仇。一人煽誘。羣相附和。其挾微嫌。輒圖報復。因而駕捏串害。難免冤抑之處。況生殺乃

朝廷之大權。如有不法。自應明正刑章。不宜假手族人。以開其隙。奏請刪除在案。臣等伏思舊例乃一時



懲創兇悍。權宜之法。行之久遠。必滋流弊。夫族衆之中。愛憎多端。或以侮慢招衅。或以慙直生嫌。或假義忿以樹己威。或借公義以報私怨。一豪強倡論於先。衆朋黨附和於後。倉猝致死。情罪難明。如一家之中。莫尊於祖父母。其子孫若違犯教令。毆之殺之。宜無不可。然毆殺則律應滿杖。故殺則律應杖六十。徒一年。是祖父母父母之於子孫。尙且不得擅殺。何況其他。再捉姦例內卑幼不得犯尊長。犯則依故殺伯叔母姑兒姊妹律科罪。尊長殺卑幼。亦按服律擬。誠

以倫紀攸關。防微杜漸也。夫以

朝廷之尊。明罰敕法。於凡應死罪人。猶合法司詳加核議。至於法無可道。必令三次覆奏。

聖天子用刑慎重如此。奈何任匹夫之好惡。操生殺之大權。橫行於一族乎。是舊有之例。必不可存。族匪之條。不須另設。於此擬定罪。則當臨時參酌。虛衷接引。務使輕重得宜。方爲允協等語。奉

行。飭部議行。其他嘉謨讜論甚多。不及備載。錄此以見一斑。

雍正十年七月。山東鉅野縣民李恩家。牛產瑞麟。麕身牛首。遍身皆甲。甲縫有紫毫。玉定文珣。光彩爛生。撫臣岳濬奏請。

詔付史館。宣示中外。奉

旨。山東前歲被水。今聞產瑞麟。實深愧悚。該撫所請。皆屬虛文。將朕朝乾夕惕。封禪上天之惻怛。曉諭天下知之。欽此。仰見

聖天子持盈保泰。敬天勤民之至意。

仁和吳太常隆元奏

天壇摺內有蜈蚣八字牆字樣。

世宗命交部嚴議以其不敬也。十三年

諭廷臣曰。凡奏章遇有

壇

廟等字。懷中囊中俱可攜行。不可夾帶鞞鞞之間。

世宗之誠敬如此。

博野尹會一元字。雍正甲辰進士。累官工部侍郎。文章經濟兼而有之。嘗有敬陳末議疏。條奏豫省農業事宜。言之親切有味。其詞曰。臣竊惟衣食爲生民之

至計。農桑實務本之良圖。我

皇上軫念民依。重農貴粟。特頒

諭旨。明示勸課之方。復

命廷臣詳籌教稼之法。臣伏讀

綸音。遵照部議。業已飭令各屬。隨地制宜。因民利導。

設立老農。興修水利。實力奉行。惟是臣生長田間。頗

知農務。謹就豫省情形。悉心籌畫。謬抒管見。敬爲我

皇上陳之一。天時之宜乘也。凡物之生長。必有其候。

故農時以不違爲先。而力田以早種爲主。蓋早種則

先得土氣。根株深固。發生必盛。收成必倍。今豫省百姓罔知節候。往往有時宜播種而未舉。邦者有時宜耘耔而始播種者。既失天時。遂違物性。臣查播麥之期。務在白露。如天氣尚暖。當於白露十日後種之。種高粱當臨清明節。種早穀當臨穀雨節。種棉花當在春末夏初。豆子晚穀則於五月刈麥之後。在麥地播種。蕎麥於中伏以內。芝麻多種於棉花地旁。卽有氣候不同。寒暄各異之處。要必按時下種。不可遲緩。應令地方官刊刻告示。徧戶曉諭。并責令老農督率勸

勉。仍欽遵。

聖諭。州縣官不拘時日。輕騎減從。親往各鄉查勘。如逾時而未種者。卽詢明緣由。面加訓飭。倘有工本不足者。許老農開具名結。借以倉穀。秋後照例還倉。則天時無失。而耕種得宜。庶百穀繁昌。收穫自豐矣。一人力之宜盡也。南方種田。一畝所獲以石計。北方種地。一畝所獲以斗計。非盡南智而北拙。南勤而北惰。南沃而北脊也。蓋南方地窄人稠。一夫所耕不過十畝。多則二十畝。力聚而功專。故所獲甚厚。北方地土

邊關。農民惟圖廣種。一夫所耕自七八十畝。以至百畝不等。意以多種則多收。不知地多則糞土不能厚。墾而地力薄矣。工作不能徧及。而人事疏矣。是以小戶自耕己地。種少而常得豐收。佃戶受地承耕。種多而收成較薄。應令地方官勸諭田主。多招佃戶。量力授田。每佃所種不得過三十畝。至耘耔之法。又須去草務盡。培壅甚厚。犁則以三覆爲率。糞則以加倍爲準。鋤則以四次爲常。棉花又不厭多鋤。則地少力專。佃戶既獲豐收。田主自享其利。且分多種之田。以給



無田之人。則遊民亦少。仍飭地方官善於奉行。不得強如勒派。以滋擾累。一樹藝之宜廣也。夫木之佳者。以桑爲尚。其餘如棗梨桃杏榆柳椿杜等均堪利用。臣查豫省地方每多鹹鹼飛沙之地。小民因難以墾種。大半荒棄。不知鹹鹼之地挖去三尺。必無鹹味。飛沙之地挖去三尺。必有淨氣。而邨尾溝頭籬邊屋角。隙地頗多。雖不可播種五穀。未始不可栽植樹木。似應令地方官責成鄉耆保長。廣爲勸諭。就所宜之木。隨處種植。如意培養。如鄉耆保長有能於一年之內。

勸民種桑五百株。梨棗等樹一千株者。據實冊報。印  
官給以花紅。三年內能每年添種如前數者。給扁獎  
勵。則地無曠土。而利賴更溥矣。一。女工之宜勤也。竊  
以蠶桑之利。固屬無窮。而布疋之需。爲用尤廣。查江  
南蘇松兩郡。最爲繁庶。而貧乏之民。得以俯仰有資  
者。不在絲而在布。女子七八歲以上。卽能紡絮。十二  
三歲卽能織布。一日之經營。儘足以供一人之月度  
而有餘。今棉花產自豫省。而商賈販於江南。則以豫  
省之民。曠費女工。故也。臣愚以爲寸絲之直。可買尺

布。衣布之人百倍衣絲。且織布易而織絲難。教以難者。或未必其率從。教以易者。庶可冀其就業。但豫省未嘗不織布。而家有機杼者。百不得一。應令地方官曉諭有力之家。或多造機杼。貸於織布之戶。量取賃直。或將無礙公項。可以動支。打造者。令其報名給領。俟一年之後。繳還原項。并廣諭婦女。凡牌甲之內。有一家織布者。卽令同甲仿效行之。久而比戶連鄰。無不各勤紡織。似亦推廣蠶桑之一道也。以上四條。臣作體表。

皇上重農務本。富民足食之至意。竊就豫省地方。董率官民。措施辦理。但臣知識淺陋。是否有當。伏乞訓示遵行。

雍正十二年元旦立春。恰遇甲寅年丙寅月戊寅日甲寅時。瑞雪繽紛。竟日盈尺。考之占書。最爲祥瑞。請臣上表稱賀。

上御之。

世宗登極。

恩科有因迴避考官。未曾應試者。

欽派大臣擬題奏請

欽定於內閣考試。尋取四卷。又

命大學士王頊齡。尚書勵廷儀。吏部侍郎史貽直。戶部侍郎張伯行。李周望。兵部侍郎阿克敦。副都御史李紱。同南書房翰林。檢閱落卷。取前二名。俱賜爲舉人。

特恩也。

華亭黃石牧之請。於雍正元年七月奏呈中元祭聖祖文稱

旨次日

召見養心殿時之舊尙在庶常特蒙

賜貂授職編修他日

上命檢查檔案凡撰文稱很好稱好者列名給賞時  
陳編修萬策鄧修撰鍾岳陸庶常李勳錢庶常陳羣  
皆

賜內府緞一匹之筒得二匹

聖祖附主太廟

乾隆宮早朝兩大禮侍班躬觀其盛人咸羨其遭際

云。

雍正十二年四月。直隸總督顧琮奏。永定一河全賴下口深通。庶上流暢。注入淀。乃陶河以南漸積填淤。正議挑濬。仰賴

皇上至誠感格。

天賜引河。開刷二十餘里。有四千餘丈之遠。不勞民力。悉出天工云云。奉

旨展祀。以答神貺。

雍正三年四月。吏部議。原任檢討董祀乞終養。應准

所請。俟親終來京候補云云。奉

旨。爲人子無不欲父母常在。今云親終候補。人子聞之。何以爲情。似此不仁之語。朕不忍聞。著刪去具奏。聖主孝治天下之意如此。

雍正七年八月。浙江署督性桂。署撫蔡任。舢舨進湖州。民王文隆家。萬壽圖織一幅。長五尺八寸。寬二尺三寸。自然成就。不由人工。王大臣上表稱慶。

上諭。朕每遇休徵。必加乾惕。倘蒙

上天錫福。黎庶衣食充盈。乃朕心所謂祥瑞也。



雍正十一年。大學士管掌院事張廷玉。遵

旨議奏。新科庶吉士

恩給廩餼。每月給銀四兩五錢。器用什物。工部支取。並撥給官房一所。爲教習館。令肄業其中。

桐城張寶臣。五瑤。康熙戊戌榜眼。文端公之三子也。督學河南。除夫馬。取給地方外。其幕友東脩。家口養贍。俱無所出。

上聞之。問其兄戶部尙書廷玉。遂以實對。

上命撫臣田文鏡酌議。每歲夫馬銀一千六百兩。幕

脩銀一千兩。養贍家口銀一千兩。供給雜用銀三千兩。每歲銀六千六百兩。三年共需銀二萬兩。河南學臣養廉之優自此始。

雍正十八年八月。

賜湖北巡撫王士俊花屯絹蜜荔枝。其謝

恩摺有云。縫衣有耀。頂踵皆被

龍光。懷核親嘗。肺腑長含玉液。

上覽之批云。衣只被身。何及頂踵。核豈足嘗。難入肺腑。凡司章奏者當知之。

新安汪謹堂由敦。寄籍杭州。入錢塘學時。巡撫徐元  
夢聞其名。延致幕中。迨徐陞工部尙書。汪授例入成  
均。偕至都。雍正元年。徐疏薦之。奉

旨。充明史館纂修官。故事。史局編纂例。用詞臣。汪以  
諸生被

命。時人榮之。

無錫鄒小山一桂。雍正丁未。傳驢官。至內閣學士。兼  
禮部侍郎。工寫生。設色明秀。布置自如。南沙相國不  
是過也。

祁陽陳文肅公大受。雍正癸丑翰林。官至大學士。卒  
 後其子營葬於祖塋。卜有日矣。夢有持帖來拜者。曰  
 河神王清本十二人也。驚而寤。次日到墳伐其樹之  
 礙路者。樹文有王清本三字。數之十二枝也。遂命停  
 伐。

翰林學習國書。蓋以備繙譯編纂之任。故須專心熟  
 習。辨析精微。積學功深。與年俱進。始為不負所選。康  
 熙年間館選之例。庶吉士年四十五歲以下者。悉皆  
 分讀國書。

世宗御極以來。祇擇年少資敏者。每科不過十餘人。蓋取其年富力強。可收記誦繙譯之功也。而翰林甫經散館。遂謂無從考驗。東置高閣。以致教習三年轉爲虛設。雍正十一年四月

上諭。嗣後庶吉士等。雖經授職。或數年以後。或十年。朕當再加考驗。能否。若仍然精熟。必從優錄用。以示鼓勵。其或遺忘錯誤。亦必加以處分。此繙譯翰林大考之始。

雍正十一年十月初三日。大學士張廷玉請假回里。

奉

旨給與驛遞夫馬。其所過地方。派撥弁兵。並文武官員迎接。悉照上年鄂爾泰進京之例。至明年回京。亦照此例。

向例館選不分省。以致邊省多缺。通江李雪原鍾峩。官太常寺少卿。雍正四年疏言。康熙四十五年至六十年。七科不分。大小省俱有庶吉士。至元年癸卯。漢軍及河南四川進士無館選者。二年甲辰。蒙古及山西河南陝西湖南四川廣東廣西雲南貴州諸省進

士俱無館選之人。請廣儲才之路。

上交部議。准行。今各省皆有館選。自鍾菽疏奏始。

景州魏君璧廷珍。以李文貞公薦。由舉人入直。

內廷。同王蘭生梅穀。成在館充校對官。編樂厯淵源諸書。嘗被

命與文貞參酌樂律韻學。士林以爲榮。後中康熙癸巳探花。

世宗時官至工部尚書。

慎郡王

世宗憲皇帝庶弟也。工詩善畫山水。筆致超逸。有山  
爭日長小景。

高宗純皇帝御題云。卽景繪爲圖。筆法特高老。一峯  
插天青。波面池亭小。峯腰瀑布飛。亭畔清流繞。更無  
別裝點。寫意殊了了。我聞詩兼畫。妙品古來少。摩詰  
真蹟無。元鎮清風渺。吾叔乃升堂。況值青年早。從知  
天授奇。不憑人力巧。恭讀一過。想見王之畫。筆世所  
罕及也。

雍正十一年六月。廣西巡撫金鉉疏稱。鬱林所屬之



富民鄉藤蘆坡。忽涌瑞泉。一穴。味甘色清。足灌田二千餘畝。奉

旨建祠奉祀泉神。

桂林朱蘊叔龍巖爲蒲令。邑處萬山中。高峻陡坂。非雨澤不能有秋。乃刊厓田圖說。勸民爲之。區田者始於伊尹。古法不可考已。元王楙農推本記勝之之法。以爲每田一畝。廣十五步。每步五尺。計七十五尺。每行占地一尺五寸。計分五十行。其長十六步。每步五尺。計八十尺。每行占地一尺五寸。計分五十三行。長

廣相乘得二千六百五十區。空一行種一行。隔一區種一區。畱空以便澆灌。且可疏風。不致熱壞。而以餘土壅根也。除隔空外。可種六百六十二區。區深一尺。用熟糞二升。驟用生糞。恐峻熱害苗也。與區土相和。布種勻覆。以手按實。令土與種相著。苗出時每一寸畱一株。每行十株。每區十行。畱百株。別製廣一寸長柄小鋤。鋤多則嫌薄。若鋤至八遍。每穀一斗得米八升。如雨澤時降。則可坐享其成。旱則澆灌。不過五六次。即可收成。結實時鋤四旁土。深壅其根。不致被風。

吹折。其爲區當於間時旋旋掘下。春種大麥。宛豆。夏種粟米。黑豆。高粱。糜黍。秋種小麥。隨天時早晚。地氣寒暖。物土之宜。節次爲之。不必貪多。毋論平地山莊。歲可常熟。近家瀕水爲上。其種不必牛犁。惟用耜鏤。墾。更便貧家。大率區田一畝。足食五口。丁男兼作。婦人童子量力分工。定爲課業。若糞治得法。灌溉以時。雖遇災旱。不能損耗。後衢州詹文煥監督大通於官舍隙地爲之。計一畝之收五倍常田。又聊城鄧鍾音於雍正末亦嘗行之。一畝之收多常田二十斛。勸

賈治生者當考鏡焉。

漳浦藍任庵開元少孤力學。讀書山中。貧不能具蔬。月攜白鹽一罐。點以筒餐。同學咸揶揄之。藍怡然作白鹽賦以自勵。雍正初以

恩貢入成均。校書

內廷。分修

大清一統志。獻青海平定雅三篇。臨雍頌。日月合璧五星連珠頌。河清頌各一篇。一時聲噪都下。高安朱相國薦舉。授廣東普寧縣。引

見時

上顧廷臣曰。此人用做道府亦綽然有餘之資。三載與觀察使不合。劾免。總督鄂專摺奏復。奉

特旨。赴京。十一年三月引

見奏對良久。

命署廣州府。

賜御書貂皮等物。遭際

聖明。真異數也。

與朝新語卷九終

此明新語卷九終

Handwritten notes or bleed-through from the reverse side of the page, including the word "COURT" and other illegible markings.

熙朝新語卷十

古欵 余金 德水 輯

雍正十一年四月奉

上諭。國家聲教覃敷。人文蔚起。加恩科目。樂育羣材。彬彬乎盛矣。惟博學宏詞之科。所以待卓越淹通之士。俾之黼黻皇猷。潤色鴻業。膺著作之任。備顧問之選。

聖祖仁皇帝康熙十七年

特詔內外大臣。薦舉博學宏儒。召試授職。一時名儒

願。庶多與其選。得人號爲極盛。迄今數十年。館閣詞林。儲材雖廣。而宏通博雅淹貫古今者。未嘗廣爲搜羅。以示鼓勵。自古文教休明之日。必有瑰奇大雅之材。況蒙

聖祖仁皇帝六十餘年壽考。作人之盛。涵濡教澤。溥海從風。朕廷覽雜殷。闢門籲俊。端崇實學。論旨屢頒。宜有品行端醇。文材優贍。枕經席史。殫見洽聞。足稱博學宏詞之選。所當特修曠典。藉與旁求。除現在翰詹官員。無庸再薦。外。其他已仕未仕之人。在京



著滿漢三品以上各舉所知彙送內閣在外著督撫會同該學政悉心體訪遴選考驗保題送部轉交內閣務期虛公詳慎蒐拔真才朕將臨軒親試優加錄用廣示興賢之典茂昭稽古之榮應行事宜著會議具奏欽此

雍正十三年二月奉

上諭朕令薦舉博學宏詞以廣育才之典爲督撫者自應秉公採訪加意蒐羅以前朕愛惜人才之至意乃降旨已及兩年而外省之奏薦者寥寥無幾以江

浙兩省人材衆多之地。至今未見題達。此非人才之不足應選。乃督撫等奉行不力之故也。大凡薦舉之典。臣工得以行其私者。往往踴躍從事。爭先恐後。若不能行其私。則觀望遲回。任意延緩。其跡似乎慎重周詳。其實視公事如膜外也。凡督撫學臣之所考取者。不過就耳目見聞之所及。彼伏處巖隅。學問淹雅。素有抱負之士。未必肯以文章筆墨求售於有司。以俸邀一日之遇合。是在督撫學臣留心訪察。加意旁求。屏虛名而崇實學。以佐國家右支之治。如李衛吳

應棻合舉二人。吳應棻又獨舉二人。就中則有宣化府進士。夫以宣化北邊一郡。尙有可舉之人。何況各省內地之大。可見李衛吳應棻乃實心爲國家留意人材者。著再通行宣諭。無論已奏未奏之省。俱著再行遴選。倘因朕此旨。而遂冒濫以行其私。亦難逃朕之鑒察。若果有才華出衆。而與例不符者。著具摺陳奏。候朕降旨。其在京三品以上之大臣。均有薦舉之責。將此一併曉諭知之。欽此。

雍正十三年十一月奉

上諭。國家久道化成。人文蔚起。

皇考樂育人材。

特降諭旨。令直省督撫及在朝大臣。各保舉博學宏詞。以備著作之選。乃直省奉

詔已及二年。而所舉人數寥寥。朕思天下之大。人材之衆。豈無足膺是舉者。一則各懷慎重觀望之心。一則鑿衡之明。視乎在己之學問。或已實空疎。難以物色。揄品。此所以遲回而不能決也。然際此盛典。安可久稽。朕用特爲申諭。凡在內大臣及各省督撫。務宜

悉心延訪。速行保薦。定於一年之內。齊集京師。俟旨  
在試。倘舊省中實無可舉。亦卽具本題覆。欵此。

本朝自康熙己未至乾隆丙辰。兩開制科。得人之盛。  
曠古罕聞。伏讀

兩朝諭旨。可想見

聖主思賢若渴之至意焉。

乾隆元年九月。

召試薦舉博學鴻詞二百十人於  
保和殿後。

欽命試題策問二道。五六天地之中合賦。山雞舞鏡。七言排律。黃鐘爲萬事根本論。

上臨軒親試。取一等五名。二等十名。次年補試臨場。未到並續薦二十六人。

欽命試題策問二道。指傳草賦。良玉比君子。七言排律。復見天心論。

欽取一等一名。二等三名。是科較康熙己未。取數較隘。然榜首劉文定公綸。起家詞賦。游歷政樞。明良契合。千載一時。實與王文恭公後先媲美云。

嘉定張南華。鵬翀。性穎異。讀書如夙習。詩畫無不敏捷。雍正丁未。入詞林館。課雁字詩。日未晡。成七律三十章。衆皆歎服。乾隆二年。

御試。衆詞臣。日未午。有交卷者。皆曰。必南華也。果受知於

高宗。擢高等。官至正詹。

張文敏公。照。同南華人。

朝。值春雪初霽。南華見午門外簷下冰柱。賦七律一章。文敏疑爲宿構。南華請面試。文敏出所佩小玉羊

為題。南華進聲云。宛爾成形質。居然或寢訛。方欲續下。有。

旨命和湯圓詩。南華立成二十四韻以進。其警句云。甘白俱能受。升沉總不驚。文敏歎服。曰。不料君奉間。猶能自見身分也。

錢文端公陳羣。早歲詩名與沈宗伯德潛相埒。天下稱詩者以二公為宗。

高宗南巡。

御製詩俱寄沈與錢廣和。相傳為二臣遭際之異數。



也。

高宗純皇帝天縱多能。文不加點。詞臣中罕能廣和者。錢文端公嘗侍

上於

乾清宮。元宵聯句。

上思若湧泉。言言珠玉。文端得一聯云。風圍謝家絮。霜點洞庭橙。一時王公大臣推爲五字長城。

岳大將軍鍾琪。狀貌奇偉。食飲兼人。而工於吟詩。遇赦後種菜於四川之百花洲。旣而有

詔起用。督師征金川。過邯鄲。題壁云。只因未了塵寰事。又作封侯夢一場。

乾隆丙辰。張文和公夢見其父文端公。文和請問。今科狀元。文端書銖字示之。問何姓。曰姓徐。及臚唱。一甲一名。乃金德瑛也。始悟銖字中已藏其姓名。繼云。姓徐。又以德字偏旁合姓告之。真不可思議。

涪州周大司馬。其祖巖。眉山樵也。年九十九未娶。一日忽於溪中得金銀若干。與所善貧人吳翁謀。遷居城中。且屬爲媒。願以萬金爲聘。但非處子不可。吳

笑諾之。歸告媪。謂九十九老翁。誰肯與爲婚者。時吳女年十九。忽跪而請曰。父母貧且老。生女不生男。何恃。今周叟高年。驟獲多金。天將福之。未必遽終於此。女願嫁之。父母得萬金之聘。可以娛老矣。人各有命。女如薄相。嫁年少者。未必不媾也。吳夫婦奇其言。以告叟。喜甚。卽日委禽成婚。後年餘生一子。時叟年百歲矣。及見其子遊庠食餼。抱孫後乃卒。壽一百四十一歲矣。女先一歲卒。已五十九矣。信人瑞也。

無錫顧祭酒棟高。康熙辛丑進士。以中書謝職歸田。

乾隆辛未以經學徵。

召見之日。

上問以治道對曰。以儉德示天下。

賜官國子監司業。丁丑迎。

鑿晉祭酒銜。著有春秋大事表。萃公穀之微言。正杜  
孔之義疏。宋元以後諸儒。鮮及其精確也。

書洛煙轡書。晚年受知。

高宗。官至侍讀學士。

上書房行走。

予告歸里。自述生平。曾入黃山。遇老人傳道。人問納交當從子夏乎。從子張乎。曰。朝廷之上從子夏。鄉黨之間從子張。

張南華宮詹侍直

乾清門有

旨宣召。而南華已歸。

上以詩責之云。傳宣學士爲吟詩。勤政臨軒未退時。試問羔羊三首內。可曾此際許委蛇。

命俊韻和呈。聊當自訟。南華遵

旨和進。

上喜。

賜以克食。南華又進謝。

恩詩有。

溫語更欣。

天一笑。翻教賜汝得便宜之句。

古來君臣唱和。如虞廷賡歌。周室巷阿。尚已。三代後。如漢武帝。唐太宗。元宗。宋仁宗。皆有賡颺之辭。然皆君唱臣和。從未有臣作詩而君和者。乾隆七年。庶子

張南華鵬翀奏進經史蒙

召對。

賜御書鵬翀以所畫春林淡靄圖進呈。並題六詩於上。末用頭字韻云。珍秘琅函特許求。他年擬結

賜書樓。天公定遣雲霞護。長有

龍光在上頭。

上用韻

賜和六首。以

君而俯和臣詩。從古帝王未有此。沖然若谷者也。是

日

賜松花石硯。上有

御製銘以靜爲用。是以永年八字。

上天縱多能。鵬翮詩才敏捷。每日

宣召至再至三。詞館諸臣豔稱奇遇。一日又以所畫  
日長山靜便面進呈。

上題云。彷彿前生是葛三。畫禪瀟灑擅江南。大癡更  
擅坡仙筆。勅敵江山兩不慙。蓋以東坡許之。其寵異  
如此。



乾隆十九年。琉球國中山王尚穆遣陪臣毛元翼蔡宏謀等上表請封。二十一年五月初七日。

上遣侍讀全魁中允周煌往封。六月二十二日渡海。舟泊姑米山候風。忽颶風大作。經三晝夜。接封大夫鄭秉和請易小舟登岸暫避。使者以

詔敕在舟不從。二十四日風愈暴。四股旋索十餘一齊皆斷。舵走龍骨觸礁而折。底穿入水時。旣昏黑兼大雷雨。帆葉厨棚吹落殆盡。倏見神火飛向桅木。焚招風旗而墜。又海面一燈浮來。若煙霧籠罩狀。於是

衆悉呼曰。天后遣救至矣。須臾船身直趨向岸。一礁石透入船腹。不動亦不沉。因令解杉板小舟下水。捧詔節陸續登岸。同舟二百餘人舉慶更生。皆云。

皇上洪福所庇。舟到姑米港謁廟行香。獻願大能成四字扁額。其對聯云。神爲德其盛乎。呼吸迴天登彼岸。臣何力之有也。忠誠若水證平生。以答神恩。方巔播時。使者虔告天后。若默佑平安。當爲神乞請封號。並於冊封之年。明頒諭祭。至是具奏。請加封諭祭。上命部議。部查天后亦稱海神。康熙十九年。

敕封海神天妃爲孚國庇民妙靈昭應宏仁普濟天  
妃。二十年福建提臣萬正色以天后著靈具奏。

詔封妙靈昭應仁慈天后。五十九年檢討海寶冊封。  
奏請春秋致祭。乾隆二年閩督奏稱。守備陳元美在  
洋遇風禱天后獲安。奉

旨加封福佑羣生四字。今應如所奏。奉

旨加誠感咸護四字。並書明封號。卽於怡山院天后  
宮舉行祭事。

乾隆丙辰爲

高宗登極首科館選多至六十七人名臣如蔡相國  
新曹尙書秀先秦尙書蕙田金總憲德瑛仲總憲水  
檀鶴總督年鍾總督音皆出其中可謂盛矣。

會稽傅玉笥王露康熙乙未翰林歸田四十年以著  
述自娛年踰八旬尙能揮翰乾隆初年。

上眷注舊臣。

恩加宮允儒林榮之。

江寧燕子磯宏濟寺僧默默於乾隆辛未年恭迎

聖駕。

上問其年。奏云一百二歲。

上笑曰。和尙還有二十年壽。隨

賜紫衣。默默謝。

恩而出。乾隆二十年乙亥。竟圓寂矣。方信

天語之成讖。

謝侍郎道承嘗引疾乞休以養母。人問何不奏終養而奏病耶。曰。爲人子養可也。聞終字便傷心耳。其憶母詩云。兒來前。自堯經今凡幾年。兒可記。自堯經今凡幾年。兒時應對稍逡巡。母怒變色旋喝噴。陳篋遙

志學人貴。稽古胡不如婦人。吁嗟。母言在耳。兒顏猶  
泚。安得我母常噴兒常泚。於今勸學無聞矣。讀此詩  
而不勸於孝。勸於學者。非人情矣。

陳句山兆崙。雍正庚戌進士。乾隆初薦舉入翰林。官  
至順天府尹。生平和易近人。人有寸美。愛不去口。有  
以詩文請質者。備極獎借。故人樂親之。書法蘭亭。取  
意簡遠。梁侍講同書云。

本朝不以書名。而書必傳者。陳文簡公元龍及句山  
先生兩人而已。

齊次風召南。雍正己酉副貢。乾隆初薦舉入翰林。官至禮部侍郎。少穎敏。讀書才行俱下。目光炯炯。能矚一二十里。嘗登杭州鳳凰山。視隔江西興渡。人皆慙慙可禱。應徵北上。謁某邑宰。畱宿署中。見架上有異書八冊。借觀竟夕。天明還之。主人訝其閱之速。詢之則一一成誦矣。爲閣學時。

高宗得古鏡於寧古塔。未詳款式。問朝臣。草有對者。齊引證書史。羅列具奏。

天顏大悅。謂左右曰。是不愧博學鴻詞矣。沈文愨公

德潤嘗因奏言天台石梁之奇。

高宗詢及齋對曰。荒山磽确。不足以勞

聖駕。人訝其率易。然可見其伉直也。後因

上書房退直歸。馬驚墜地破腦。目睛眩轉。神魂飛越。  
蒙古醫生以牛腦實之。卽用生牛皮冒首。使真氣聚  
而不洩。且徧體椎扑。使十二經脈復具本初。三百六  
十五骨節各還部位。三日而知痛。五日而知飢。不三  
月而能起立。然生平所讀書不能記憶隻字。前後如  
兩人云。



回文詩詩家以爲小道。罕有爲之者。如張月槎漢秋  
夜一首云。煙深臥闌草凝愁。冷夢驚回幾樹秋。懸壁  
四山雲上下。隔簾一水月沉浮。翩翩影落飛鴻雁。皎  
皎光寒靜斗牛。前路客歸螢點點。邊城夜火似星流。  
字字熨貼。巧合自然。豈復庸手所能爲。

仁和錢相人琦。應丁巳會試。公車將發。友人吳某治  
酒餞行。至則不見酒肴。而主人有愧色。怪而詰之。曰。  
寒家素有狐仙。今日已治具。忽被攝去。奈何。錢戲曰。  
主人惜費而託故於狐耶。吳窘甚。邀客往廚下驗之。

爨火未熄。毛血之屬尚存。而肴核全失。錢大呼曰。我有一言奉問。此去若能登第。狐仙還我酒肴。否則竟請全啖之。我亦無顏相擾矣。言畢出。未久吳笑而至。曰。恭喜。今科必中。酒肴已還在案矣。權飲而罷。是科吳果成進士。

陳學士大踰初入學。時年十九。偶病劇。夢紫衣僧自稱元圭大師。握其手曰。汝肯我到人間。盍歸來乎。陳未及答。僧笑曰。且住且住。汝尚有瓊林一杯酒。瀛臺一碗羹。喫了再來。未遲。屈其指曰。此別。又須十七年。

也。言畢而去。陳驚醒。病遂瘳。己未成進士。入翰林。官至侍讀學士。三十六歲秋痢不休。因憶前夢十七年之期。笑謂家人曰。大師未來。或又改期亦未可知。一日早起焚香沐浴。索朝衣冠著之。曰。吾師已來。吾去矣。踟蹰而逝。

新建裴文達公曰。修爲編修時。兩典江南鄉試。兩典浙江鄉試。一典湖北鄉試。旋奉

命視巴里坤軍務。

賜

御用冠服。以寵其行歸。

朝奏對稱。

旨。遂

命在軍機處行走。洊歷六卿。兼司撰述。所作文以歐陽文忠公爲宗。常遊滁州。得文忠畫像。乞上題之。文達書仿張卽之。

上以內藏卽之書華嚴經殘本。

命補書。人莫能辨。嘗奉

命往河南山東江南經理河渠。嘗是時河南水溢數

郡。所被災州縣甚多。文達疏水之達於淮者四。枝流六十有三。民得永遠寧居。所治克副。

聖慮。而直隸如永定大通等處。孰宜隄壞。孰宜疏濬。以達諸海。凡

上指授方略。悉以屬之。無不允協。嘗治某水時。有田夫笑至輿前。如欲有言者。左右呵止之。文達呼與語。竟得地勢高下之安。久而無患。其虛衷博採類如此。年六十二卒。前一日語家人曰。我本江寧燕子磯河神。今將復位。汝等扶櫬還江西。必過彼。可求籤於關。

帝廟。如係上上第三籤。則知我仍爲水神。否則或有  
讓請。不能復位矣。家人聞之。疑信參半。有老僕獨信  
之曰。公爲王次夫人所生。太夫人本籍江寧。渡江時  
曾求子於燕子磯水神。夜夢袍笏者來曰。與汝佳兒。  
逾年生公。後以公之喪歸至燕子磯。如其言卜於關  
帝廟。果得第三籤。遂立木主於廟。兩江總督尹文端  
公繼善。爲立石作詩紀其事。

尹文端公愛才如命。總督兩江時。有王主簿發桂派  
令管理省城。

行宮。王有句云。愧我衙官無一事。

宮門持帚掃開花。公大器重之。又解秀才中發。謁見鮑雅堂在座。適十四公子慶寶至前。鮑問年幾何。曰十四歲。鮑戲出對云。十四世兄年十四。解應聲曰。三千弟子路三千。公卽聘解爲西席。

長洲沈宗伯德潛。以名請生久困場屋。乾隆元年薦舉鴻博。

召試不售歸。戊午己未聯捷入詞垣。年已六十餘矣。壬戌散館試。

殿上日未映黃門捲簾。

上出賜諸臣問誰是沈德潛。沈跪奏臣是也。

上曰文成乎。對曰未也。

上曰汝江南老名士而亦遲遲耶。翌日授編修。六月

引

見奏對畢。

上曰沈德潛係老名士。

命和消暑十詠。餘願和者亦和。於內閣分給筆札。

賜飲及餅餌瓜果。自午至未成詩六章有。



旨嘉獎。

賜文紗越葛。旋陞中允。少詹事。典湖北鄉試歸。

召入

上書房。再遷禮部侍郎。乞假省墓。

詔贈其先人如其官。并

贈詩囊之云。清朝舊名士。吳下老詩翁。向每誦新句。猶然見古風。同官皆謹依。此二十字爲韻。仿賀知章。遠四明例贈行。假滿還京。典戊辰會試。次年請告歸。

里。

上命恭校

御製詩集畢乃行。

上賦詩以賜復

命加尙書銜。在籍食俸。時嘉興錢司寇陳羣亦

子告在籍食俸。

上稱兩詩翁。文臣之榮無出其右。

錢文端公典庚午江西鄉試。寫榜吏陳巨儒鬚鬢如雪。求公手書以爲榮。自陳年七十。手寫文武三十二榜矣。公贈詩云。桂籍憑伊腕力傳。白頭從事地行仙。

自言作吏中書省。曾侍朱衣四十年。十月復寫武榜。  
解首則其孫騰蛟也。名初唱。掀髯一笑。筆墮於地。中  
丞喜極。索彭方伯家屏贈詩。時蔣蒼生士銓在幕府。  
代作一絕云。榜頭題處笑開眉。七十年來鬢若絲。官  
燭兩行人第一。夜闌回憶抱孫時。

御製詩經通串卷十

熙朝新語卷十一

古欵 余金 德水 輯

乾隆九年重修翰林院落成。十月二十七日  
聖駕臨幸。送兩學院大學士入署。

御書扁額二。曰稽古論思。曰集賢清秘。

賜宴賦詩。以唐張說麗正書院詩東壁圖書府五律  
四十字爲韻。

御製東字音字韻

敕諸臣各分一字。是日與宴者一百六十餘人。燕次

中和清樂奏玉署延英之曲。令伶人演唐沈佺期宋之問昆明賦詩故事。更仿柏梁體聯句。

召至

御前

賜酒者大學士而下十三人。

上諭大學士掌院諸大臣曰。致治當崇實政。爲學當務躬行。勿專尚文詞。我君臣所宜共勉。燕畢復拜御集文綺綠箋之

賜並

賜古今圖書集成一部貯院中。是日  
上御清秘堂小憩。復得七律一章。亦  
宣示諸臣。翰林院宴畢。

駕幸貢院。周覽號舍。軫勞士子辛勤。

御製七律四章。勒石至公堂。自古帝王未有之盛舉  
也。

乾隆十四年十一月初二日奉

上諭。聖賢之學。行本也。文末也。而文之中。經術其根  
抵也。詞章枝葉也。翰林以文學侍從。近年來。因朕每

試詩賦。頗致力於文章。而求沉酣六籍。含英咀華。究經術之閭奧者。不少概見。豈篤志正學者鮮歟。抑有其人而未之聞歟。夫窮經不如敦行。然知務本則於躬行爲近。崇尚經術。良有關於世道人心。有若故侍郎蔡聞之。宗人府府丞任啟運。研窮經術。敦樸可嘉。近者侍郎沈德潛。學有本源。雖未可遽目爲通儒。收明經致用之效。而視獯祭爲工。翦綵爲麗者。迥不侔矣。今海宇昇平。學士大夫舉得精研本業。窮年矻矻。宗仰儒先者當不乏人。奈何令終老牖下。而詞苑中



寡經術士也。大學士九卿外督撫其公舉所知。不拘進士舉人諸生以及退休閒廢人員。能潛心經學者。慎重遴訪。務擇老成敦厚純樸淹通之士。以應精選。嗣內外所保舉四十九人。十六年

諭大學士九卿再行虛公敷實。確舉以聞。如果衆所共信。卽不必考試。於是公會核得陳祖範吳鼎梁錫興顧棟高等四人。

上諭既衆論僉同。其平日研窮經義必見之著述。朕將親覽之。以觀實學。在京送內閣進呈。在外行督撫

取不必另行繕錄。致需時日。啟勸襲贗鼎之弊。於是  
吳鼎進象數集說一部。集說附錄一部。易問一部。春  
秋傳選義一部。易堂問目一部。考律緒言一部。梁錫  
璵進易經揆一一部。吏部帶領引

見奉

旨俱以國子監司業用。各

賞紗一疋。

召對勤政殿。

上曰。你們以經學保舉。朕所以用你們去教人。但窮

經不在目耳。須要躬行實踐。方能教人。尋將進士陳祖範。顧棟高。俱授司業職銜。

鶴山梁兆榜。乾隆庚午辛未聯捷。場前夢神人告曰。汝三甲二十八名也。及殿試榜發。竟得三甲第八名。上以二甲人數過多。

命將二十卷分置三甲。於是仍爲三甲二十八名。始信數由前定也。

秦澗泉大士。乾隆壬申狀元。散館前求籤於正陽門關帝廟。有靜來常把此心捫之句。疑己有隱慮而神

傲之云。然時自訟終不解也。及試

欽定賦題。松拍有心。以題爲韻。第四段忘却心字本韻。閱卷大臣俱未檢及。

上指出笑曰。狀元有無心之賦。主司無有眼之人。始悟神已先示之矣。

盧學士文弼有張遷碑。拓手甚工。澗泉愛而乞之。盧不與。一日乘盧外出。入其書舍攫取而去。盧歸知之。追至其室。仍奪還。未半月秦暴亡。盧往奠畢。袖中出此碑。哭曰。早知君將永訣。我當時何苦如許吝耶。今

耿耿於心。特來補過。取帖向靈前焚之。頗有延陵挂劍之風。

乾隆己未新進士

朝考題賦得因風想玉珂。袁簡齋枚有句云。聲疑來禁苑。人似隔天河。諸總裁以語涉不莊。將擯之。尹文端公力爭曰。此人肯用心思。必年少有才者。特未解應制體裁耳。此庶吉士之所以必需教習也。尙進呈時

上有駁問。我當獨奏。於是羣議始息。簡齋館選後乞

假歸娶。朝士贈詩甚多。毘陵程文恭公景伊一絕云。  
金燈花下沸笙歌。寶帳流香散綺羅。此日黃姑逢織  
女。漫言人似隔天河。蓋戲之也。

費雲軒元龍。乾隆丙辰進士。知四川綿州時。有惡棍  
爲地方害。費廉得其罪狀。杖斃之。閱三日復活。後毆  
其母。母持一罈來控曰。此逆子藏魂罈也。先將生魂  
煉藏此罈內。官用刑乃血肉之軀。以久煉魂。治新傷  
體。三日卽平復如故。求先毀其罈。散其魂。庶逆子可  
除。如其言。果斃杖下。傳言晉殺秦謀。七日而蘇。此種

事自古有之。然邪不勝正。況又逆倫。天壤間豈容梟  
獍漏網哉。

陽湖蔣太史麟昌。乾隆己未進士。館選時年甫十九。  
生時其祖夢異僧擔十三經至其門。俄而長。係生。故  
小名僧壽。及長。自夢一僧畫麒麟一幅與之。故名麟  
昌。二十五歲卒。卒後三日。其孤甫三歲。率帷見其父。  
僧衣冠踰坐其中。人以為戒律僧託輪迴者。然生平  
又痛詆佛法。不可解也。

連江胡給諫鵬南。巡視中城。一日聞姊病。往視之。姊

熙朝新語 卷十一

已昏迷。聞胡至。聳然起曰。弟來省我。甚善。然弟宜速歸。胡不肯。姉起用手推之。家人不解其故。胡既去。姉語家人曰。我方死去。押差將我送至城隍廟。路遇一役曰。舊城隍陞去。新城隍將到任。汝且暫候。問新城隍何人。卽鵬南也。我驚醒。不意鵬南恰坐我床上。故勸令回家。汝等可往探之。如其言。覘胡則已沐浴朝服而逝矣。

史文靖公館謀庶常。出春日卽事題管水。初一清詩。中有一聯云。雨三點雨逢寒食。廿四番風到杏花。文



靖歎賞。拔置第一。時人以管杏花呼之。

杭州有負販者。日不識丁。而酷好度曲。與人言往往五七言。連屬若歌謠然。人笑之而已。其母死。哭曰。叫一聲。哭一聲。兒的聲音。娘慣聽。如何娘不應。一字一淚。出於至誠。真天籟也。

儲宗丞麟趾。庚辰奉

命祭告嶽瀆。宿郵亭。一夕燈花散采。倏忽變現。噴煙高二三尺。有風霧回旋。呼家人聚觀。共相詫異。戒勿動。比寢。夢仙人五六輩。招至一所。上書赤雲岡三字。

呼儲爲雲麾使者。諸仙列坐聯句。有稱海上神翁者。首唱曰。蓮炬今宵散瑞芝。次至五松丈人續曰。羣仙佳會飄吟髭。又次至東方青童曰。春風欲換楊柳枝。旁一女仙曰。此雲麾過凌河句也。奈何竊之。相與一笑。忽燈花如爆竹聲。諸鶴醒。亦無他異。

尹文端公總督江南時。年才三十。人呼爲小尹。海寧楊次也。守知。康熙庚辰進士。以道員候補南河。年七十矣。文端知爲老名士。所以獎慰之者甚厚。楊喜。自指其鬢曰。蒙公盛意。惜守知老矣。夕陽無限好。只是

近黃昏。文端應聲曰。不然。豈不聞天意憐幽草。人間重晚晴乎。楊駭然出語人口。不謂小尹少年科甲。竟能吐屬清新若此。

乾隆八年十月十六日。

上自盛京還。道入榆關。登澄海樓望海。雪霽千峰。波明萬頃。天容海色。洵屬奇觀。時張文敏公照、梁文莊公詩正侍從。因奉

命聯句。凡字畫涉水部者概不用。仿歐陽咏雪禁體也。十九年秋。

上自吉林至盛京恭謁

三陵。禮成旋蹕。以十月二日入關。再登澄海樓。距癸亥前遊周一紀矣。星霜亟易。風景猶新。爰舉成例。

命汪由敦劉綸用禁體疊前韻。旣暢登臨。並誌歲月。洵昇平佳話也。

莊滋圃有恭。乾隆己未第一甲第一名進士。歷官至吏部尚書協辦大學士。官浙江巡撫時。乾隆二十七年。

聖駕二次南巡。適嘉興侍

上遊鴛鴦湖。登煙雨樓。樓中舊有錢陳羣書。趙孟頫  
耕織圖詩屏。並敬書。

御製鑄鍾特磬二銘於壁。

上指陳羣所書以問有恭。奏言臣目近視。實不能見。  
上大笑隨。

召有恭聯句。用石鼎體。自來。

上聯句皆。

召區從諸臣。未有獨。

命大吏者。真異數也。

羅江李石亭化楠。乾隆壬戌進士。爲浙江餘姚令。民有犯竊者。訊係初次。卽喟然曰。此良民也。爲飢寒所迫。坐無業。故蹈此耳。捐俸錢構屋三十椽。令居其中。募城中技能之師。假官錢爲資本。授以所業。業成。其師具保狀領出。習其業以糊口。終身不再犯。化莠爲良之法。莫妙於此。人性本善。諒哉。

錢稼軒維城。乾隆乙丑四月。夢見天榜狀元。爲金谿李建中。己爲探花。及榜發。錢竟爲狀元。李乃在二甲三十名。謂夢爲無據耶。何以姓名巧合。謂夢爲有真。

耶。不應前後顛倒。豈臨期亦有更換耶。

王司農際華。年十七入錢唐學。偶遊湖鳴寺夢影堂。老僧以線香五十四枝與之。曰。汝乃我弟子也。官刑名後當來歸。後中乾隆乙丑探花。由編修累官至戶部尚書。兼署刑部。壽五十四而終。

長洲蔣時庵元益。雍正己酉科鄉試。入頭場之日。其祖母顧太夫人夢天門開。一星冠羽衣人自日中出。手持黃紙一卷。冉冉而下。自言我斗府真人也。太夫人爲信二氏。亟拜之。因問我孫鄉試有名否。真人不

荅展手中黃紙示之。乃第一名蔣元益六字。及榜發報至。乃中九十五名。方訝名次之不符所夢。至乾隆乙丑。竟中會元。始知前所夢見者會試榜也。相去十六年。早經註定耶。與稼軒事又適相反矣。

李尚書宏總督南河。嘗有句云。過潁應知因捕致。徹桑須及未陰時。二語隱括治河要指。凡從事河工者。當有味斯言。

漳浦蔡相國新。乾隆丙辰傳臆。改庶吉士。累官至禮部尚書大學士。年八十。



予告。

上優崇故舊。

御書盛世耆英四字以

賜之。初公以康熙己丑年十二月初五日午。有日者推之日。福星也。位極人臣。壽享大耋。已而果驗。

乾隆九年。舒少司馬赫德上廢科目疏。其略云。科舉憑文而取。案格而官。已非良法。況積弊已深。僥倖日衆。古人詢事考言。其所言者。卽其居官所當爲之職事也。今之時文。徒空言而不適於用。此其不足以得

人者一。墨卷房行。輾轉抄襲。膚辭詭說。蔓衍支離。以爲苟可以取科第而止。此其不足以得人者二。上子各占一經。每經擬題多者不過百餘。少者僅止數十。古人畢生治之而不足。今則數月爲之而有餘。此其不足以得人者三。表判可以預擬而得。荅策就題敷衍。無所發明。此其不足以得人者四。且人材之盛衰。必於心術之邪正。今之僥倖求售者。弊端百出。探本清源。應將考試條款改移而更張之。別思所以遴拔真才實學之道。云云。奉

旨飭議。時鄂文端公爲首相。力持議駁云。謹按取士之法。三代以上出於學。漢以後出於郡縣吏。魏晉以來出於九品中正。隋唐至今出於科舉。科舉之法每代不同。而自明至今則皆出於時文。三代尙矣。漢法近古而終不能復古。自漢以後累代變法不一。而及其既也。莫不有弊。九品中正之弊。毀譽出於一人之口。至於賢愚不辨。閥閱相高。劉毅所云。下品無高門。上品無寒士者。是也。科舉之弊。詩賦則祇尙浮華。而全無實用。明經則專事記誦。而文義不通。唐趙匡舉

所謂習非所用。用非所習。當官少稱職吏者是也。時文之弊。則今舒赫德所陳奏是也。聖人不能使立法之無弊。在乎因時而補救之。蘇軾有言。觀人之道在於知人。知人之道在於責實。蓋能責實。則雖由今之道而振作鼓舞。人才自可奮興。若專務循名。則雖高言復古。而法立弊生。於造士終無所益。今舒赫德所謂時文經義以及表判策論。皆爲空言。勦襲而無所用者。此正不責實之過耳。夫凡宣之於口。筆之於書者。皆空言也。何獨今之時文爲然。且夫時文取士。自

明至今殆四百年。人知其弊而守之不變者。非不欲  
變。誠以變之而未有良法美意以善其後。且就此而  
責其實。則亦未嘗不適於實用。而未可一概皆毀也。  
蓋時文所論皆孔孟之緒餘。精微之奧旨。未有不深  
明書理。而得稱爲佳文者。今徒見世之腐爛抄襲。以  
爲無用。不知明之大家如王鏊。唐順之。瞿景淳。薛應  
旂等。以及

國初諸名人。皆寢食經書。冥搜幽討。殫智畢精。始於  
聖賢之義理。心領神會。融洽貫通。然後參之經史子

集以發其光華。範之規矩準繩。以密其法律。而後乃  
稱爲文。雖曰小技。而文武幹濟英偉詩達之才。未嘗  
不出於其中。至於奸邪之人。迂懦之士。本於性成。雖  
不工文。亦不能免。未可以爲時藝者。若今之抄襲腐  
爛。乃是積久生弊。不思力挽末流之失。而轉咎作法  
之涼。不已過乎。卽經義表判策論等。苟求其實。亦豈  
易副。經文雖與四書並重。而積習相沿。悞忽旣久。士  
子不肯專心肄習。誠有如舒赫德所云。數月爲之。而  
有餘者。今若著爲令甲。非上不錄。則服習講求。爲益

匪淺。表判策論皆加嚴實。則必淹洽乎詞章。而後可  
以爲表。通曉乎律令。而後可以爲判。必有論古之議。  
斷古之才。而後可以爲論。必通達古今。明習時務。而  
後可以爲策。凡此諸科。內可以見其本原之學。外可  
以驗其經濟之才。何一不切於士人之實用。何一不  
見之於施爲乎。必變今之法。行古之制。則將治宮室。  
養遊士。百里之內。置官立師。獄訟聽於是。軍旅謀於  
是。又將簡不率教者。屏之遠方。終身不齒。毋乃徒爲  
紛擾。而不可行。又況人心不古。上以實求。下以名應。

與孝則必有割股廬墓以邀名者矣。與廉則必有惡衣菲食弊車羸馬以飾節者矣。相率爲僞其弊尤繁。甚至借此虛名以干進取。及乎莅官之後。盡反所爲。至庸人之不若。此尤近日所舉孝廉方正中所可指數。又何益乎。若乃無大更改而仍不過求之語言文字之間。則論策今所見行表者。賦頌之流。是詩賦亦未嘗盡廢。至於口問經義。背誦疏文。如古所爲帖括者。則又僅可以資誦習。而於文義多致而精。其餘若三傳科史科名法書學等。崇文宏文生等。或駁雜蕪



紛。或偏長曲技。尤不足以崇聖學而勵真才矣。則莫若懲循名之失。求責實之效。由今之道振作補救之。爲得也。我

皇上洞見取士源流所降

諭旨。纖悉畢照。司文衡職課士者。果能實心仰體。力除積習。杜絕僥倖。將見數年之後。士皆束身詩禮之中。潛心體用之學。文風日盛。真才日出矣。然此亦特就文學而言耳。至於人之賢愚能否。有非文字所能決定者。故立法取士。不過如是。而治亂盛衰。初不由

此無俟更張定制爲也。舒赫德所奏應毋庸議。奏上奉

旨依議。科目之不廢者。文端之力也。

齊次風少宗伯。目力過人。嘗銷夏萬松山中。見雲起處。必牽一縷如絲。繫於峯顛。蹤跡之獲。石數枚。有文印之成。書畫形。後積聚漸多。因以作譜。用東坡石鼓韻題長歌紀之。一時名流咸屬和焉。

乾隆甲戌科首題。唐棣之華。至未之思也。場中文有用腸。一日而九迴句者。

上以言孔子孟言。不應襲用漢書語。先是

命方苞選錄四書文。頒行。至是

命再頒禮部。順天府外。簾存貯。俾試官知衡文正鵠。並嚴重磨勘。以下科爲始。磨勘試卷俱於卷面填寫銜名。以向來磨勘俱視爲具文。是以

特派大臣詳加校閱。除試帖初添可稍寬。至制藝既經入彀。不應復有疵謬也。二十四年。秦可寇蕙田進呈磨勘順天等省試卷。

上閱順天第四名邊綱。禧文有飲君心於江海之語。

上云。揆其命意。不過如飲和食德常言。而蕪鄙雜湊。遂至不成文義。此豈字句小疵。雖不宜以一語擯棄。亦何至濫廁前茅。著將該士子及主考官交部隨議。邊嚮禮罰停會試五科。主考官奪俸。並

諭嗣後定議敘議處例。有原勘京堂等官全未磨出。經覆勘大臣指出者。交部嚴議。有原勘出一二。經大臣覆勘。尚多挂漏者。亦交部議。有能悉心檢閱。秉公舉出。覆勘無遺者。交部議敘。於是乎磨勘始嚴。而場屋之文斤斤繩墨矣。

蔣編修士銓修南昌府志夜夢一偉丈夫來見兜牟戎服。叉手不揖。自批其頰曰。吾頭豈白所者。蔣驚醒。知有冤抑。查舊志有段將軍。乃史閣部麾下副將。死於揚州者。新志並無其人。亟爲載入忠義傳中。

南康謝蘊山啟昆。知揚州府時。修拜明史閣部祠墓。畢。夢閣部來見。因問爲公修拜祠墓。公知之否。曰。知之。此守上者之責也。然要非俗吏所能爲。問己官階。曰。不患無位。患所以立。問將來有子否。曰。與其有子而名滅。不如無子而名存。因問公祠中尙少一聯。應

作何語。曰。一代興亡。歸氣數。千秋廟貌。傍江山。謝爲書丹。泐石。今存祠內。

嘉定秦誓園大成。乾隆己卯。舉於鄉。斷絃續娶。婚夕。新婦悲啼不止。問之。曰。妾幼許鄰村李氏子。父母嫌貧。逼休改嫁。竊念身更二姓。名節有乖。是以痛耳。秦聞之。悚然曰。何不早言。幾成吾過。乃趨避外舍。命僕召李。李至。語之故。且曰。今夕良辰。可於敝廡合卺。所有奩資。舉以相贈。李感激涕零。莫知所對。三朝後。夫婦叩謝而去。癸未會試。秦中第三名。殿試前夢。至文

昌官適闕。帝至。問今歲狀元何人。文昌以某對。忽見一婦人跪帝前云。某爲我夫弟。夫死後。某凌虐備至。憂鬱致死。文昌曰。此人短行。安可大魁。爲期已近。誰可易者。命吏查後科狀元何人。吏捧冊呈閱。文昌曰。秦大成本以孝行該中。丙戌狀元。查伊又有遺妻一事。擢早三年亦爲允協。帝曰。然。秦遂寤。是科竟大魁天下。

歷代帝后圖像向貯內庫。乾隆十四年

命工重加裝潢。移藏於

南薰殿自太皞伏羲氏而下。爲軸者六十有八。爲冊者七。爲卷者三。先聖先賢圖冊五。詳定位置。次第甲乙。歲以盛夏曝而度之。扇鑰惟謹。又明諸帝玉冊。尙貯工部外庫。今附藏殿之西室。仰見我

國家優禮先朝。隨在盡其誠敬如此。

乾隆癸酉科。江西分宜縣知縣天門陳大經分校鄉闈。入簾前一夕。夢迎天榜鼓樂甚盛。送一扁額至其家。書曰三元及第。已而本房取中七人。內三人爲樂平。胡羽堯魁元。大庾戴箕圃第元。南昌彭芸楫元。瑞



後皆登進士第。所謂三元及第也。胡官至光祿寺卿。戴官至太僕寺卿。彭官至協辦大學士。

乾隆壬申會試。榜發後

恩命落第舉子年逾耄耋者給與職銜。當塗徐位山文靖年逾九十。

欽賜翰林院檢討。著有山河兩戒攷。禹貢會箋。皇極經世考。管城碩記。又嘗以之乎者也矣焉哉七字冠首。爲七言長句十章。奇才瞻思爲前人所未有。其仲子應樞博求故實。逐句爲訓。亦佳士也。

向例禮部會試榜發後呈進會試登科錄內俱有恭進

皇太后及

皇后各一本等語乾隆二十八年奉

上諭此係沿襲具文非事關典禮者可見況我朝宮闈肅穆不惟一切政務從不與聞卽尋常細事亦無絲毫干預似此相沿舊套徒費抄寫自應停止以後著爲令

梁階平國治父官刑部司獄向詣獄者司獄官輒有

所索。梁獨屏不受。督獄卒潔錫。惟謹。一切可以方便。著多方調護之。二十年如一日。擢刑部主事。卒。後階平大魁天下。官至大學士。人謂陰德所致。

熙朝新語卷十一終

1947-1948

1949-1950

1951

1947

1948

熙朝新語卷十二

古款 余金 德水 輯

康熙間

特恩開千叟宴。自王大臣以及士庶。年六十以上者皆預。乾隆間

高宗復舉行曠典。與宴人數視昔加倍。年九十以上者

召至

御前侍食。

天顏和煦。

恩賚優隆。一時杖朝而出。感頌

皇仁。歡騰閭巷。又乾隆四十八年。普宴宗室於

乾清宮。自王貝勒至四品頂戴者一千三百八人。有  
事不與宴者五百六十九人。各

賜如意朝珠文玩綺帛銀兩有差。

國家養老親親至意。實爲曠古所未有。

乾隆三十八年二月

命開四庫館。校定永樂大典。訪購天下奇書。著各省

督撫採訪彙集上於

朝仍

命翰林注明月日。俟呈乙覽。辦竣後乃給還本家領回。書進時派總裁總纂等官辦理。書成

欽定爲四庫全書。此漢唐以來未有之盛舉也。於時在朝諸臣及各省紳士紛紛奏進。惟鮑士恭馬裕范懋柱江啓淑四家多至六七百種。

上嘉之。

賜內府古今圖書集成一部。其朝臣黃叔賢勵守謙

國朝典言 卷之二  
紀昀。紳士周厚培。蔣曾瑩。吳玉墀。孫仲曾。汪汝璉等。  
各進呈一百種以上。

賜內府初印佩文韻府各一部。

昌樂閻懷庭。循觀。少穎敏。讀書過目不忘。年十八舉  
於鄉。其學一以程朱爲宗。而孝行尤篤。少而孤。及長。  
每承祭哀慕累日。其父母墓卑溼。值淫雨。衆水交匯。  
每夏秋之交。天將雨。輒不食繞墓哭。以是致羸疾。後  
行營乞假。卜吉兆而遷焉。後登乾隆己丑進士。官吏  
部主事。



滋陽牛真谷運震雍正癸丑進士乾隆初薦舉博學鴻詞。

廷試未取。後官陝西秦安平番等縣。有政聲。嘗與人書云。僕爲縣官有二字。曰儉簡檢而已。儉者薄於自奉。量入爲出。所謂以約失之者鮮。此不虧空不婪贓之本也。簡者令繁則民難遵。體冗則下難近。一切反之。毋苛碎。毋拘執。毋聽陋例。毋信俗諺。儀從可減則減之。案牘可省則省之。檢者天有理。人有情。吏部有處分。上司有考課。豪強將吾伺。奸吏將吾欺。入一錢

乙諸簡將母納賄。施一杖撻諸哥。將母濫刑。此檢字訣也。後年五十三無疾而歿。歿之前數日。屢夢遊金碧樓臺。醒語家人曰。吾將詩。吾好弟。設不醒。慎勿驚。果睡去。豈慧業文人赴玉樓之召耶。抑醉儒循吏歿而爲神耶。未可知也。

納蘭慎齋峻德。詩格幽秀。嘗寓盤山天城寺。與水月菴僧然西以詩往還。係於小犬之項。云相望一峯隔。相呼恐不聞。寄詩憑小犬。好去度深雲。僧答詩有昔有鴻傳信。今憑犬寄書之句。蓋不知陸機黃耳。千歲

寶掌白犬故事也。但犬寄詩則古所未有。可爲廖融添一詩奴。

金匱梅里黃氏女。年十九歸同里吳希言。三年生一子。甫三月。希言與其子相繼歿。姑以哭子及孫亦歿。翁名德星。故疎曠。不善治生。黃哭慰之。盡賣嫁時衣。以供甘旨。且買妾進焉。翁憐其誠。許之。妾入門五月。甫有身而翁又死。黃仰天呼曰。吳氏之祀斬矣。天若問子志。奪子算而畀吳氏以身也可。旣而妾果舉子。不三月妾復去帷。黃自抱翁子於懷。哺以糜。啼則以

乳就之時黃已喪兒兩載。乳絕滴矣。無何乳忽至。遂終乳之。人謂黃氏一女子。於翁爲忠爲孝。於夫爲節。於翁子爲慈。其行卓有可傳者。觀於絕乳復生。不可謂非誠之所感也。

崑山曹孝子起鳳。父子交。賈於蜀。歲寄金錢歸。俄而耗絕。孝子年十六。遇蜀客云。其父已死。然弗知死所。孝子大慟。將往求父骨。貧不能行。長洲潘君爲緡贈以百金。遂就道陸行。由豫入秦。至蜀。南抵滇界。西達金川。書牒於背。逢人輒哭。訴所由。久之無知者。金盡。

反成都。乞於鄉人之爲客者。合助之。又得數十金。孝子大哭曰。此行不得父骨。金無由再致。吾亦不復生還矣。乃禱於諸葛武侯祠。神示令東向行。失道七日。無人蹤。及西陽。積雪盈尺。足趼不能前。踣土穴中。兩日。有士人項生許生過之。羣鴉遠穴而鳴。異之。見傷尸氣微。視背牒。詫曰。孝子孝子。掖以歸。灌之蘇。問故。止宿。進酒肉。孝子弗食。曰。不見父棺。不食此矣。其夕夢經荒原。一老父與數人坐林中。見孝子至。撫掌大笑。語曰。月邊亡。蕉中鹿。兩士申。可食肉。覺而誌之。

遂辭去。兩人聞之，不可，偕送之行數里，不忍別。忽經荒原如夢所見。白楊下有棺，鬣然。孝子心動，泣不止。兩人問故，語之夢。兩人曰：有徽人胡姓者，居此日久，相距不遠，盍往詢之。從之。見胡生，良久曰：噫，信頗記十年前。鄉人曹姓客死，殯於是。以所遺牙牌納棺中。其殆是乎。然非白諸官莫驗也。遂引訴之。西陽巡檢白州牧，飭里長察諸棺，多有主名，而一棺獨無。啓棺見骨，孝子漬血驗之，沒骨。棺有牙牌，文曰：蕉鹿。孝子曰：是矣。月邊古胡也。蕉下鹿牌也。何疑乎。遂撫棺大

哭收骨行。項生許生爲設祭。祭畢以饒肉食孝子。曰。向子之不食肉者以未見父棺耳。今則既見矣。憶窆子遇土穴中日在王申。今六十有一日。又值王申。夢盡驗矣。豈非天哉。孝子再拜謝。兩人交餽之膳。遂負骨歸。過洞庭湖。風作。兩日不得渡。同舟者疑之。且大索。孝子悲禱於洞庭君。風立止。既歸葬其父。廬墓以終。乾隆四十九年卒。壽七十二。長洲莊太守學和作傳。孝子紀略。

李員山銘。正黃旗漢軍人。官筆帖式。少司寇。揮詞之

子相國素額。鬪之壻也。家世貴顯。而性耽清寂。偕其配。隱居盤山。鷹青峯下。號爲青山人。又號焦明子。喜行無人徑。嘗歷谿谷中。犯雨雪。遇蛇虎。不顧也。歲一至都郡。留一二日。輒歸。人罕見其面。時謂有靜癖。詩文古奧峭削。自闔門徑。視世之以篤花爲國妝。以紅粟爲法物者。超然遠矣。

丙辰詞科之徵。有祖父以己未鴻博起家。而其後人復薦薦辟者三人。秀水朱竹垞。檢討孫楷孫華。亭王文恭公孫祖庚。宣城施愚山侍讀孫念曾。兩世俱應。



大科之

召亦盛事也。

西人測算之法本於周髀。自中土失其傳。西人改易名目以衍其術。世遂奉爲絕學。餘姚邵子政昂霄通中西之術。推測布算。細析豪芒。手製儀象。西人見者咸服其精巧。著有萬壽樓圖編十六卷。專論天文算數之術。分十有四目。皆援引漢晉以來天官家言。及歐邏巴之說。頗爲精密。

歸安沈東南炳震。世居竹墩。爲東南望族。東南少時

卽泮。厲於學。爲諸生有聲。屢困場屋。遂謝舉子業。專攻古學。於經史子集。多丹黃鈎纂。考訂博辨。而新舊唐書合鈔二百六十卷。尤生平注力。積十數年而成。丙辰應

召試。不遇歸。後錢香樹司寇以唐書合鈔奏聞。奉

旨。付詞館。采取彙刻。頒布天下。時東甫已歿。可謂鬱於生前。榮於身後者矣。

歸州李雨邨。調元。乾隆癸未進士。改庶吉士。至丙戌

春。同年崇慶何希顏明禮計偕入都。抵寓甫一日。卽夢見李端坐堂上。然燭燔書。書中所載隱約皆官爵姓氏。煌煌大書。旁若有神護持之者。意此中祕書非人間有也。已而李散館。改吏部主事。始悟何夢中所見乃銓部官冊耳。

儀徵張孝女巧姑。父曰天相。病痺不能起立。兩兄傷他所。孝女獨與父居。乾隆九年正月十八夜。此鄰不戒於火。火延及門。孝女狂號負父出。未及門而仆。與父俱死。年甫十四。明日出其屍灰燼中。猶肩承父屍。

握父手弗釋。邑人建石幢。書孝女死。父狀請其處。謹

錄之以俟采風者。

按孝女事於嘉慶三年。縣丞申淑津瀆渠得石幢。聞於邑令。申大吏

入奏得旌典。都轉曾公燠爲文記之。并系以詩。後邑令屠琴鳴傳亦書其事。并作歌焉。

長清曾孝女衍綸。宗聖裔也。父尙增以庶吉士出爲

知縣。累遷知郴州。衍綸年十一。從父於官。母病痿不

能起。衍綸侍湯藥。凡四載不少休。衍綸憊甚。一夕母

請衍綸暫假寐。命老嫗秉燭侍幃側。火然及幃。老嫗

突出呼救。衍綸突火入抱母號。父自外聞之。趨至。亟

呼救者。挾衍綸出。衍綸啣其手至骨。挾者痛釋手。衍

輪大呼曰。速救夫人。夫人出我乃出。已復突火入。而煙羃林。救者不得入。遂與母俱燼。旣滅火。衍論身覆母。孽結不可解。此乾隆二十三年十二月乙亥事也。巡撫聞於

朝。得

旌如制。樹人爲祠祀焉。

乾隆二十九年。蘇州樂橋有李氏子。每晨澆菜於道。得錢以養母。一日拾遺金一封。歸而遺其母。發之內題四十五兩。母駭而卻之曰。汝一窶人。計力所得日

不過百錢分也。今什伯之不祥。且彼遺金者或別有主。遺鞭責死矣。促持至其所。遺金者適至。語以故。還之。其人得金立馳去。市人怪其弗謝也。聒之令分金酬賣菜者。其人不肯。詭曰。予金固五十兩。彼已匿其五。又何酬焉。市人大譁。有司過而訊之。佯怒賣菜者。鞭之五而發金。指其題謂遺金者曰。汝金故五十兩。今題四十五兩。非汝金矣。以授賣菜者曰。汝妄得吾鞭。以是償汝。且而母所謂不祥者驗矣。促持去。一市稱快。

宣城湯鵬千偉。康熙二十九年領鄉薦。至乾隆初始  
得選江寧教諭。年已七旬。天真爛漫。若童子然。夏月  
葛衣搖扇。與羣兒嬉。或上樹撲甍。童子環啖之。湯曰。  
盍謂苦敗者。償老子勞耶。其風趣如此。時學舍穿漏。  
每大雨。湯輒持徽坐承甍下。白髮淋漓。客駭問之。則  
蹙然曰。大成殿未修。先聖露沾。某敢卽安乎。紳士聞  
之。肅然。未幾爭相營構。宮牆煥然。

乾隆四十二年夏。劉文正公爲東閣大學士。早朝至  
東華門。在肩輿中端坐而逝。身垂玉箸長尺餘。戶部

尚書額駙福公隆安奏

聞。

高宗震悼輟朝。卽日

聖駕親至東直門

陽邸臨其喪。時文正子壻官江西按察使未歸。

上撫其孫慰之。諸大臣勸

上迴輿。

上哭至。

乾清門。流涕謂軍機大臣曰。朕失一股肱矣。可想見



聖主賢臣明良契合之盛。

乾隆三十一年。吳縣張酉峯書勳。以舉人就挑。得知縣。行捧檄出都矣。及會榜發。獲雋。

廷對。竟得大魁。以知縣中狀元。奇遇也。

相傳是年酉峯公車未發時。資斧無措。商於至戚某翁。翁故盛德。然力無以應。吳中有所謂七賢會者。每人各出金若干。以六赤置盎中。覆而三搖之。彩勝者先收金。而後稱息以償。數月一舉。編七人而止。翁有會已兩舉。尙未得彩。是月值會期。私念若得之。可百

金足以濟張用矣。然得失未能逆料也。屆期因僞爲疾。而約同會五人飲於其家。酒半將卜彩。令老姬傳語曰。主人畏風臥幃中。可延客至臥榻前奪彩乎。客曰諾。傳籌至翁名。遽呼持盞入幃中。客靜聽三響畢。持盞出幃外揭視之。六子皆赤。皆大笑曰。得彩得彩。勿藥有喜矣。客既散。翁蹙然曰。余生平不作欺人事。今爲張孝廉計。不得已出此。可愧耳。蓋翁預置瓊嬰與盞各兩。先列上彩色樣。易以示客。計在必得也。已而笑謂所卜之彩究竟何色。揭盞試觀。亦六子皆赤。

是年張捷南宮。人謂文星所照。融或助之。若某翁之  
不憚自污。以濟人急。其高遠不可及也。或曰此係某  
探花事。侯考  
錢塘王文莊公際華。乾隆乙丑一甲第三人及第。通  
籍三十一年。蒙

恩賞福字二十四幅。乙未冬重加裝滿。懸

賜第之東。顏曰二十四福堂。

太常寺署中。有蝴蝶黃色大如茶怨。吏人欲見之。呼  
曰老道。則飛至掌中。有欲害之心。則飛去。相傳自明  
嘉靖至今三百年物也。乾隆戊申冬。

高宗齋宿

郊壇詢太常寺卿。乃以盒盛進。有

御製太常仙蝶詩。

命仍送歸寺內。

米萬鍾得異石於大房。東牲載書以告。爾東薛岡。見之。復代石報米書。二書當時傳誦。以爲巖事。此石真置良鄉縣多年。乾隆間

命運至昆明湖之樂壽堂。

賜名青芝岫。有

御製詩。當日委諸榛莽。一旦託足蓬蒿。士之願致青雲者。觀此可以興矣。

贛州鄧慕濂。元昌。爲諸生有聲。年二十五得宋五子書讀之。遂屏棄舉子業。一以理學爲歸。慕濂有長兄。瞽而頑。大小事必稟而後行。後母性瑣刻。每怒慕濂。必長跪請罪。得解乃已。後母弟早夭。弟婦有子。請於慕濂。曰。感伯之德。願畱守待兒之有立也。慕濂泣拜之。自是遂不入處室。挾其子與弟之子寢於堂。課督之。慕濂有田在城南。秋熟視穫。挾小學書坐城隅。見

貧人子拾棄穗者。招之曰。來。汝母然近吾。吾教汝讀書。能背誦者。量穀與汝。羣兒爭眠就之。莫濂始則使識字。既使誦章句。既以俚語譬曉之。羣兒踴躍受教。既卒獲。羣兒噪曰。獲卒。先生且歸。奈何。有蒞者。自是每秋獲。羣兒輒就學焉。城南人無少長。智愚皆曰。我鄧先生。見有衣冠問鄧先生者。則曰。是我先生客耶。渴則進飲。飢則進食。市井人見慕濂過。必起立如弟子之敬師。長然。十室之邑。必有忠信。此其驗矣。

長州沈立方執中。邑諸生。屢試不售。年五十餘。棄舉。

子業。循覽儒先傳註。有通內典。久之有省。題其室曰  
心太平居。作太平吟四首。以恬淡虛無分屬焉。其一  
曰。國太平。境無虎。家太平。人安堵。身太平。揚蹈舞。心  
太平。去城府。藝規田。逃稅戶。抱遺經。唾塵腐。山水綠。  
月三五。胡蝶夢。日卓午。四海大。齊樂土。三萬場。畢史  
部。子孫魯。篤斯祐。天甚普。人何苦。其二曰。國太平。學  
無悞。家太平。蔬滿圃。身太平。隨左右。心太平。泚聲臭。  
一瓢飲。安且富。五柳風。入寬袖。繁華夢。牛馬走。錦繡  
林。嚴霜帝。醉山水。不在酒。淡蕩友。對清畫。疏松奏。長

眉壽石可漱。居何陋。其三日。國太平。聖神代。家太平。  
高曾在。身太平。退藏會。心太平。絕瑕纈。一炷香。無晨  
晦。半輪月。空里礙。幾點煙。渺秦岱。想非非。夢環珮。耳  
到順。通天載。原出峽。放宇內。雲可裁。鏡相對。紛藻繪。  
休滓穢。其四曰。國太平。魏蕩天。家太平。寧謚邊。身太  
平。無事仙。心太平。不二禪。仰碧落。識太元。俯混茫。忘  
魚筮。浮雲去。何處牽。清虛來。自在眼。繪聲手。不在川。  
忘言詩。不著篇。浮漚幻。月輪圓。看轉旋。識幾先。頗有  
康節行窩。伊川擊壤之樂。



吳縣周景曾聖與。每以盡倫爲窮理之實。嘗榜其室曰。學喫齋。事快活。

長洲何滙山。紅邑諸生。常佩一囊。一箠。途中見字紙。粒米必拾取之。家貧課徒自給。而性好放生。有餘輒濟親友。人以窮。孟嘗目之。晚耽禪悅。八旬外猶健飯。日行五六十里。不知疲。時

高宗詔錫老榜官。滙山年例應得檢討。人勸之試。曰。吾福相薄。驟邀

恩賜。恐生災患耳。嘉慶初。奉

詔舉孝廉方正。當道將以滬山名應徵。辭曰。捫心自問。字字負疚。何敢冒爲。且不就老科。而就制科。更折福矣。年九十有七。無疾而終。

長洲余仲林。蕭客。與汪竹香。元亮。周定生。琳。以道義文章相切劘。所著五經鉤沈。彭大司馬采以進呈。奉旨入四庫全書。儒林重之。

崑山張潛文子焯。早歲有至行。父疾。割臂肉和藥以進。父歿。終身孺慕。弗衰。性好施。出私財爲族人親戚營葬。不計數。漆工祁天章者。年四十。貧不能娶。張與

金勸令娶。郝諾受金去。明日過郝。察其容甚戚。詰之。不肯告。詢其鄰。曰。是以金歸而道遺。張反其金如前。往語之。曰。爾有遺乎。曰。否。如是者三。張曰。爾欺我。出金袖中。曰。此非爾遺乎。郝大喜。以爲誠然。張又嘗遇賣菜傭。失了錢。忿欲死。張呼至家。令家人平菜而陰納錢菜中。錢墮地。張作驚曰。爾錢乃在。用是家中落。而施不喪。人呼之曰。慈善人。

江州崔進士念陵。需次京師。聘某姓女爲媵。爲妾。崔故貧士。歸家省親。不能俱載。寄媵於其母家。母強售

之於于戶某。娛求死不得。入門展拜。卽呼于戶爲父。而訴以故。于戶義之。不奪其志。仍以歸。崔人頌于戶之高義。而娛之急智。亦不可及也。

靖逆侯張仁宗之配高夫人。詩才清絕。張侯家財數百萬。以好客喜施。不二十年而罄。薨逝後。其子謙襲職。貧不能支門戶。太夫人示以藏鏹處所。發之得三十萬。賴以資用。蓋侯在時。太夫人已逆料之。而預爲地也。其識力有過於丈夫者。豈復尋常閨閣中所能知。

六安夏秀才寶傳。少任俠。出雅爾廬公之門。廬請成。僮僕無肯從者。夏奮然往。居三年。廬蒙

賜銀。始與俱歸。厚贈以報之。不受。人以此高之。乾隆庚子科。以年過八十。

欲賜舉人。

杭州吳修撰鴻。視學湖南。壬午科典試者。爲嘉定錢竹汀大昕。韓城王偉人杰。三公皆衡文巨眼也。諸生出闈後。各以闈卷呈吳。吳所最賞者。丁姓。丁正心。張德安。石鶴翁。陳聖清五人。曰。此五卷。失一。吾此後不

復論文矣。榜發之日，吳使人走探，俄而鈔榜來，自第  
六名至末，僅有陳聖清一人。吳劾皇莫釋，未幾五魁  
報至，則四生已各冠其經矣。吳大喜，一時省下傳爲  
佳話。

乾隆五十二年，貴鎮李尚書世傑督蜀，令民沿城皆  
植芙蓉垂柳。今皆合抱。花時爛若雲錦。人比之召伯  
甘棠云。

往在成都見三異人。其一曰賣回子，係西域回鶻人。  
鬚顏鶴髮，類有道之士。住禮拜寺。冬夏不設茵席。以

小石子堆一坑。夜則兀坐。日則閑遊街市。出言元奧。人莫能曉。饋以食。有受有不受。其一日徐瘋子。語音類秦人。疥癬滿身。行乞於市。夜則棲身東洞子門。途見所棄死猫鼠。則攜回燒之供殮。病者向索藥。徐隨手拾土石與之。服無不立愈。其一日笑和尚。終日不言。見人惟一味憨笑。喜吸煙。向人索之。其人必多吉利事。故人爭與之。轉有固卻者。居寶光寺。寺僧惡其嬾。故遲其飯。或未明卽食。及舉箸笑和尚。輒在鄰有張裁縫者。訝其非常人。俟其出遊。必瞞之。一日笑和

尚忽謂張曰。爾寒暑無間。俟吾六載。必有所欲。但吾性嬾。不耐爲人師。有徐癩者。道行高。堪爲爾師。我當送爾至彼。卽偕往。適徐爇火炙死鼠。飲白醕。遙見之。青笑和尚曰。爾不耐爲人師。又何苦拉別人乎。言訖大笑。時朔風正勁。城門外寒氣更甚。笑和尚與徐皆赤足露頂。將及三鼓。徐脫身上破衲與張曰。服之可禦寒。張披之。奇煖而香。後徐張與笑和尚同日不見。惟賣回子至今尚存。

長白那蘭長海。父爲鎮安將軍。以



恩蔭宜得官。引疾不赴補。愛易水之雷。終築室居之。  
自號雷谿居士。吟詠不輟。嘗襲裘弔所親喪。見其貧。  
不能辦。卽解裘與之。歸中途見異書。亟欲買之。又解  
其裏衣以質焉。由是得寒疾。伏枕夷然。李冒山嘗贈  
詩云。二月輕寒擁鹿皮。人間獨有馬卿癡。夜來竈底  
無燂火。自詠梅花絕調詩。可想見其人矣。

奉天子紫亭宗瑛爲襄勤公之孫。乾隆甲戌進士。改  
庶吉士。歷官至御史。性簡淡。不趨榮利。所在掃地焚  
香。似韋左司之爲人。詩筆沖淡。亦酷似左司。著有來

鶴堂集

胡恪靖公寶瑛。世居徽州。父官松江府教授。遂家焉。生公之夕。教授公寓居王文成公祠。夢文成手一金軸曰。五十年後。煩送吾鄉。乾隆十六年。恭扈

聖駕南巡。至會稽。

御祭王文成。

命公賫金軸讀祝堂下。方知前夢之徵也。

恪靖公未遇時。赴禮部試。有友人託其代賫文書。投部者。爲奴子誤事。致愆期。其人不得與試。公知之曰。

五鼎。吾友不得入闈。吾安忍獨試。遂不入闈。尋考校中書。歷官巡撫。

明倫新語卷十二終

聖朝新語卷十二



寧朝新譜卷十三

古欽 余金 德水 軒

乾隆二十六年。

皇太后八旬萬壽。

賜三班九老宴遊香山。次日

命畫工艾啟蒙繪圖。文職九老。顯親王衍璜。恒親王  
崇志。大學士劉統勳。協辦大學士宮保。吏部尚書訥  
庸。戶部尚書素爾訥。刑部尚書楊廷璋。刑部侍郎吳  
紹詩。工部侍郎三和。武職九老。都統日格。曹瑞。散秩

大臣國多歡甘都副都統伊崧阿薩哈岱山李生輝富  
僧阿色瑞察致仕九老刑部尚書銜錢陳羣內大臣  
福祿禮部尚書陳恩華兵部侍郎彭啟豐禮部侍郎  
銜鄒一桂副都御史呂熾內閣學士陸宗楷詹事府  
詹事陳浩國子監司業銜王世芳此

國家

崇禎之曠典亦山靈未有之奇遭也

乾隆十三年九月

上御集鳳軒集侍衛於大西門樓校射

上親發二十矢。中十九矢。有集鳳軒紀事詩勒石。齊  
召南大西門觀。

御射恭紀詩云。曠曠初日照西山。百尺樓開紫翠間。  
御苑經寒欣草淺。秋風講武值農閒。虎熊的畫君臣  
鵠。鴻鷺蜂分左右班。何幸此時叨侍從。大弓親親  
至尊轡。侍臣如堵並呼嵩。巧力分明不可同。容節申  
和。

天子射。弛張高下。

聖人已。曾聞作賦誇雙兔。更說題詞數六熊。何似我

皇能百中。閒臨嬰相教羣工。

御園十種蒲桃。一伏地公領孫。二伏地黑蒲桃。三伏地瑪瑙蒲桃。四哈密公領孫。五瑣瑣蒲桃。六哈密綠蒲桃。七哈密紅蒲桃。八哈密黑蒲桃。九哈密白蒲桃。十馬乳蒲桃。翰苑諸臣時蒙恩賜。恭紀詩甚多。不及備錄。

康熙中

欽定古今圖書集成一萬卷。凡三十二典。曰乾象典。歲功典。歷法典。庶徵典。坤輿典。職方典。山川典。邊裔



典皇極典官圖典官常典家範典交誼典氏族典八  
事典閭媛典藝術典神異典禽蟲典草木典經籍典  
學行典文學典字學典選舉典銓衡典食貨典禮儀  
典樂律典戎政典祥刑典考工典每典復分門類其  
六千一百九部計書五百二十函又目錄二函年久  
銅字殘缺過半乾隆三十八年易以木字印四庫書  
應刊樣本。

賜名聚珍板有

御製詩。

乾隆三十八年奉

旨特開四庫全書館。翰林院爲辦理處。

武英殿爲繕寫處。白

殿板館書外。

詔徵天下遺書共一萬三千七百二十五種。舊存明代永樂大典殘缺幾半。

命詞臣分類纂出整書八十五種。散片二百八十四種。分存書存目二項。纂輯提要以該一書大旨。按期輸進書之佳者。皆蒙

御製題詞以冠簡首。其四部條目與前代稍異。經部十類。曰易。曰書。曰詩。曰禮。曰春秋。曰樂。曰孝經。曰四書。曰總經解。曰小學。易類別卜筮。入子部術數。禮類別歷代儀注。入史部故事。樂類別宮調。絲竹。小學類別八法。俱入子部藝術。史部十五類。曰正史。曰編年。曰詔令。奏議。曰別史。曰雜史。曰傳記。曰史鈔。曰載記。曰故事。曰時會。曰地理。曰職官。曰政書。曰目錄。曰史評。雜史類別瑣碎記錄。入子部小說。雜家。子部十四類。曰儒家。曰兵家。曰法家。曰農家。曰醫家。曰天文。

算法曰術數曰藝術曰譜錄曰雜家曰類書曰小說曰釋家曰道家集部五類曰楚詞曰別集曰總集曰詩文評曰詞曲其編錄敘次遵奉

諭旨經首易注史首史記子首老子集依時代而

聖祖

世宗

皇上御製集冠於

本朝集首每庫繕寫四分。倣浙江范氏天一閣式。建文淵文源文津文溯四閣貯之。並有

御製記。又擇其精醇爲摘要。詞全書三之一。繕寫二分。一藏

大內。一藏

圓明園。凡編錄十三年竣事。四庫共有書三千四百六十種。計七萬五千五百五十四卷。輯簡明日錄以便精覽。原本仍貯翰林院內。此古今來未有之大觀也。

乾隆甲子。

御製貢院詩有從今不薄讀書人。言孔孟言大是難

王

之句。一時士林傳誦爲之感泣。張南華鵬翀和詩云。  
添得青袍多少淚。百年雨露萬年心。蓋紀實也。

乾隆二年

命易蓋國子監

大成殿屋瓦改用黃瓦。乾隆三十年

欽頒禮器儀尊一。雷紋壺一。子爵一。內言卣一。康侯  
鼎一。盟盃一。雷紋觶一。召仲卣一。素洗一。犧首鬲一。  
皆周時法物。

命陳設殿庭

乾隆五十年建

壁雍宮於國子監集賢門內。宮四面出向。周以環池。有橋四。前有碑亭二。是年二月上丁。

高宗親行釋奠。

臨雍講學。舉行

盛典。有

御製國學新建辟雍園水工成碑記。

御製上丁釋奠後臨新建辟雍講學詩四首。

御製三老五更說。皆勒石。諸臣皆有

聖主臨雍禮成恭紀詩。

乾隆九年

詔編

內廷祕笈爲天祿琳琅。乾隆四十年重爲補緝。以經史子集爲綱。以宋金元明刊版朝代爲次。其一書而載數本。用遂初堂書目例。詳其題跋姓名。收藏印記。兼用鐵網珊瑚例。至各冠

御題。品評甲乙。則自來冊府儲藏。未聞斯盛矣。

襲封簡親王德沛。貝子福存之子。應襲封鎮國將軍。



讓與從子而已。託疾入山讀書。

### 世宗朝

召見。問所欲。曰。願得側身孔廟。分符豚之饋。

世宗重之。授兵部侍郎。

高宗登極。遷湖廣總督。調任江南。尋內擢尙書。襲封簡親王。常詣成均講大學。橋門俯聽者千餘人。皆悅服。助教河間王仲穎之銳前曰。猶未盡。王請益。曰。自天子以至於庶人。一節。聖經用矣。其本亂以下數語。乃重申之。以見吾儒所以異於二氏之義。王欣然拊

謝賢王之虛己好學。從可想見矣。

崑山朱以載厚章。天資超絕。五官並用。嘗於座間手錄孝子傳。而令二人左右隅坐。各操紙筆。口授令書。一成駢體序文。一成長律。已而各書竟。合座傳觀。詩文俱工。所錄孝子傳精楷。無一訛字。真奇才也。著有  
多師集。

丹徒余文圻京工詩植品。沈歸愚宗伯與訂車笠交。栢鄉魏念廷觀察愛其詩。欲令往見。文圻曰。往役義也。以詩爲羔雁非禮也。卒不往。以布衣終。著有江干

詩鈔。

元和蔣震教會。有至性。父子宣病。肢體卷曲。中夜含淚。拊摩。跪中庭。籲天求代。風露所侵。得濕氣病。又迎醫至數百里外。觸炎暑。犯霜雪。如是者數載。竟以瘵疾卒。士林以其少年死孝。咸惋惜焉。

錢唐諸生徐爾熾之配汪氏。年二十二歸於徐。事舅姑以孝聞。甫七月而夫卒。汪誓欲殉。維經者再。綱輒中斷。將自剄。小婢矚知之。以告舅姑。亟救之。時汪已孕四五月矣。舅姑諭以宗祀爲重。乃泣受命。閱五月

遺嗣維康生及長。躬親課讀。維康有聲庠序。娶婦藍氏。七年甫有娠。而維康遭疾。藍禱於神。請以身代。剗臂肉以和藥。卒罔效。藍絕粒欲死。姑從容諭之曰。余延未亡之命。以至於今。爲遺嗣故也。汝歸我家七年。未生子。今復有娠。若男也。則徐氏血食又綿延矣。語未竟。婦姑皆哭失聲。踰三月而生子承恩。家益落。藍養姑訓子。衣食膏火之資。盡給於十指間。因積勞成疾。注六十六歲卒。守節四十四年。藍五十八歲卒。守節三十年。承恩既成立。自於育司請。

旌如例。抗人至今稱。徐氏兩世遺腹。不絕如縷。實有天幸。傳曰。明德之後。必有達人。吾知其嗣之必昌矣。會稽吳鑑。南璜。徵士。撰存之子也。少負詩名。力學不倦。乾隆庚辰成進士。榜下授主事。改官四川重慶府通判。殉木果木之難。篋中有黃琢山房集。令家人懷之。脫出。曰。我死弗令此詩失。其同年友畢制府沅爲序。而刻之。

汜水縣東南四十里。有山名曰五雲。高絕千尋。形勢巖嶮。與二峯蘭若東西相峙。中忽聳起。闕一邑旺氣。

上有古清涼觀。汜水人土或讀書其中。每見白雲入戶。因名五雲觀。有浮屠九級。不知建自何代。明宣德中。有雷姓者。利其磚。毀之以爲觀中階基。其中得石徑尺。泐曰逢雷必破。土人神之。至今以塔山名。絕頂有泉曰野狐竇。水從石罅出。不溢不涸。宛轉層崖。怪石間亦水之奇者。乾隆癸未。挑賈魯河。查探水源得之。始纂入縣志。

打箭鑪在成都西南九百二十里。相傳蜀漢諸葛武侯南征。遣偏將郭達造箭於此。山脊有郭達廟。極著。

靈應。土人敬奉維虔。天文牙野并鬼之域。爲中華之極西。西域之極東。天時多寒少暑。層巒峻嶺。峭壁懸崖。中間爲過河。形勢險峻。

本朝添設軍糧驛。分駐鑪城。專司夷務。兼理五台糧運。明正土司甲克木參向駐於此。轄十二鍋莊。約東新附土司。乾隆丙午。

敕建惠遠廟於城西山麓。金碧輝映。光照山谷。番民所居。兩樓亦極宏壯。鑪定橋在飛越嶺西南六詔孔道。橋跨兩山間。瀟水經其下。不施梁柱。鎔鐵鍊爲橋。

每鍊重二千四百觔。長二十四丈有奇。濶六丈。以九鍊爲橋身。四鍊爲護欄。欄穿小鍊如卍字形。畧鋪薄板以濟行人。每板離尺許。滿則恐爲狂風鼓蕩。兩崖埋鐵柱四。橫木以縮鐵鍊。每柱鑄鍊柱觔重。每柱重四萬八千觔。天全州有王姓者。世業鍛。能懸鑪於鍊。鼓鞴施鎚。名曰飛火。遇有損壞。輒召合與修。他姓不能辦也。

巴塘沃野千里。水泉環繞。日麗風和。豁人心目。物產類中土。西行十里。有河曰竹巴龍。卽金沙江之上游。



北通孔宜土司。南與滇之麗江接壤。有土司二。以轄番衆。前明授以宣撫司敕。秩二品。長曰阿什錯。副曰阿什滾。曾隨肅勇公福祿。臺征林爽文。屢立戰功。乾隆丙午。臺澎平。論功入奏。

賜奇勇巴圖魯名號。以寵榮之。臨陣用烏鎗。能及遠。二百步內。擊人無不中者。捷如猿猴。所向披靡。夷民懾服。暇則邀漢官大賈。至塞宴飲。度曲。恂恂儒雅。不類夷產。

西藏古曰烏斯藏。卽唐古忒。前藏名曰布達拉。距京

師萬里。乃坤維極遠之地。天文入井三十度。四時觀  
北斗。祇見其半。南極出地十六度。唐高宗以宗女文  
成公主妻其國王。始封爲海西郡王。康熙五十九年  
平定西藏。

叔封康濟。羅爲貝勒。阿爾布爲貝子。隆布羅爲公。頗  
羅。羅以軍功。登邊

恩命。封至郡王。領藏事。子孫世襲焉。乾隆十五年。謀  
逆。代誅。藏王之爵遂除。

高宗以其地

賜達賴喇嘛管轄。以後藏屬班禪額爾德尼佛宮轄。國人酷信佛法。白改封後頗稱寧謐。班禪住扎什倫布。距前藏一千餘里。乾隆四十五年入覲。

高宗純皇帝賜四體字玉冊玉印。五十九年仍還扎什倫布駐錫。其地與廓爾喀接壤。故貿易多西洋貨物。行使銀錢。每枚重一錢五分。面鑄乾隆藏寶四字。五十八年奏准在藏設局鼓鑄。

賜名寶藏局。由四川總督派員往董其事。

乾隆四十一年奉

敕撰勝朝殉節諸臣錄十二卷。凡三千六百餘人。分專謚。通謚。祠祀三等。人各錄其事跡爲傳。仰見聖人之心。大公至正。視天下之善如一。不以異代而岐視也。

乾隆四十三年奉

敕撰西清研譜二十四卷。凡陶之屬六卷。石之屬十五卷。共研二百。爲圖四百六十有四。附錄三卷。則今松花。紫金。駝基。紅絲。仿製澄泥諸品。共研四十有一。爲圖百有八。每研皆正背二圖。亦間及側面。凡

御題及諸家銘識。一一鉤摹精好。自有研譜以來。無如此之全備。

乾隆丁未。庶常散館。

欽定賦題太液池人字柳賦。以題爲韻。謹按人字柳在太液池。乾隆間。風吹一枝著地。本株傾欲倒。命以折枝撐拄。旣而成活。與本株作人字形。因以名之。有。

御製賦并詩。伏讀。

御製句云。借問人稱誰氏。依稀彭澤先生。可想見此。

柳之風致矣。

陶南村輟耕錄載。黑玉酒甕。玉有白章。隨其形刻爲魚獸出沒波濤之狀。其大可貯酒三十餘石。徑四尺五寸。高二尺。圍圓一丈五尺。至元二年告成。敕置廣寒殿。由元迄明至

本朝。垂四百年。此甕委棄人間久矣。乾隆十年。重進於

朝。奉

敕。建石亭於承光殿之南以貯之。

御製玉甕歌銘於甕內。

內廷翰林恭和詩甚多。秀水鄭吞松虎文詩云。天啟聖瑞玉發出。惟聖克受。昭聲敬。臣愚未覩法宮寶。伏

讀

膚藻心爲慕。甕廣三尺容五石。隨形凹凸淨圓荷。刻畫類鑄鼎象物。長風蹴踏萬里波。眩涎怪霧走蛟蜃。呀呷睽矚騰龍鬣。陽冰不冷陰火圓。怪變滅沒吞江河。伊誰剗剗運鬼斧。或巨靈掌與剛柯。吾思此玉當在璞。塊然萬古藏嵒岨。百靈孕合歷太極。潤及草木

輝巖河。原爲聖役剖鑿出。宛轉人世襲白窠。那知德薄不能有。供玩耳目羞媿媿。如延津劍泗水鼎。神物終化理不識。於時恭承

陛下聖。萬方獻瑞聲。猗那。人無遺賢物。鮮藜希世寶。肯終煙蘿。熊熊龍氣光燭夜。乃迹而得歸。搜羅轉

救內府。輸朽貫。千金易致駟馬馱。陳之廣殿重圖前。莫如金獸無傾顛。龍翔鳳翥發

天唱。四十八人鳴相和。嗚呼。隱見會有遇。委棄道院歲已多。冬菹實腹泥沒足。學士馮中資吟哦。拂拭偶



及光萬國。經天不掩同義。甄幽救隱。奇深慨。前其  
會者空摩挲。異物且貴。况有士。努力

盛世無蹉跎。此詩奉

教鐫勒石亭楹柱。

按鄭詩與輟咄錄所載廣大容受  
之數互異。未知孰是。存以俟後。

長白祥菴圃。乾隆丙戌進士。由工部主事累官至  
布政使。嘗作酒筵詩云。送客船停楓葉岸。尋春人指  
杏花樓。都下盛傳。戲呼之曰祥酒筵。

滿洲烈婦希光。吏部尚書協辦大學士永貴之媳。員  
外郎伊嵩阿之室也。夫病割股以療。不驗。矢以死從。

周女弱無依。悲詒舅姑累。苦守十年。女嫁之次日。賦七言律詩二章見志。自縊死。翁錄其詩奏上。獨之。

特予旌。遺稿多有可採。鐵尚書保選入。

熙朝雅頌集中凡二十首。其烈婦歎二首。爲大學士舒文襄子婦棟鄂氏作。蓋自傷同志也。

長洲黃協周林。事親至孝。以病寤於北斗。願以身代。積四十九日。方假寐。忽聞異香。幡幢徹空下。中擁神人如世所自斗母狀。呼其名曰。爾誠孝。奈爾母數盡。

何黃搏穎哀求。神曰。憐爾孝心。當延爾母數旬壽爾。已而果然。

長洲林煜奇。蓄鍾少孤嗜學。年十八補諸生。乾隆戊子舉於鄉。性惻悌。族人自親死不能斂者。與之錢爲具棺木。同年生死遺寡。貧且病。貸金周之。交友以急告者。傾囊與之。不足則出所藏卷軸。使質錢爲用。久而不歸。亦未嘗往索也。與人同行。人指所藏妓門曰。吾故人家也。牽之入。見粉黛者。覺其相。輒引去。或招飲於舟。酒半呼妓子。則辭以渡。登岸脫歸。其在鄉

獲深如此。後兩選得教諭。年二十九卒。長子衍潮。敦行力學如其父。甫得一衿。遭嬰瘵疾以卒。年僅二十

六。大之所以待端人者。顧若是耶。按林君次子衍原

傳。衍朝之子。奕構。少年英雋。今俱為邑中名講生。其所成就。正未可量。然則彼蒼所屬。或在此不在彼耳。

吳縣顧童子。年九歲。遭母病且殆。藥不效。童子窘。從

鄰家賃雞髮刀歸。止戶外。蒸火煮湯。持刀割肱肉投

鑊中。會母呼湯。傾盞中以進。母飲之。病良已。童子袖

筒。血漉漉出。恬然無所苦。母病起。童子創亦合。上海

舊御史鴻書為之記。

趙雲松翼未第時。其戚張某爲女鬼所祟。醫藥罔效。趙往省之。坐其榻上。張恍惚聞小語曰。趙探花至矣。始避之。及越出。崇如故。張家苦求趙。襪被宿其處旬日。頗安。趙歸家。崇大作。而張竟不起。趙登乾隆辛巳一甲三名。官至通西道。

吳縣諸生陳和叔黃中。少通敏。長於史學。深究前代治亂往復所由。以達於當世之務。發爲文。磊落不可控制。乾隆丙辰。應博學鴻詞科。

廷試未取。客游燕齊。豫楚。閩浙間。時

高宗純皇帝登極之初。中外大臣仰承

聖意。延致天下豪俊。虛衷諮訪。和叔故善海寧陳相國。因上書論用人理財治兵三大事。其條用人之目有十。曰分科取人。曰慎擇舉主。曰重名節。曰辨邪正。曰加俸。曰汰冗員。曰寬法網。曰覈名實。曰懲貪。曰酌道里以銓選。條理財之目有六。曰定旂制。曰權錢幣。曰興西北水利。曰輕征權。曰減漕粟。曰定鹽政。條治兵之目有六。曰謹邊防。曰嚴海禁。曰練士兵。曰修軍器。曰簡帥臣。曰加月餉。相國建其言。會

詔求骨鯁質朴之士。相國欲舉之。和叔辭。已而倦游歸里。下帷著書。成宋史藁一百七十卷。又著新唐書刊誤。

國朝謚法考。殿閣部院年表。督撫年表。十餘卷。詩文集四卷。貧不能付梓。年五十九卒。不能治喪具。親友以金贖者。妻張固卻之曰。柰何以貧故傷夫子義。遂齋居以葬。其展氏之風歟。





熙朝新語卷十四

古歙 余金 德水 輯

乾隆十六年三月初十日奉

上諭朕時巡至杭州

禹陵在望。緬惟平成之德。萬世永賴。

皇祖聖祖仁皇帝曾親祀焉。爰東渡浙江。涉會稽。式  
遵

皇祖舊典。躬薦饗於宇下。厥有姒氏子。姓世居陵側。  
應世子八品官奉祀。該督撫擇其有品行者一人充

之以昭崇德報功之至意。欽此。欽遵。由閣部移咨督撫。行據司府縣結報詳題。請將如恒旬世襲八品官奉祀等因。到部具題。奉

旨。准行。

乾隆二十二年二月二十八日奉

上諭。朕昨至浙江省城。禮部未奏請遣祭已故大學士徐本。詢其故。則以未入賢良祠例不致祭爲對。徐本。本。歷事

兩朝。宣力多年。勤慎懋著。卽如前者過常州時。已故

巡撫潘思榘。禮部尙猶奏請。徐本視潘思榘爲何如耶。朕巡幸所經郡縣。名臣舊輔皆卽致祭。乃國家念舊。酬功之典。該部自當慎重辦理。何得膠柱鼓瑟。乃爾。徐本著入本省賢良祠。並著該部奏請遣官致祭。欽此。卽見。

國家眷念舊臣。有加無已之至意。凡在臣工。宜如何感激奮興耶。

乾隆十六年

聖駕南巡。進治河方畧之生員俞墀。

賞緞一疋貂皮二張大荷包一對進詩賦之吳楷顧  
于觀姜倫元王世球于堯臣各

賞緞一疋大荷包一對其餘王新銘等十五人各

賞大荷包一對原任太僕寺卿張映辰編修梁啟心

各

賞緞一疋貂皮二張續進詩賦之魏近思等二十名  
各

賞緞一疋荷包一對廡長明等五十二名各

賞荷包一對二十二年

聖駕南巡。進獻詩賦書畫人員。進一冊者。

賞緞一疋。進二冊者。

賞緞二疋。其進

萬壽生生圖之羅學日。進蘇詩補註之查開。各

賞緞四疋。二十七年

聖駕南巡。進獻詩冊之胡紹鼎、李宗、袁王、誠、吳燦英。各

賞大荷包一對、小荷包二個。進獻黃山圖之員外郎許蔭材。進獻龍井見聞錄之舉人汪孟鈞。各

賞緞二疋。進獻畫冊之監生朱方藹。童生呂錦。說言世承各。

賞緞一疋。進獻唐詩之李清馥。

賞緞二疋。三十年。

聖駕南巡。進獻詩賦之湯世昌等二十人。各

賞緞一疋。承辦金山墨刻之程堂、姚思康。各

賞緞二疋。江廣達。

賞貂皮四張。大小荷包各一對。以上俱見

南巡盛典。後自庚子至甲辰。

變輅經臨。行慶施惠。不勝殫述。

乾隆二十七年。李鶴峯因培督學江蘇。按試淮郡。方  
唱名時。地忽震。西風大作。轅門外旗竿被風刮入雲  
中。不知所往。時河湖盛漲。水與高家堰平。西風加勁。  
淮揚危在頃刻。河督以下各官面色如土。方恐怖間。  
忽轉東風。天低若蓋。見有黑龍在雲中。修尾下垂。湖  
水上吸。一炊許。避兵來報。消水三尺。衆心大安。與試  
諸生歡聲雷動。石埭縣教諭沈公月擊其事。  
紀文達公時。中乾隆丁卯順天解元。二場表題擬乾

隆十一年

上特召宗室廷臣分日

賜宴瀛臺賦詩聯句賞花釣魚

賜賚有差羣臣謝表紀作高華典貴進呈

御覽其詞曰伏以

皇慈霽洽雅叶夫酒醴笙簧

聖渥天浮道契夫廣歌巖拜秋深桂苑蓼蕭沾濃露  
之華日麗縉峯葵藿依太陽之照集公姓公族以式  
燕玉牒生光合大臣小臣以分榮冰衛動色靈槎入



月。其同海客之遊。廣樂九成。似返鈞天之夢。屏藩有  
慶。曾祖騰歡。臣等誠惶誠恐。稽首頓首。上言。竊惟世  
道昇平。著太和於有象。朝廷清暇。敷愷樂以無疆。鼓  
吹休明。必有詠歌之作。潤色鴻業。爰申燕樂之文。故  
象協鳳梧。誌卷阿之雅會。興傳魚藻。留鑄邑之遺風。  
鹿鳴以下。共六詩。君歌臣答。白華而後。爲一什。誼美  
恩明。天王燕則。諸侯主司。儀夙傳其職掌。正歌備而  
太師告。禮經亦著爲典章。在先王皆具有明徵。及後  
世乃別名曲宴。相與臺上。藩封以迨於郎官。荀荀宮

中宰執兼隨以學士。五王共宴。花萼樓頭。二等分評。曲江亭畔。咸亨之會。二王同太子俱從。麗正之筵。兩相暨禮官咸在。情契荆枝之句。興慶移鑿。詩吟花柳之天。樂遊置酒。莫不燕衍於暇豫。用以祝頌夫太平。然而大陵享神。歸藏既誕。洞庭張樂。莊叟尤夸。汾水新詞。不入西山之錄。瑤池舊事。浪傳汲冢之書。雖有其文。蓋無足道。至於寧哥噴帝。黃旛綽於以解。曠婉兒評詩。宋之問闕其警句。研光帽小。汝陽旋舞以替花。飛白書成。常侍登牀而乞字。每嫌輕薄。豈曰風流。

未有沐浴深仁。醉以酒而飽以德。昭宣盛典。禮同節。而樂同和。如今日者也。茲蓋伏遇

皇帝陛下。虹壁當陽。龍圖啟運。澤洽四表。薰風入舜。帝之享。德詭入荒。瑞露浮高。宰之藝。雲生牖。松生棟。無爲宰萬化之原。樂爲御。德爲車。有道識一人之慶。罔已民康物阜。不殊華胥之遊。遠又邇安。宛似春臺之樂。九年耕而二年食。世登合哺鼓腹之天。十日雨而五日風。人識位育中和之化。史官載筆於玉署。頻登大有之書。

天顏有喜於璠階。爰下推恩之典。用相交於上下。務兼備夫情文。乃移法駕之清塵。焚香灑酒。聿舉遷殿之高會。鼓瑟吹笙。乘泰運者百三年。再行曠禮。過中秋者十二日。先及懿親。或慶衍於螽斯。或派分於麟趾。文昭武穆。盡周家子姓之班。東平河間。皆漢室宗盟之望。昔年故事。會裁桐葉以分圭。此際遺筵。更叶棣華以待宴。未央二十萬之賜。方此未多。唐皇十六字之榮。覺其尙陋。迨乎翼日。遂及羣臣。落望後之仙。冀尙餘兩葉。問重陽之瑞菊。尙隔十朝。則有輔弼依

垣列三台以拱極。卿士惟月。分九道以從星。鴈鸞集  
藜閣之英。鰲峯日曉。獬廌政栢臺之繡。烏罽霜寒。官  
司鹽梅。俱陪嘉會。班聯槐棘。咸預清行。職盡清華。鄭  
鮮之未容啟事。人兼風憲。李栖筠亦得從遊。儀肅冠  
裳。列分左右。時乃仙車九九。降來五色雲中。玉佩雙  
雙。隨過百花橋上。參差貝殿。疑浮弱水之三千。隱見  
珠樓。似見崑崙之十二。滄洲曉氣。化爲宮闕之形。聞  
閨秋風。吹入金銀之樹。舟浮太液。驚黃鵠以翻飛。帳  
啟昆明。凌石鯨而問渡。指天河之牛女。路接銀潢。寧

秋水之芙蓉。城闌香國。尋芳曲徑。惹花氣於露中。垂  
釣清波。起潛鱗於荷下。檀林瑤草。似開金谷之郁芬。  
桂餌翠綸。苦看銀盤之撥刺。大官賜膳。圖雲刻雷之  
尊。光祿傳餐。漬桂釀花之酒。青龍布席。白虎執筮。四  
溟作杯。五嶽爲豆。琳琅法曲。舜韶奏而鳳凰儀。渾穆  
元音。軒樂張而鳥獸駭。紅牙碧管。飛逸韻以干雲。羽  
衣霓裳。驚仙遊之入月。莫不神飛色舞。共酌太和。咸  
覺心曠神怡。同餐元氣。遂乃集校馬。呼應劉。歌詠清  
平。揄揚盛美。

天章首煥落一串之驪珠。

御筆高標扛百斛之龍鼎。寫天浩唱不推義繩以前。叢雲奧詞漫道媧簧而後。因之句成七字。仿漢事以聯吟。人賦五言。分唐詩而採韻。宮鳴商應俱協和聲。璧合璋分。細裁靡製。歌叶八伯。盈廷依紉纓之華。頌出九如。聯袂上岡陵之祝。當此颺言以拜手。彌增嘉慰於

宸衷。鴛綺七襄。抽仙絲於香草。鸞巖十色。分妙製於桃花。織天女之金梭。名高蜀郡。研吳都之銀粉。價壓

膠東玉井波寒。灌瓜桃於懸圃。鐵舡渡遠。分蓮藕於  
華山。帶去歸鞍。香拂青絲之籠。傳來中使。光搖赤玉  
之盤。皆得攜出人間。爭識來從。

天上西苑賜遊之佳話。曾何足云。北門侍宴之恩榮。  
無能過此。笑貞觀豐年之慶筵。啟丙辰。陋開元麥秋  
之登樽。移端午。千秋曠禮。萬古奇逢。洵哉遊豫之風  
允矣。秦交之象。臣等才同樗櫟。器謝棟梁。藻有愧於  
授天。賦未堪以擲地。濫列金章之寵。叨分玉局之班。  
簪白筆而莫艾涓埃。侍黃門而多慚獻替。六翮雙鳳。



知黠竄之難工。九几五筵。屬遭逢之有幸。得與鹿苹之會。彌增鳧藻之思。伏願化洽郵降。治超臯古。無逸而乃可以逸。常軫夫康功田功。已安而益求其安。每惕夫一日二日。撫池臺之勝槩。則思靈囿之子來。對魚鳥之親人。則思妣王之咸若。觀九族之燕笑。則思自親睦以至平章。願千官之肅雍。則思正朝廷以及邦國。賞花而念貢花之非禮。勿信其小忠。垂餌而知食餌之不情。務察其大偽。供來芳饌。莫忘東作之耕人。捧出霜精。當壓西江之浣女。樂諧韶濩。致戒夫琴

慧之專。詩被管絃。務親夫風雅之正。則宮爲君商爲臣角爲民徵爲事羽爲物。音有五而協氣長調肅時兩又時。陽哲時燠謀時寒聖時風疇次八而休徵咸應。銀繩玉檢不數夫七十二君。玉燭金匱永因於百千萬世矣。臣等無任瞻

天仰

聖。激切屏營之至。謹奉表稱謝以

聞。按文達公其時年甫弱冠。場屋中乃有此瞻廟之文。洵不媿一代作手。

蔡嵩山相國奉

敕校四庫全書時。其幼孫誤吞鐵釘。醫家以朴硝等藥攻之不下。奄奄就斃。適校至蘇沈良方。見有誤吞鐵物方云。剝新炭皮爲末。調粥三碗與食。其鐵自下。依方試之。果炭屑裹鐵釘而出。乃知方技雜書俱有用處。蘇沈者蘇東坡沈存中也。宋人集其所論爲此書云。

曹來殷仁虎由

召試中書。登乾隆辛巳進士。在京師時。晝寢夢一偉

丈夫來拜。自稱黃崑圃。偕至一處。宮殿巍然。中有尊神。面正方著。

本朝衣冠。請曹入見。曰。吾三人皆翰林衙門官。只行後輩禮。不行僚屬禮。坐定。目曹曰。卿十一歲時行一犬好事。上帝知之。故特召卿到此受職。卿可卽來。曹茫然不記。幼所行何事。惟力陳家寒子幼。不願來。尊神意不懌。向黃曰。再勸掖之。語畢而入。黃笑謂曹曰。翰林衙門甚苦。何戀戀不肯來。卽曹又哀求至再。黃曰。我姑爲卿說情。或者可免。但卿以後逢火日不可

出門。慎無忘也。曹唯唯。因問尊神何人。曰張京江相國。問此間何地。曰天曹都察院。曹驚醒。後每出門必避火日。雖慶弔亦不往。數年後漸不記憶。乾隆三十三年臘月二十三日。嚴舍人長明邀曹至程太史晉芳家作詩會。俗以此日記竈。遂以爲題。席間酒數巡。曹伏案睡去。搖之不醒。客大驚。疑詩中有侮竈神語。故神示之謹。乃羣向竈神禮拜祈請。至三鼓曹始蘇。自言恍惚出門。如行泥沙中。身不知所泊。亦了無恐怖。忽見黑袍神迎面攔阻去路。因送之歸。次日取時

憲書閱之。二十三日乃火日也。曹後官至侍讀學士。卒無他異。

乾隆甲寅。四川解元黃多益。場前夢人示以題爲益者三友章。因改名應之。榜發果得榜首。

乾隆三十年。

高宗純皇帝巡幸江浙。訓導王世芳接駕。時年一百七歲。奉

旨賞給匾額並

寶緞二疋。三十六年。人都恭祝

皇太后萬壽。時世芳年一百十三歲。

賜翰林院侍講銜。還鄉與第三子同行。白髮飄蕭。背轉僮僕。不似乃翁之矍鑠。問其年。曰八十五歲。又乾隆辛未。

聖駕南巡。有湖南湯老人來接。

駕年一百四十歲。

上賜扁額云古稀再度。皆

熙朝人瑞也。

無錫王晉川會汾。乾隆丁巳翰林。官至吏部侍郎。家

故貧。刻厲讀書。館選後猶鍵戶下帷。勤讀無間。人以爲難。癸亥。

御試翰詹第一。一歲三遷。游陟卿貳立。

朝蹇蹇。有古大臣風。

上方倚重。將鼻中樞。會京察自陳。舉侍講學士。齊召南自代。推賢讓能。朝野重之。

南豐李恭毅公湖。乾隆己未進士。由知縣累官至廣東巡撫。時番禺菱塘灣爲盜藪。出沒數百人。劫掠官民無數。大吏不敢問。恭毅下車卽躡訪得實。商之巴



總督廷三委汪臬使新廣州李知府天培率兵千餘人捕之。四面設伏。夜半鼓譟而入。直搗其巢。巢名老鼠山。三面臨海。其賊首梁亞香。聞風卽率其醜類拒捕。官兵躡躍爭先。擒其賊百餘人。亞香見勢不敵。卽遁至海邊。扳倒枯樹擲之海中。騰身抱樹而逃。汪命善泅者駕小舟追至海中擒之。奏聞。上嘉之。

命嚴鞠其黨。匝月獄成。其審得首從一百八十人。所劫數百案。磔於市。令鑄大鐵貓於老鼠山以鎮之。盜

風始息。粵人爲之歌曰。廣東真樂土。來了李巡撫。聖眷正隆。而積勞成疾。遂卒於官。斂時見其面目手足作黃金色。光耀照人。亦一奇也。

劉文定公爲相時。王司寇避庵以公事詣邸第商酌。時夜半。天寒甚。公呼三公子具酒脯。而厨傳已空。僅得白棗數枚以侑酒。公自愧其陋。然儉德如此。不可及也。

丙辰徵士武林桑穀甫之父文侯。家貧。性至孝。父病。膈醫者云。須羊脂和粥以爲餌。文侯每日侵晨市脂。

煮粥以供父。父歿。文侯抱鑪以哭。若孺子然。里人爲繪抱鑪圖。作詩紀其事。萬光泰一首最悲切。云羊脂數合米一勺。病父在牀惟噉粥。父能噉粥子亦甘。粒米勝於五鼎肉。升屋臯臯無歸魂。束薪斷火鑪寡恩。牀前呼父鑪畔哭。抱鑪三日鑪猶溫。嗚呼恨身不作鑪中米。臨歿猶能進一匕。謂鑪不聞鑪有耳。

高郵夏醴谷之蓉。雍正癸丑進士。由教諭膺薦舉入翰林。典試閩中。督學粵東。於治經外。亦以古文之學。兩省文風。因此蒸蒸日上。星輅所至。綜所見聞。繫諸

篇什。著有疏征集。歸田後仍日事丹鉛。手不釋卷。耆德盛名。學者以爲矜式。

會稽周學士長發。雍正甲辰進士。改庶吉士。散館。以知縣用。尋改教職。乾隆初由薦舉重入詞館。奉

命祭告嵩華江淮吳山等處。乞假省母。

恩賜內級豐貂。令歸爲母壽。極儒臣之榮。

華亭王燭齋祖庚。爲相國文恭公長孫。幼穎異。公愛其類己。且生同甲。故名曰祖庚。字曰生同。雍正丙午丁未聯捷。榜下選山西聞喜縣。調興縣。歲旱。申請開

倉平糶不待報。卽令民赴倉買穀。民賴以安。乾隆丙辰薦舉應

召試不售。尋奉

旨纂修經史。出知隰州。卓薦陞順德府。調保定府。恭逢

聖駕巡幸及秋獮木蘭諸大典。屢荷

召見。奏對悉稱。在任八年。卓薦者再。然終以未得入詞館爲歉。兩子紹曾顯曾。皆膺館選。而意終不樂。亦見文人結習未忘也。

山陰胡稚威天游。兩中副榜。乾隆丙辰薦舉。

召試。因持服未與。次年補試。又以汚卷見遺。居京師。館任宗伯蘭枝第。晨夕商榷讀書。未嘗挾一刺以干公卿。公卿慕其名者。欲一見而不可得。每廣座作文。落紙輒數千言。見者嗟服。駢體文得唐燕許二公之遺。會一統志成。當進。

御鄂文端。張文和兩相國。屬齊檢討。召南作表。齊推稚威。文端欲招之。卒不至。其任氣不肯下人如是。桐城張文和公七十壽辰。

高宗賜對聯云。潞國晚年猶矍鑠。呂端大事不糊塗。  
常州陳文恭公薨。

賜對聯云。執笏無慚真宰相。蓋棺還是老書生。  
錢唐梁文莊公乞假養親。

賜詩云。翻祝還朝晚。卿家慶更深。

天語之肫擊如此。知明良之契合深矣。

吳縣陶部郎篠之妻李氏。年二十四而寡。撫所生子  
望。潛甫。孺月。教養成人。為之授室。媳陳氏育娠六月。  
而望潛又歿。時陳氏年甫十七。痛不欲生。勉從姑命。

以待生男延宗祀也。已而舉一女。媼姑恐傷寡媳心。亟請於族黨。公議以猶子緒澧爲嗣。又十年而李氏卒。計守節二十九年。陳氏命緒澧循例請

旌。建坊墓道。給楔巍然。工費不貲。典質簪珥殆盡。親族賢之。乾隆士子。陳氏年四十一歲。西鄰不戒於火。延點將及臥室。舉家徙避。陳氏守伯姬之戒。端坐不出。時西風大作。火勢忽迎風返轉。闔門得免於厄。天之厚待苦節。此其顯而易見者也。聞緒澧之子亮采。已有聲庠序。陳氏猶及見其孫之成名。食報正未有



艾耳。

長洲蔣重光女。有至性。父病瘵日久。女隨生母晨夕侍。會天暑。蚊集。嘬徧體。婢媪輩欲揮之。女不可。曰。蚊得一飽。便絕他噬。寧使噬吾膚。毋令再噬吾親也。婢媪爲之泣下。其感人如此。女年十四。字同里陳珏。未娶而夫。女誓不再字。父母不忍奪其志。遂歸於陳。持服如制。立嗣娶媳。而嗣子又歿。乃與媪撫遺腹孫廷椒。以養以教。守節二十餘年而卒。廷椒呈請詳題。

得

旌典焉。

按兩世苦節。撫遠腹成立。此貞節中所最難者。集中所載如錢塘徐吳縣陶及蔣貞女事。

凡三則。今徐節母之子承恩業已貴顯。吾願世之爲貞節後裔者。咸誦清芬而貽令名也。

程香巖蔭貴。中乾隆己卯舉人。授四川大竹令。有政聲。公餘以詩畫自娛。翩翩一書生。絕不料其有幹濟才也。金川用兵。上官察其能。委辦南路科多站。程以其子烈隨行。西軍失守。賊勢方張。漸及科多。程下令籍隸役兵夫。盡力死守。數月。賊不得逞。黠者教以火攻。賊乃積薪縱火。既熾。程身先出戰。手刃二賊。遂遇害。其子亦不屈死。事

間。贈道銜。祭葬。陰資。如例。若程君父子。可謂忠孝。萃  
於一門矣。

皇朝新語卷十四



熙朝新語卷十五

古款 余金 德水 輯

高宗純皇帝御極六十年。

壽萬宏開。篤生人瑞。各直省奏報耆民五世同堂。親見七代八代者。屢見邸抄。然未有如長洲蔣氏之盛者。乾隆丙寅春。內閣中書應焯之祖文源年九十。配張氏年八十九。翰林院編修元益之祖文涵年八十九。配顧氏年八十八。俱五世同堂。親見八代。應焯元益同日給假。回籍祝壽。海內樂之。時徐爾峯士林爲

巡撫製聯稱祝云。登甲登科。五代見孫繞膝。難兄難弟。九旬夫婦齊眉。洵爲

熙朝盛事。

乾隆庚戌恭逢

高宗純皇帝八旬萬壽。先期有

詔。以戊申鄉試。己酉會試爲正科。己酉鄉試庚戌會試爲

恩科。己酉典江南試者。胡閣學。高望。賀考功。賢志。選士公明。闈中向例。於

萬壽節將各房考首先呈薦之卷。取中一名。名曰  
恩卷。然間有二三場疵累或事故不到。不能入彀者。  
是科金山令奉天子滄來釐圖房中首薦一卷。主司  
亟加稱賞。卽時批中。及填榜。拆閱彌封姓名。乃知是  
卷爲元和王壽祺。主司監臨及監試簾官輩無不額  
手稱慶。

聖天子壽考作人。髦士嘉名。適符瑞應也。

長洲錢宮聲中請。康熙己未博學鴻詞科。官翰林院  
編修。時湯文正公爲江蘇巡撫。贈以題額曰奎壁凝

暉。乾隆己亥宮聲元孫榮以第一人舉於鄉。辛丑公車北上時。夢五色雲自空飛下。中有蒼龍直前蟠舞。因以左手持龍角。右手取筆。大書奎壁凝暉四字於龍頭上。龍即騰空去。尋中會狀。自前明正統商文毅公輅後。三百三十六年來一人。自唐元和張公又新至是。九百七十六年中第八人也。

高宗純皇帝御製三元詩

賜之。有王曾如可繼。遠彌我心存之句。草茅新進而簡在。



帝心如此。豈非厚幸與。

乾隆甲辰。余在四川成都府城隍廟。見一道士清癯如鶴。髮半白。問其年。曰不知也。因言今歲

聖駕南巡。惜未得瞻仰。

天顏。余異其言。因問吾師曾至江浙否。道士備述

聖祖六幸江浙諸慶典。並沿途景亭名勝所在。歷歷如繪。非躬逢其盛者不能道。殆二百歲人也。

崇化屯屬之胡耳巖。爲大金川要道。蜿蜒綫棧。約長三里。山巖如削。石壁凌嶒。俯聳作欲墜狀。下視大江。

蒼茫無際。濤聲雷動。往來者捫壁附石。轉側僂僂。勢與俱傾。苟一瞑眩。顛蹶無底。

王師平定。噶拉依循巖築石爲欄。行人過此。咸誦阿文成公之偉烈。北行七十里。名龍登礪。卽福貝子駐兵處。

福貝子康安後。追封郡王。大學士傅忠勇公次子。年十九。以頭等侍衛統兵。隨定西溫將軍福征大金川。拔酋莎羅奔。進駐龍登礪。木果木兵潰。貝子以衆寡不敵。且戰且退。行至刮耳巖。莎張墜馬。家人恐懼。委

之而遁。重慶營戰兵王貴見貝子呻吟草中。奇其狀。貌負而疾。馳七十里。抵沃什站。適阿文成公自西路撤兵至沃。一面飭令隨營太醫診視。立遣將備以安輿送入關。五十年貝子節制全蜀。閱兵至渝。憶及王貴刮耳齒之功。立諭鎮將查訪。時王貴辭糧已久。孑然一身。補履爲業。以自給。貝子既憫其邁。又感其勞。欲官千夫長以酬之。王因年老力解。貝子知其性耽麴蘖。爲置千金之產。俾得醉飽終其身。蜀人咸稱王之淳樸。而多貝子之勇於報德也。

乾隆辛未四月。

聖駕南巡至山東。撫臣維泰奏稱。山東之沂州府。舊爲瑯邪郡地。嗣號臨沂。

本朝因之曰沂州。尋陞爲郡。考之通志。該地爲漢臣諸葛亮及晉臣王祥。王覽。唐臣顏泉。顏真。顏真。是以城內舊有景賢祠。爲合祀亮與祥。覽及泉。真。真。卿等五臣之所。及忠孝祠。專祀亮。祥於內。今各祠宇。雖皆年久堙圯。而志乘載之。里民思之。並有諸葛城。孝感河諸遺蹟存焉。此五臣者。如諸葛亮之鞠躬盡。

粹。殫忠漢室。偉業豐功。史冊炳然。至如王祥之純孝。格天。王覽之友于感母。洵皆至性出於醇篤。非僅爲一代名臣已也。若夫顏杲卿。顏真卿之節。列萃於一門。孤忠標於千古。尤爲正氣凜然。是亮等不獨學術事功。彪炳載籍。且其忠孝友悌。實爲千古人倫坊表。今事遠年湮。各蹟雖沈榛莽。然里民之懷想芳徽。猶昭昭可考。茲當我

皇上翠華巡狩。聿修

盛典。可否仰懇

天恩將此五臣。或

賜扁額。或

賜詩章。一經

聖主褒嘉。則五臣之忠孝亮節。既得上隨

奎藻。天章永垂不朽。而

聖主表忠教孝之化。益覺光昭萬禩矣。奏上蒙

賜七言詩一首。曠典也。

浙江蕭山張氏觀。五采五昆仲。俱以資入爲郎。出宦  
山東福建。乾隆丁未歲。其家後園荒地上。忽出大竹

兩竿。枝葉凌霄。詫爲奇事。是年秋。觀五權東昌府知府。采五權汀州府知府。

乾隆辛丑十月。蕭山陸敬軒爲永城尉。署中舊有柳樹一株。年久半槁。命工伐之。鋸板見天然畫一幅。如淡墨寫成。左右峯石峻削。懸崖上有松一株。老樹一株。枝葉倒垂。松上纏藤累累。下有一叟扶杖立。高冠長袖。鬚眉宛然。左手納袖中。著芻屨。右腳前行。露其鳥。左腳隱衣下。回顧若聽泉狀。雖妙手寫生。不是過也。造物之巧。真有不可思議者。

單秋帆沉爲陝西巡撫時。會上華山頂宿僧舍。夢有人長身玉立。著古衣冠。拜之曰。某居此山中已及千年。近有僧人以大銅鐘挂吾左臂。吾甚苦之。乞爲解釋。明日入寺。果見有鐘一口挂大銀杏樹上。因命山僧移鐘別置他所。

秋帆先生生平於古人中最服膺蘇文忠公。每於十二月十九日。輒爲文忠作生日會。懸明人陳老蓮所畫文忠小像於堂上。命伶人吹玉簫鐵笛。自製迎神送神之曲。率幕士及屬吏門生衣冠趨拜。拜罷張晏



設樂卽席賦詩。秋帆首唱。和者積至千餘家。當時傳爲盛事。

浙江金華吳紫廷鳳來。乾隆庚辰進士。任廣西象州知州。境內有山。山上有龍潭。旱時祈雨甚靈。吳不信。嘗帶從役數十人入山禱雨。初見潭水甚清。一無鱗介。俄頃忽見有紅白魚數頭出沒其間。從者羅拜曰。龍神見矣。吳不信。引弓射之。一魚血淋漓帶箭去。衆惶懼不知所爲。吳大言曰。果係龍神。當現真相。吾始信耳。言未畢。四山昏黑。作雲霧。對面不辨人。潭水決

起數丈。龍頭仰浮水面。其狀如牛。雙角有鬚。兩眼若  
漆。而所射之魚。仍帶箭游泳於龍之左右。若侍從然。  
吳始信服。再拜謝過。未幾大雨如注。

琵琶亭在江西九江府潯陽江畔。題詠甚多。乾隆間  
唐蝸寄英司權九江。置紙筆於亭上。賈客能詩者輒  
令賦詩。開列姓名。交關吏投進。唐讀其詩。分高下以  
酬之。投贈無虛日。坐是虧累。變產以償。怡然絕不介  
意。去官後。過客思之。爲建白太傅祠。肖唐公像於旁。  
至今尙存。

江陰李芥軒。隱居不仕。與其配薛素儀。更唱迭和。有前明趙凡夫陸卿子之風。一日夫婦對酌。偶以瓜子仁排作數行。芥軒云。細剝瓜仁排雁陣。素儀應聲云。輕移杯底印連環。時傳爲佳話。

歙縣程道平。少習制舉業。不售。去而學賣。生平敬惜字紙。每行街市。輒注曰。四顧恐有字紙棄地也。人以爲癡。程樂此不疲。倡惜字會。雇人拾剝。砌爐焚之。灰則附客舟載至江而沈之。如是者五十年。年八十餘。無疾而終。歿後旬日。不夢于其子曰。我前身乃文

帝坐下白驪也。夙根不昧。惜字一生。今往浙江託生爲士人。早掇科第。食其報矣。此乾隆五十九年事。

常州孫氏祖塋。在府城西門外十里。乾隆間塋上忽生連理木二本。上合爲一。枝幹拳曲。人所罕見。至丁未科。裔孫星衍中進士第二人。由翰林累官至山東督糧道。曾作記刻石墓間。

乾隆己丑殿試。進呈十卷中。吳縣潘榕臯奏雋名列第七。以得信遲誤。

保和殿

御試不到。改爲內閣中書。一日劉文正公指潘笑謂同列曰。此

天子呼來不上船者。

吳縣潘芝軒世恩。生於乾隆己丑十二月。誕生前夕。其祖貢湖贈公夢一玉麒麟自空降於庭。贈公取置掌中。宛轉化爲嬰兒。比長。天姿聰穎。器宇端凝。甲癸丑進士第一人。歷踐清華。年四十官至尙書。

乾隆癸酉。太倉王生赴省試。有同鄉友三人託預定寓屋。恐臨期倉猝也。王因爲之稅屋三椽而已。下榻

於其旁屋內。越數日。王臥病。恍惚見呂祖入門。手持香圓三枚。王起迎之。呂祖搖首微笑曰。到口乃可吞耳。王不解所謂。翌日三人來。王亦病瘳。場事畢。三人皆捷。一解元吳溶。一第八名吳一桂。一十一名吳鏞也。

長洲蔣氏族最繁衍。其先世光祿公可竹墓在婁門外。填墓橋。五年合族會祭。於舟次肆筵宴劇。觀者如堵。乾隆壬辰二月。屆會祭之期。黎明有一白鶴舞於墓前。旋繞者再。四圍喜鵲結隊相隨。逾時始散。是年

少司馬元益。鷹。

賈恩一品封誥。四世俱仙鶴補服。閱二年奉

命典浙江鄉試。撤闈後得

旨給假回籍省墓。里人榮之。

蔣參議祠在虎邱。祀明天津兵備參議燦。孫贈兵部  
右侍郎之遠配焉。乾隆乙酉

高宗南巡至虎邱。見參議祠前斗標林立。

上曰。這是那一家。時扈

蹕大臣以山東學政蔣元益家祠對。

上曰。原來是念書人家。勝國名臣重邀。

溫諭。尤爲異數。迄今里人尙呼爲旗杆場云。

蔣侯園贈公舊第。在郡城福濟觀西。門首貞節坊。爲贈公嗣母盛太夫人建。自康熙初至今。綽楔巍然。左右屢遭回祿。坊獨保全。乾隆五十年間。鄰近大火。太夫人元孫媳陳氏亦節婦也。居第內後樓。望見火勢。方熾。一星冠羽衣人。凌空指揮。若保護此坊也者。因得無恙。陳氏夜夢太夫人語曰。上帝嘉我生前貞節。故臨災之際。神明庇佑。今吳縣節孝祠中。木主首列。



者卽太夫人也。後裔成進士者十二人。登賢書者三十餘人。其食報如此。

高郵州廨東有狀元墩。祀文昌神。神前有一騎。俗呼曰白特。甚著靈顯。王文肅安國。夏筠莊之弟。夏禮谷之弟。三公爲諸生時。會文於此。文肅嘗夜入文昌祠。祠前故有一小橋。履橋上軟如綿。初不覺也。既至。祠僧驚曰。橋圯矣。君何從來。文肅茫然。次早見神前白特。四足泥淖。尙津津然。疑夜所履者卽此也。後三人皆成進士。入翰林。惟文肅官至尙書。

俞貞女名杏貞。金匱人。翰林肯堂女弟也。許字高郵。明經金蘭。未嫁而蘭卒。女聞絕食死。女能詩。嘗過露筋祠。作詩曰。遺烈傳千古。聞名似讀銘。墜膚空幻相。屹石護貞靈。未見野蓮白。惟傷沙草青。崇祠留砥柱。多少女郎經。時人以爲詩識。所著有杏軒集。

蘇州周最齋明德。官蜀中。最久。嘗隨福郡王入西藏。見唐古忒風俗。人死卽齮割以喂鷹犬。謂之天葬地葬。又割天靈蓋作盂。貯酥油供佛。明德乃寫駐藏大臣出示禁止。其略云。

欽差駐藏大臣示。爲禁止醫割死屍。以重人倫。以厚風俗事。照得天地至大。凡一切知覺運動之類。惟人最靈。惟人最貴。無論山陬海澨。但係人類。莫不有父母焉。但有人性。莫不有不忍之心焉。既有此心。則君臣父子夫婦兄弟朋友。俱至親至愛之人。生時團聚歡樂。死後哀戚悲慟。人有同心。理固然也。乃唐古忒俗崇佛教。賦性愚頑。積習相沿。無情無理之事。不可枚舉。卽如人死。殘割與鷹犬掠食。謂爲天葬地葬。竟與禽獸無異。本部堂奉

命駐藏。治理斯民。蒿目疚心。不忍不廣爲訓誨。俾佛地番民。共曉

聖教而遵

王法。從此養生送死。倫紀無乖。乃至願焉。查律載笞杖徒流斬五等。所以治罪人也。至於剝尸梟首。尤爲極重之刑。其謀反。叛逆。弑父。殺兄。妻殺夫。乖亂倫常之人。方予凌遲處死。今唐古忒民人。各有父母兄弟。妻子。在生極其憐愛。迨其死後。卽將尸碎割以喂鷹犬。其子其弟。其婦在旁觀瞻。不以爲慘。反謂得受好

處有是理乎。試思爾之父母。生而獲罪。爲王法所加。或斬或劓。其子尙爲哀痛。或爾之父兒。爲仇人殘害。其子弟尙欲報復。焉有一生無罪。幸得善終。反被自己妻子凌遲。殘忍凶惡。一至於此。雖日夜誦經懺悔。何能納罪于萬一耶。爾將父母屍身殘毀。喂鷹喂犬。故爾之子孫。亦將爾屍照樣割裂。此卽明示報應。可不猛然省悟乎。嗣後人死。概不許殘毀以喂鷹犬。自己。有莊田者。于莊田內埋葬。如無莊田之貧民。現由遠賴喇嘛撥出荒山。立爲義塚公地。報官卽與掩埋。

倘有無知番民。仍不遵奉。卽治以不孝之罪。凌遲處死。毋貽後悔。特示。自示之後。唐古忒民人感化。冥遠頓改惡俗。仁人之言。其利溥哉。

山東庠生張大美。素奉關帝甚虔。乾隆乙亥。張患病甚劇。恍惚間。夢至關帝廟。見帝方陞殿理事。著

本朝衣冠。威儀嚴肅。張怵息不敢仰視。有頃。聞呼張名。張匍匐至階下。帝在殿上語之曰。吾廟中楹柱對聯。膚泛俚俗。甚不愜意。爾與吾有香火緣。其爲吾改之。張跪誦一聯云。數定三分。扶漢室削魏伐吳。辛苦

備嘗未了平生事業。志存一統佐。

熙朝伏寇降魔。威靈丕振。只完當日精忠。帝深加歎賞。曰。此四十二字。爾來歲當知好處也。張叩謝出。遂寤。不解來歲何云。次年鄉試。首場。張坐矮屋中。搆思未就。倦而假寐。夢帝所之。曰。起起。爾忘對聯字數乎。張驚醒。文思沛然。援筆立成三藝。如宿構然。是科中式第四十二名。

蘇州府城圓妙觀之東。爲臨頓里。有錢某者。以賣藥爲業。謹愿性成。市價不二。里人重之。一日。錢方據櫃。

板修治藥料。忽有一癩道士。抱一臃腫幼童置櫃上。撫弄之間。三遺其矢。店夥大恚。將加詆誅。錢諭止之。道士曰。居士善人。吾令吾徒自己收拾可耳。卽呼童俯拾所遺矢納口中。錢察其異。亟奪之。道士已肩此童去。步如飛。遙望之。所負非幼童。乃一葫蘆耳。因悟此道士必呂祖也。櫃上遺矢之處。異香經月不散。人有異疾不能瘳者。試刮板屑少許。和藥以進。病良已不逾月。櫃板洞焉。時人咸以錢家藥店呂祖曾到。利市三倍云。



梁溪俞蓉汀大鴻。幼警悟。嗜學工詩畫。得唐宋人意。及長。循例入太學肄業。歲需膏火。自顧弗遑也。有吉水某。與俞素相善。遊學至都。邁疾不起。俞經紀其喪。盡罄己資。且撫育其十歲孤兒。延師課讀數年。學大就。適俞以考職發河工。將出都。以某尚未歸葬。其子不能獨留都下。急託其鄉人。給資令扶輿同歸。其子旋游庠。食餼。感俞高義。至今尸視之。俞年四十九。無疾卒。善行。蓉湖吟草。

定州唐河近村。爲西山衆水所歸。驟長丈許。依阜而

居者時遭水厄。有王某者耕於田。見水忽至。急趨至家。遇妻在戶。卽負之走。妻大聲呼止之曰。母在內。何先顧我也。某舍而負母。置之阜。歸救妻。則水已及丈。居毀而妻無跡矣。奔告母。母痛甚。望水泣不已。尋見一屍浮近阜。某力挽出之。卽妻也。母益痛。撫屍大慟。某亦視而泣。妻忽蘇。張目如夢醒然。形氣無恙。母子告以故。始覺再生。未幾水落。仍安居如故。蓋造物嘉其孝。特活之數外也。

容城張進士南川。父某以歲貢銓恒山學博。食俸十

二年積金八十。孺人以公年屆六旬。己年亦五十有七。子嗣無望。力勸歸田。公從之。乞休返行。裝蕭索。不及一肩。次保陽旅邸。聞鄰婦老少相泣。異而詢之。知老婦有子。爲催科役。虧官糧三十餘金。限甚迫。其妻計無所出。將自鬻以償。是以悲耳。公惻然欲解囊以濟。慮孺人中沮。太息不止。孺人先亦詢知始末。亦以力薄。斂容不敢請。公會其意。以告孺人。慨然如數代償。全其骨肉焉。次早車過西城舊石坊下。聞空中云。該死者至矣。又有人云。昨以積善免。且有一子登第。

語甫畢石坊崩去車尾僅尺許既歸孺人以車中所聞語告公曰一命感天君或者其有後乎勸之置妾不可未幾孺人信水復至居然生子卽南川也遠近聞而異之南川幼聰穎年十七成進士出宰百里二老人就養任所俱享大年積善之報也

江北張某爲人經紀收債於江寧歲暮將歸黎明肩行李出城門未啟立市簷以待倦甚以置金之布搭坐身下方閉目城遽啟忘攜身上布搭僅肩行李趨出行里許始覺急返覓舊所已各肆俱張人如雲集

而布搭不知去向矣。於此愁眉觀望。徘徊不已。一老者詢故。以實告。邀張入曰。今早啟門。得有遺物。未識相符否。張曰。爲東人歸者兩大封。其小封則已物也。錠數分量各若干。老者驗係原物。卽還之。張感泣。愿以己金奉。老者笑曰。吾果愛財。頃則不言矣。君何不諱也。張不敢強。因拜謝。各道姓名而別。張抵江待渡。而風大作。渡舟多覆。溺人無算。張惻然曰。吾所攜之金失而復得。吾命亦屬再生矣。悉出己金買救生者。操舟往救。立拯數十人。皆感謝。彼此通姓氏。中有一

少年江寧人。往江北貿易。回家度歲。卽還金老者之  
子也。張異而告以故。聞者莫不歎息。後二氏結婚。姻  
焉。可見濟人卽自濟也。

元和施季子澹。性至孝。父病目翳。以舌舐之。二十日  
盡去。目復明。母病痢。五月不止。割臂肉和藥以進。病  
立起。母思食梨。時尚未有。忽來一老嫗遺之。澹上有  
三兄。伯早卒。仲叔常客遊。澹奉父母。索通于東。自一  
夕夢黃衣老人曰。爾父病亟。澹驚起。卽刻東裝歸。至  
江口。陰雲四合。將有大風。舟人相戒無渡。澹涕泣叩

頭一老篙工哀其誠渡之中流。舡幾覆。忽聞空中語云。謹護施孝子。厥後其孫文燾舉於鄉。請旌如制。

熙朝新語卷十五

3  
1

1

1  
1

1



熙朝新語卷十六

古歙 余金 德水 輯

歙縣洪桐生梧。乾隆庚子。恭應

南巡召試。

欽賜舉人。後中庚戌科進士。散館授職編修。嘉慶元年正月。

太上皇帝授寶禮成。羣臣上表稱賀。諭苑諸臣各進詩賦詞章。俱蒙

睿賞。

頌齊有差。桐生獨出機杼。敬撰

萬全全韻頌進呈。洋洋萬餘言。導揚

盛軌。無一膚泛語。

聖心嘉悅。拜蟒袍。文綺之

賜。是年冬。

簡授山東沂州府知府。先是桐生之兄名模。名榜者。

俱以

召試。邀

恩。歷官至知府。後先接踵。若合符節。亦見文人遭際。

之隆也。

嘉慶九年八月奉

上諭。朕兄成親王自幼精專書法。深得古人用筆之意。博涉諸家。兼工各體。數十年來。臨池無間。近日朝臣文士之工書者。罕出其右。早應摹勒貞珉。俾廣流傳。而王搆謙自矢。不肯遽付鈎鐫。昨特命軍機大臣傳旨。諭令將平日所書各種。自行選擇刻石。始據王具摺陳謝。遵旨於回京後。覓工摹刻。著照所請。以詒習齋名。顏其卷帙。王卽繕朕此旨。勒冠簡端。以當製

序。本日王所奏之摺亦著另書一通附刊於後。以誌一時翰墨欣賞之盛。欽此。王遵

旨。勅石壽世。藝林寶貴。珍若球琳。洵

熙朝盛事也。

錢唐錢警谷槐。弱冠遊庠。屢困場屋。嘗祈夢于忠肅祠。夢忠肅示一紙。大書十六字曰。尙早尙早。來不湊巧。若問功名。綠衣人少。醒而不樂。謂中期尙遠也。然綠衣句不解。所謂嘉慶甲子。潘芝軒司農典浙江試。警谷始領薦。年已六旬。謁見座主。詢及入學年歲。具

以實對。潘拱手致敬曰。前輩前輩。是年家大人入學。某尙未生也。因悟夢兆之巧。此事與劉子壯夢出朱之弼房中相似。

嘉慶辛酉。郫縣天后宮紫樅花盛開。花類壺午。有小鳥翔鳴其間。丹喙金距。文彩徧體。形似鳳而小。羣鳥隨之。不可勝數。居人以得見爲祥。不能比歲然也。石門韻輯五述。

嘉慶乙丑三月。簡州徐刺史鼎。奉檄赴嘉定催銅。夜夢五人從東來。自稱行疫使者。將赴成都。問何時回。

法。曰過年者。皆燈方回。後徐回省。適見瘟疫流行。憶及所夢。告之總督。令府縣曉諭民間。以五月朔大張燈火。如元宵故事。自錦江門以達鹽市口。金鼓震地。燈火燭天。花炮煙火徹夜不絕。各官復捐俸。延僧道設壇誦經。如是者五日。時疫遂平。豈厲鬼亦可以術紿之耶。或曰是良有司痲瘵在抱。是以感嘉祥而消疹氣也。

播州老瀛山之白瀛觀。志稱老君修煉於此山。門前石梯百餘級。水經石竇中。淙淙可聽。崖上鐫梯步鳴

琴四大字。筆力蒼勁。山門之左。瀑布千尺。從崖瀉下。彷彿廬山面目。觀之南。兩峯夾峙。處跨以石橋。勢若飛虹。下臨絕壑。名曰飛仙橋。橋南石筍一株。峻削直上。石下一洞。內供大士像。題曰臥雲枕月。石筍稍南。有玉井焉。鑿以白石。覆以松楸。相傳飲此者多壽。巖盤崖石。凡石椅。狀皆極肖。遠望之如懸峭壁間。崖路險。緣援而上。山上異景頗多。不能殫述。其最奇者。莫如香碑。削壁萬仞。崖際忽吐一石。如舌形。大似三閘屋。圍以石楠。香碑嵌石壁上。字類古篆文。模糊不

甚可辨。遊人以絹拭之攜歸。其香經月不散。從玉井左轉。以鐵鍊承木架浮梁。以達香碑。余於甲子春過播州。遊白瀛觀。見一老道士。類百餘歲人。操秦音。喜著高腳木屐。其行甚捷。問其年。笑而不答。或曰明季避流寇時卽居此。

國初時尙與鄉先生賦詩贈答。年來益與世俗相遠。觀中住持卽其徒孫。年亦九旬矣。蓋道士皆飲玉井泉者。故多壽云。

邛州火井。槽產鹽而乏柴草。竈戶全賴井火以煎熬。



色類螢火以猪尿胞吸其氣能攜之遠方用大鍼刺一孔以火蒸之卽然光大如豆終夜不滅余過邛州時曾親試之。

余幼時讀莊子北溟有魚其名爲鯨化而爲鵬其翼若垂天之雲以爲莊叟寓言未必實有是物也後閱南淮縣志載。

國初時有大魚過海口其高如山蠕蠕而行過七晝夜始盡終未見其首尾嘉慶甲子山東登州府蓬萊縣濱海處一日忽有大鳥從空飛過兩翼垂天畫爲

之曠。城內外人觀者億萬。咸恐懼羅拜。逾時始不見。豈卽莊子所謂鯨鵬耶。

嘉慶丙子十月。江蘇海州。據報沿海有大魚一頭。兩目已剝去。計長三十六丈。目背脊至腹。尚七丈有餘。居民咸嚮食之。其助甚厚。朕不可聞。較諸南進縣志所載。渺乎小矣。

嘉慶丁巳。南康謝蘊山啟。昆爲浙江布政使。闡啓中園屋。得永平磚八塊。大喜。以爲晉惠帝時物。遂召北室曰。八磚書。賦詩紀之。一時和者百餘人。或以爲

明永平厰所造。非晉磚也。方伯曰。圓區瓦礫。何足深究。嘗見鑿古家。每得一物。斷斷聚訟。甚至穿鑿附會。何不如方伯之見超也。

無錫唐孝女素。少有至性。慕北宮女之爲人。居惠山之麓。賣書畫以養父母。至老不字。士大夫重其人。往往函金購尺幘。視若奇珍。嘉慶初。邑紳請於有司。許題得。

旌典。聞今尙健在。年近七十矣。

長洲張孝女詩姑。居滄墅關。有殊色。尤精女工。數年

我母其父爲之擇壻某喜狹邪遊染惡瘡潰爛無人  
理舅姑不得已央原媒退婚女父本嬖人心竊喜益  
關部丁胥艷女久爭欲聘之千金可立致也女持不  
可曰兒一人寧字兩姓耶父曰吾小家何所忌女曰  
家有大小禮無大小也兒願終身事父十指足以供  
甘旨矣父憫而從之後父病奉侍四十餘日目盡腫  
夜禱天願以身代剖臂肉以進病良已閱三年父又  
病奉侍籲禱如昔仍剖肉以進愈匝月而歿女出衣  
飾盡藥之以治喪具既葬歸自沈於宅後尤家浜時

六月盛暑。殮之日。面色如生。異香噴溢。閭里咸爲歎息。嘉慶甲戌得

旌如制。

嘉慶甲戌春。潞河白洗馬銘。督學安嶽。幕士吳秋舫。潮訪知青陽徐孝子事。聞於使者。使者曰。表微勵俗。余之責也。按試日。詢諸生。皆曰信。遂表其廬曰至性感人。并爲之傳。其略曰。孝子姓徐氏。名守仁。世業農。孝子四歲而孤。未嘗讀書。事母孝。晨昏視問。悉如禮。爲人傭。得值則市酒肉歸奉母。母呼孝子共食。輒以

持齋謝。蓋不忍分其甘也。母年七十六而終。孝子哀慕若孺子。既葬。孝子露處墓側。號泣十餘日。蛇虺附體不顧也。鄉人憐而爲之廬。且飲食之。孝子乃進奉其父木主以居。有弔問者。餅楮外悉不受。旣免喪。或勸之歸。孝子曰。必俟母過八十壽而後歸。於是守墓凡四十有二月。歸時則鬢髮垂一尺許矣。使者聞而歎曰。吾人自束髮受書。少而貧。笈長而服官。大抵奉親之日少。而違親之日多。及抱恨終天。又或牽於塵累。求如孝子之盡禮者。終不可得。乃致父母有富貴。

子不如貧賤子。可勝痛哉。

崑山徐孝子者。軼其名。大司寇乾學之元孫也。父某爲邑諸生。放誕不善治生。家資蕩然。生徒亦散盡。孝子年十三。學未竟。卽爲縣胥鈔寫。得值以奉父母。父故嗜酒。每飯無三爵不能舉箸。孝子力不給。費於肆久之不能償。恐市僧之怒之也。日過肆中學柳做亭。抵掌談三國隋唐演義。聲色俱肖。市人悅之。竟不問酒值。已而遂佯狂歌唱。藉此易酒肉。甘旨幸無闕。父獲母病。孝子又苦日書。不能作書。居然抱絃索彈盲。

詞以爲故業矣。崑邑於雍正十年分設新縣。曰新陽。身建城隍廟於城東之羅漢橋。卽葉文敏家半菴園故址也。孝子每日歌於斯。聽者雲集。日將午輒告歸。強留之則泣下。衆異之。或尾之去。則以所得金錢市飲膳歸。母食已餒而後復來。率以爲常。或詢其家世。則僞爲顛狀。慙笑而已。蓋以操術旣卑。不欲污先人門閥也。其母死。孝子遂不見。或曰自沈於河矣。衆呼之曰徐癡。嗚呼。是真癡也耶。是孝子也。亟書之以儆世之不癡而癡者。



嘉慶庚申

恩科。浙江解元崔懋騶。嘉興人。江南解元崔錫華。荆溪人。係近族分居。占籍兩省。同時領解首。次年辛酉正科。江南解元崔暄。卽錫華一家。同族兩科三解元。古所未有。

山東諸城劉沁芳。尙書。祖母顏太夫人。前相國文正公之繼配。文清公之母也。嘉慶辛未。尙書督學江南。迎養太夫人於江陰使署。值太夫人九十誕辰。文清公恭奉

恩命前赴江南爲母介壽。

天章炳耀。

錫子便蕃。朝野榮之。公卿大夫各有報辭聯句贈行。記其一聯云。

帝祝期頤。舉朝祝期頤。合三代之門生。亦共祝期頤。八座

恩榮昭海內。夫爲宰相。哲嗣爲宰相。備六官之支孫。又將爲宰相。九旬福曜蔭江南。一時傳誦。洵古今所罕育也。

嘉慶丁巳。忻州崔西山映辰。令山東蘭山時。署中有  
老民池姓者。擔水夫也。相傳自康熙間受雇供役。其  
時年已四旬。生平無所嗜好。亦未有室家。所得傭值。  
輒分給其曹偶。人咸昵之。歷任縣令。亦知其慮且勤。  
令督率諸夫。儼然墮指氣使。不徒恃力作矣。乾隆三  
十年。年逾九十。循例宜遷粟帛之  
賜。令欲爲之請。池堅辭曰。小人薄福相。天特予之壽。  
幸矣。一旦謬膺

恩錫。恐折將來壽算。盍少留之。以蘇未盡之年乎。令

題其言。事遂寢。至是西山爲之詳請題咨。蒙

賞六品頂帶。時年一百二十六歲。余在蘭山親見其人。體耀而神清。聲啾啾如嬰兒。隆冬常科首。汗氣蒸蒸上騰。庶幾其能葆真者。

四川松茂河水湍急。力如勁弩。不宜舟楫。乃施石柱於兩岸。繩亘其中。上繫木筩。其名曰橦。欲渡者以繩自縛於橦。兩手緣索而進。卽至彼岸。復自解之。嘉慶甲子。蜀人張遠峯言其曾祖某弱冠時過此河。縛甫竟。輒解。身已離橦。瞑眩欲墮。恍惚中似有人爲之維

繫。又從而推挽之者。因得渡。後生八子二十孫。及見  
曾孫十一人而歎。壽八十有九。諺云。大難不死。必有  
大福。不其然乎。

嘉慶庚午四月。高郵州西門外。臨湖石隄傾圮。河帥  
委員修築。有州署幕友夏友香者。督工役往來於隄  
上。日將暮矣。忽見湖中城市顯然。林木繁茂。斷岸一  
帶小橋。亘之。橋旁有斥埃。列柵拒馬。咸備。橋上有人  
持破傘。作迎風急走勢。而柳陰之下。一驢流啜於其  
間。其時落日沉山。暮靄四起。適當湖中城門隙處。金

碧萬道。沿堤水紋如縠。與夕陽相激蕩。光怪陸離。不可名狀。城中炊烟縷縷。人影幢幢。傑閣嵯峨。浮圖高聳。鍾聲如在耳也。晚風乍起。而所謂城市林木橋亭。斥埃者。漸淡漸遠。然已數刻矣。嘗聞山東登州萊州有海市。四川青城錦城有山市。今高郵更有湖市。亦奇觀也。

長洲蔣竹浦封翁。以厚德推重鄉里。督課子姪。期望甚殷。嘉慶戊午八月初八日。封翁長子雲篋名泰培。赴秋闈。封翁詣關帝廟祈籤。得四句云。萬人叢裡逞

英豪便欲飛騰霄漢高。爭奈承流風未便。青燈黃卷  
且勤勞。是科雲筭中式第四名。首句之驗。己巳捷南  
宮入薇省。次句之驗。中間三薦春闈。一取謄錄。一挑  
教職。三四句之驗。雲筭座師爲萬和圃侍郎。名承風。  
姓名悉見于籤。尤奇。

嘉慶戊辰七月望日。蔣竹浦封翁詣關帝廟祈籤。首  
句羨君兄弟好名聲。末句巍巍科甲兩同登。是科鄉  
試。封翁仲子琴史名慶均與堂弟尊汀名庭芝同榜。  
閱六年甲戌會試。琴史又與堂兄建堂名元封同榜。

甲戌

殿試前。封翁請呂祖廟祈籤。有衣冠身惹御爐香之句。琴史果館選。又琴史公車至都。在正陽門關帝廟求籤。有彼此懷疑不相信之句。果以提塘報條錯悞。家中遲報十日。又琴史祈籤。有萱堂快樂未渠央之句。時封翁母陳太恭人尚在堂。親見兩孫聯登館閣。一時稱爲盛事。

封翁宅在郡城西花橋巷之東。巷西有張氏旗杆。年久潰爛倒地。嘉慶癸酉秋大雨。積潦盈尺。旗杆順流



浮抵蔣氏門首而止。明年琴史入翰林。蓋已爲之兆矣。

嶺西藍祥善繪事。年一百四十四歲。猶能畫大幅人物。嘉慶初

恩賜六品頂帶。壬申年錢唐梁侍講同書。得其所畫壽星一幅。爲之題識。泐石。時梁亦年至九十矣。國琛人瑞。此之謂與。

吳縣城西北有桃花塢。方志稱爲宋樞密章綬別業。唐解元寅築居於此。有夢墨亭。有祠祀六如居士及

祝京兆允明文待詔徵明。天啓時楊端孝大濬改爲準提庵。

國初家中丞榮重加修葺。增建才子亭。百數十年來行就隳廢。嘉慶六年善化唐觀察仲冕知吳縣事。因拓庵東別室。移祀唐祝文二君像。顏其室曰桃花仙館。且訪得六如居士墓在胥門外橫塘王家村。封植而題識焉。并賦七律八首。一時和者如雲。不可勝記。記其原唱云。綺羅絃管總成塵。一種才華閱世新。縱酒地爲澆酒地。看花人是種花人。可憐謝客無遺宅。

何必通仙有後身。燕麥兔葵芟剔盡。絳桃依舊占芳春。第一風流自愛名。佯狂獨得聖之清。奏書不逐嚴夫子。搥鼓真同繭正平。半偈悟禪空電逝。小樓讀畫尚花明。饒他文酒求餘韻。三百年來識此生。吾宗衝後數尤奇。牢落悲深曠代知。司馬青衫同灑淚。尙書紅杏舊題詞。謂宋商邱中丞銜碑土近要離冢。拾翠人歸短簿祠。千古英豪齊下馬。況傳華胄備官司。荒烟蔓草贖寒燈。仙館重開問寺僧。五十步分樵采路。三十界埽辟支乘。乞花好句留楹帖。近得居士真蹟夢筆遺

編付刻藤。表墓式間。吾豈敢。名流好事。寫韓陵。白玉  
樓成。隔兩塵。水村山郭。幾番新。未知若箇。眠雲處。想  
見當年。荷鋪人。蘭若舊藏。題後謁。菰蘆雅稱。夢申身。  
橫塘十里。秋聲館。合與芳園一例春。荒邱冥漠。不書  
名。訪到山橋。澗水清。指點青燐。孤月出。侵尋黃壤。亂  
雲平。一杯馬鬣。新封大。三尺雞碑。小記明。過客莫歌  
蒿里曲。早歸兜率。悟無生。菱芡重重。鼎俎奇。橫阡設  
祭幕。雅知唐風。剩有毛萋傳。楚些曾無。宋玉詞。崇禎甲申  
毛子晉嘗封表之。置墓田丙舍。紀以碑。今蕩然無存。惜商邱中丞未嘗議及。地以滄桑沈

斷礎。人於伏臘走叢祠。秋來雁稅從新占。憑仗村翁  
社媪司。文人慧業照元燈。墓前碑仍題  
明唐解元煙穗前生記  
老僧。花鴨吟樽延客賞。石湖釣艇浦吾乘。城闌更注  
千年漆。松茂長寒百尺藤。疑冢卻嗤銅雀伎。空教賈  
履望西陵。

新進士釋褐後謁國子師。大司成例得坐受。無少遜。  
且當新貴展拜時。戒不得動。若頭動。則於一甲第一  
名不利。左右手動。則於一甲二三名不利。俗說如此。  
然輒有奇驗。嘉慶辛未。天門蔣丹林祥輝為祭酒。一

甲一名蔣修撰立鋪卽祭酒子也父子行此大典莫不羨其遭際有朝士贈詩云回憶趨庭學禮時

國恩家慶喜難支阿翁不敢揶髯笑怪底郎君拜起遲詩近諧亦佳話也

蘇州府城東史家巷蔣氏有二第門首俱豎旗杆一爲庸德堂乾隆癸巳夏雷震旗杆木明年甲午肯菴明府基順天申式乙未聯捷會魁一爲亦政堂嘉慶丁巳除夕鄰家祀神爆竹火熱旗杆上光燭通衢明年戊午雲箋主事秦皆中鄒魁己巳

恩科成進士。識者以爲雷震火災。皆文光騰上之徵也。

蘇州府城閭門外。南濠之黃家巷。古名雁宕里。相傳都少卿讀書燈。卽其地也。明時尙係近城曠地。廛戶其稀。至

國朝生齒日繁。人物殷富。閭閻日干。鱗次櫛比矣。巷內何姓。素稱積善。數十年來。耆瑞屢徵。天之所以待之者。亦厚也。乾隆壬午。何厚齋名麟之妻周氏。年八十八。以五世同堂。有司上其事於

朝得

旌如制。乾隆壬寅。厚齋之子何墨畊。永鉅。年八十二。又以五世同堂得

旌典。至嘉慶丙寅。墨畊之子何勉耘。漣。年八十四。又以五世同堂請

旌邀

恩賜八葉衍祥扁額。閩里榮之。祖孫相繼三次。以五世同堂得

旌。世所罕有。



淮安太守趙公名璠。因公赴徐州。途次見推小車者。將客人行李拋擲路旁。怒形於色。不願推送。客錯愕無所措。趙停車問之。車夫乃言曰。小人自徐州受雇。推送此客。行三日矣。尙不知其姓。今日偶問及。知伊姓秦。小人姓岳。安能爲仇家作僕御耶。趙大笑。因諭之曰。秦岳之仇。乃六百年前事爾。何憾於客耶。車夫乃悟。趙與之錢二千文。命仍送客往。此與皮匠殺秦檜事相類。真赤子之心也。

乾隆甲辰歲。潘樹庭世榮與其弟芝軒世恩同遊於

庠有梅溪居士者。爲作棣萼聯芳圖以賀之。三十年來。芝軒官至尚書。樹庭以中書引疾歸里。嘉慶丁丑。樹庭兩子會彥會綺亦同遊泮宮。居士又作紫薇雙照圖爲贈。系以詩云。棣萼才名本出羣。一枝先發上蒼雲。惟君獨享山林福。不作人間出岫雲。三十年前事偶同。秀才原是舊家風。春來第一開心事。又見雙雙入泮宮。可添入玉堂佳話。

元和俞冠三濂。於乾隆戊寅年入學時。有白鶴翔於庭。咸以爲瑞。至嘉慶丁丑。冠三年已八十。雙鑲異常。

又見白鶴來翔。擬於戊寅。秋應。

恩科鄉試。是冬循例。應得重遊泮宮。亦

熙朝人瑞也。

熙朝新語卷十六終